

Evangelio según SAN MARCOS

*Juan vāme c̄tiḡu, masare oco rāca bautizari-
mas̄u ĩ gotimasiore queti*

(Mt 3.1-12; Lc 3.1-9, 15-17; Jn 1.19-28)

¹⁻³ “Rotim̄or̄ūḡōr̄uc̄mi” yiḡu, Dios ĩ cōar'i, Jesús ĩ bajirere m̄are gotiḡu yaja yu. ĩne ñaami Dios mac̄u. To bajiri, ado bajiro ñas̄oaja: Jesúre goti r̄joro c̄tiḡu ñañuju Juan vāme c̄tiḡu, tir̄am̄ju ĩre ĩ goti r̄joro c̄tirotire yiḡu, Diore gotir̄etobosarimas̄u, Isa'ias vāme c̄tiḡu ado bajiro ĩ yuicamasire ñajare: “ “Rotim̄or̄ūḡōr̄uc̄mi” yiḡu, m̄are yu cōaroto r̄joro, m̄are gotiyuroc̄re cōas̄or̄uc̄ja yu maji' yami Dios.

Yuc̄u manoj̄u ado bajiro gotimasiorec̄mi: ‘Mani uj̄u ejar̄uc̄mi. To bajiri, rojose m̄a yisere yit̄uj̄ac̄ōari, quēnasej̄are t̄oĭavasoaya m̄a, ĩre yur̄a' yir̄uc̄mi”, yuicamasiñumi Isa'ias, Juan ĩ bajirotire goti r̄joro yiḡu.

⁴ To bajiri, yuc̄u manoj̄u ñac̄ōari, ado bajiro ĩre ajir̄a ejariar̄are gotimasiocudir̄ūḡūñuju ĩ:

—Rojose m̄a yisere t̄oĭas̄utiritiya m̄a. To yic̄ōari, “Rojose yir̄abeaja yu. Dior̄aca quēnaro ñar̄ar̄aja yu” yir̄a, oco rāca yure bautizarotiya m̄a. To bajiro m̄a yijama, rojose m̄a yisere m̄are masir̄ior̄uc̄mi Dios —ĩnare yigoticudir̄ūḡūñuju ĩ.

⁵⁻⁶ Camello joane suariaro s̄añaḡu ñañuju ĩ. To yic̄ōari, vec̄u gaserone vēñaric̄ūñuju, ĩ s̄añasere.

Ñimia ba, to yicōari, beroa ocore idi, yirũgũñuju. Ìre ajirã, jājarã masa ejayujarã. Jerusalén macana, Judea sitana quēne ejayujarã. To bajiro ì gotisere ajirã ñari, “Rojose mani yisere Dios manire masirioato” yirã, “Rojose yirã ñaja yua” Diore ìna yigotiro bero, Jordán vāme cātirisajũ oco rãca ìnare bautizayuju Juan. ^a

⁷⁻⁸ Gaje vāme ado bajiro masare gotimasiorũgũñuju ì:

—Yũ bero yũ rētoro masigũ ejarucumi. Ñamasurã rĩne ìre yibosamasiama, ñamasugũ masu ì ñajare. Rojose ìna yisere yitajacōari, Dios ì bojasejũare yirãre oco rãca bautizarũgũaja yũ. To bajiro yũ yirũgũse ti quēnaboajaquēne, yũ bero ejagũ ì moasejũa quēnamasucōarũaroja. Ìma, Esp'iritu Santore cōamasirucumi, masare. Ì sũorine, “Dios ì bojabetire yaja yua” yimasicōari, tũoĩavasoarũarãma — ìnare yigotimasiorũgũñuju Juan.

*Oco rãca Juanre Jesús ì bautizarotire queti
(Mt 3.13-17; Lc 3.21-22)*

⁹ Tirũmũrine Galilea sitajũre ñarimaca Nazaret vāme cūti maca ñar'i, Jordán vāme cātirisajũ vasuju Jesús. Juan tũjũ ejacōari, oco rãca ìre bautizarotiyuju.

¹⁰ Juan ìre ì bautizaro bero, majarũgũgũne, õ vecajũ ãmũagasero soje, ti jānasere ìañuju Jesús. Ti jānarone, Esp'iritu Santo, bujare bajigũ rujiadicōari, ì joere ì rocajeosere ìañuju.

^a **1:5-6** Elías ñamasirí, camello joane suariaro sãñagũ ñamasifũju ì quēne. To yicōari, vecũ gaserone vēñaricũmasifũju, ì sãñasere.

11 Jesús joere ĩ rocajeorone, ado bajiro yi ocaruyuyuju õ vecajũ:

—Yũ macũ, yũ maigũ masu ñaja mũ. Mũ rãca bũto variquẽnaja yũ —yi ocaruyuyuju.

Dios ĩ bojabetire vãtia ẽjũ, Satanás, Jesúre ĩ yirotiãre queti

(Mt 4.1-11; Lc 4.1-13)

12 Jesús, oco rãca Juanre ĩ bautizarotiro bero, yucá mano, vaibũcũrã ĩna ñaroju, ĩre ũmato vasuju Esp'iritu Santo.

13 Tojũre cuarenta ñarirũmũri ñañuju Jesús. Tojũ ĩ bajiñarone, vãtia ẽjũ Satanás, ĩre ejacõari, “Yũ rotisere yicõari, Dios ĩ bojabetire yato” yigũ, ĩre rotirũgũboayuju. ĩre cũdibesuju. To bajicõari, Diore moabosarã ángel mesa ĩre ejarẽmoñujarã ĩna.

Galilea sitajũ Jesús ĩ gotimasiosũore queti

(Mt 4.12-17; Lc 4.14-15)

14 Tirũmũri, tubiberiavijũ Juan ĩ tubibe ecoro bero, Galilea sitajũ vacoasuju Jesús. Dios oca quẽnasere gotimasiodigũ vasuju.

15 Ado bajiro masare gotimasiodiyuju:

—“To cõrone bajirũaroja yũre rotibosarocũ, ĩ rotisũoroti” Dios ĩ yitũoĩariajũ ejaja yuja. Ʋjũ Dios yarã quẽnaro ĩ yirona mũa ñarũajama, rojose mũa yisere yitũjacõari, ĩ oca quẽnasere mũare yũ gotisere ajitirũnũña —masare yigotimasiodiyuju ĩ.

Vai sãarimasa babaricãrãcũ ñarãre Jesús ĩ jire queti

(Mt 4.18-22; Lc 5.1-11)

16 Cojorũmũ, utablecũra Galilea vãme cõtira tũju vacudigũ vasuju Jesús. To vacũjũ, ĩañuju, Simõn vãme cõtigure, bero Pedro vãme cõtirocũre, ĩ bedi

Andrére quêne. Vai s̄arimasa ñañujarã ñna. Bajiyuc̄arire rearoderuu yĩñañujarã ñna.

17 Ñna t̄u ejac̄õari, ado bajiro yiyuju Jesús:

—Ȳu r̄ãca vayá. Yuc̄rema m̄ua vai vejese ùnirene masa ȳure ñna ajitir̄ñn̄rotire gotimasio-bosarimasa ñnar̄arãja m̄ua —ñnare yiyuju Jesús.

18 To ï yirir̄imarone, ñna bajiyuc̄arire c̄ũ, ñre s̄uyacoasujarã.

19-20 To yi var̄utu vac̄une, gãjerã j̄uarã ñnar̄re ñnare jiyuju Jesús. Ñna ñañujarã Santiago, ï bedi Juan r̄ãca. Ñna jac̄u Zebedeo r̄ãca c̄ũmuaj̄u ñna bajiyuc̄arire siaquẽno s̄ãñañujarã. To ï yisere ajic̄õari, ñna jac̄ure, ñre moabosar̄are quêne vaveocoasujarã, Jesúre s̄uyana.

*Mas̄u us̄uj̄u s̄ãñaḡure v̄ãt̄ire Jesús ï burocare queti
(Lc 4.31-37)*

21 Capernaum macaj̄u ejayujarã ñna. Ti macaj̄u ñna ejaro bero, us̄us̄aj̄ariar̄um̄u ti ejaro, Dios ocare ñna buerivij̄u s̄ãjañuju Jesús. S̄ãjac̄õari, masare gotimasioñuju.

22 Dios ï rotimasire gotimasiorimasare bajiro me, ūj̄ure bajiro bojonebec̄une quẽnaro ï gotimasiojare, ajĩñañamani ï gotise ti ñajare, no yimasibesujarã ñna.

23 Ti vire s̄ĩḡũ ãm̄u ñañuju, ï us̄uj̄u v̄ãti s̄ãñaḡũ. Jesús, masare ï gotimasiorone, ï us̄uj̄ure s̄ãñac̄õari ado bajiro Jesúre ñre yivasãñuju v̄ãti:

24 —Jesús, Nazaret v̄ãme cuti macagu, ¿no yiḡu ȳua t̄u vadiati m̄u? ¡Ȳuare ḡõjanabiobesa! ¿Rojose ȳua yise vaja, rojose ȳuare yiḡuagu vadiati m̄u? M̄ure ñamasiaja ȳua. Rojose yiḡu me, Dios ï cõar'i ñaja m̄u —Jesúre yivasãñuju v̄ãti.

25 To ï yirone, oca tutuase rãca ado bajiro ïre yiyuju Jesús:

—¡Ñagõbesa ma! ¡To yicõari, ï usujure budigoya!
—vãtire ïre yiyuju Jesús.

26 To ï yirone, rijaquedirotiyuju vãti, masure. To yi, buto avasãcõari, masu usujure budigocoasuju yuja. To ï bajijare, masujumama quënaejacoasuju.

27 To bajisere ïacõari, ti vi ñarã jediro no yimasibesujarã ïna, ti ùnire ïabetirũgũriarã ñari. To bajicõari, ïna masune ado bajiro gãmerã sëniñañujarã:

—¿No bajiati? Ajiñañamani oca manire gotimasigũ yami. Buto masigũ ñaami. Vãtia buto masirã ïna ñaboajaquëne, masa usurijure sãñarãre ïnare bureamasiami —gãmerã yiyujarã ïna.

28 To bajiro Jesús ï yiñasere masa ïna gotibatojare, yoaro mene Galilea sitana tire ajijediyujarã ïna.

Simón ùmañicore Jesús ï catioire queti
(Mt 8.14-15; Lc 4.38-39)

29 To bajiro Jesús ï yiro berone, Dios ocare ïna buerivijum budiasuju. Santiago, ï bedi Juan quëne, gãjerã Jesús ï buerimasa quëne ï rãca vasujarã, Simón ï bedi Andrés rãca ïna ñarũgũriavijure vana.

30 To ïna ejarone, Jesúre gotiyujarã ïna:

—Simón ùmañico buto asicõari, buburibumjaamo — ïre yiyujarã ïna.

31 To bajiro ïna yijare, Jesús, so tu ejarũgũcõari, sore tãavãmõñuju. To ï yirirĩmarone, sore rujum asiboase sore tumjacoasuju. To bajiro ï yicaticõario, bare ïnare ecayuju so.

Jãjarã, rijaye cutirãre Jesús ï catioire queti
(Mt 8.16-17; Lc 4.40-41)

32 Tirūmu, rāiorijune, rijaye cūtirāre juaejayu-jarā masa, “Jesús ĩnare catiatio” yirā. ĩna usuriju vātia sāñarāre quēne juaejayujarā, “Vātiare bureatio Jesús” yirā.

33 Gājerā quēne, ti macana jediro soje tū rējañujarā.

34 Jājarā ñañujarā rijaye cūtirā, to yicōari, ĩna usuriju vātia sāñarā, masa ĩna juaejoriarā. Rijaye cūtirāre catioyuju. To yicōari, ĩna usurijure sāñarāre vātiare bureayuju. Vātia, ĩre ĩna ĩamasisere ĩacōari, ĩnare ñagōrotibesuju Jesús.^b

Dios ocare ĩna buerivirijure Jesús ĩnare ĩ gotimasiocudire queti

(Lc 4.42-44)

35 Gajerūmu busujedibetibusarojune, masa manojū vacoasuju Jesús, Diore sēnigūacu.

36 To ĩ bajiboajaquēne, Simón ĩ babarā rāca ĩre macasūya, ejacoasujarā ĩna.

37 ĩre ĩabūjacōari,

—Masa jediro mare macaama —ĩre yiyujarā ĩna.

38 To bajiro ĩna yiboajaquēne, ado bajiro ĩnare cūdiyuju Jesús:

—Ita. Gaje macarianare quēne quēnase quetire gotimasiocudirocu ñaja yu. Tīre yigu vadicaju yu — ĩnare yicūdiyuju Jesús.

39 To bajiri Galilea sitaju gotimasiocudiyuju Jesús. Tocārāca macarirene Dios ocare ĩna bueriviriju sājaejacōari, oca quēnasere masare ĩnare

b 1:34 “Masare ĩ rijabosarotirūmu ti ejabetijare, vātiare ñagōrotibesuju Jesús”, yiyujarā sīgūri, Dios oca masa ĩna ucamasire buerētoburimasa.

gotimasioñuju. To yicõari, ñna usarijũre sãñarãre vãtiare bureayuju.

Gase boagũre Jesús ñ catiore queti
(Mt 8.1-4; Lc 5.12-16)

⁴⁰ To bajiri sīgũ gase boagũ, Jesús rĩjorojũa gũsomuniari tuetuejayuju, ñre rãcũbũogũ. To yicõari, ado bajiro Jesũre ñre yiyuju:

–Yũ ujũ, yũ cãmire mũ yarũajama, yaya –ñre yisẽniñuju ñ.

⁴¹⁻⁴² To bajiro ñre ñ yisere ajicõari,

–Mũ cãmire yarũcũja yũ –ñre yigũne, ñre moaĩañuju Jesús.

To bajiro ñ yirirĩmarone, ñ cãmi ñre yaticoasuju yuja.

⁴³⁻⁴⁴ To ñre yigajanocõari,

–Gãjerãre gotibetimasucõama –ñre yiyuju Jesús. To yicõari, ado bajiro ñre rotiyuju:

–Yũcũacane paire mũ rujũre ñoaya. Mũ rujũre ñre ñogũne, Moisére Dios ñ roticũmasiriarore bajiro vaibũcũrã ecariarãre sñacõari, paire ñre ñsima, Diore rãcũbũogũ. To mũ yisere ñacõari, “Caticoa-sumi”, yirũarãma masa –ñre yiyuju Jesús, gase boaboar'ire.

⁴⁵ ñre ñ gotirotibetiboajaquẽne, masa jedirore gotibatoyuju, “Yũ gase boasere yacõami Jesús” yigũ. To bajiro ñ gotibatojare, macari Jesús ñ vacudijama, yayioro vacudirũgũñuju ñ. To bajiri, masa manojũ ñnacudirũgũñuju. To ñ bajiñaboajaquẽne, macariana ñajediro ñre ñarã ejarũgũñujarã ñna.

2

Micagũre Jesús ĩ catoire queti

(Mt 9.1-8; Lc 5.17-26)

¹⁻² To bajiro ĩ yicudiriarũmũri bero, Capernaum vãme cuti macaju tudiejayuju Jesús quẽna. ĩ ñarũgũrivijũre ĩ tudiejasere ajiyujarã masa. Tire ajicõari, ĩ tũju rẽjañujarã ñna. Jãjarã ñna ñajare, vi jũmũcoasuju ti. Nojũa rũgõriaju mañuju. Soje tu quẽne, nojũa rũgõriaju mañuju. To ñna bajirone, vi jubeaju Dios oca ñnare gotimasio ñañuju Jesús.

³ To bajiro ĩ yĩnarone, babaricãrãcũ ñacõari, micagũre ãmiejayujarã.

⁴ ĩre ãmiejacõari, Jesús tũju cũrũaboayujarã ñna. To ñna yirũaboarore jãjarã ñabibecõañujarã. To bajiri vijũre sãjamasibesujarã. “Tire bajicõaja” yirã, vi joeju ĩre ãmimũjasujarã. ĩre ãmimũjacõari, Jesús ĩ rũgõro vecare goje yijorayujarã. To yigajano, micagũre ĩ jesariju rãcane ĩre jidirujio ejoyujarã, Jesús tũju.

⁵ “ĩre ĩamaicõari, ĩre catorũcũmi” ñna yitũoĩasere ĩamasicõari, micagũjũare ado bajiro ĩre yiyuju Jesús:
–Rojose mũ yirere mũre masiriocõaja yũ –ĩre yiyuju Jesús.

⁶ To ĩ yisere ajicõari, ti macana sĩgũri Dios ĩ roti-masire gotimasiorimasa, ado bajiro tũoĩañujarã:

⁷ “¿No yigu to bajise yati ĩ? To bajiro ĩ ñagõjama, Diore ĩre rũcũbũobecũ yami ĩ. Dios sĩgũne ñagũmi ti ũnire yimasigũma”, yitũoĩañujarã ñna.

⁸ To bajiro ñna yitũoĩasere ĩamasicõari, ado bajiro ñnare yiyuju Jesús:

–“ ‘Diore bajiro masa rojose ñna yisere masiri-omasiaja’ yisocaami”, yũre yitũoĩaboaja mũa.

9 “Rojose mɛ yisere masiriocɔaja” yɛ yicɔa tɔjajama, “Socɛ yami. Socɛ me yami” yɛre yĩamasigũ magũmi. To bajiboarine, “Vũmurũgũcɔari, vasa” ĩre yɛ yijama, “Socɛ me yami. Rojose ĩ yirere masiriocɔami”, yɛre yĩamasirãja mɛa.

10 To bajiri, Dios ĩ roticɔacacɛ ñari, “ ‘Diore bajirone masare rojose ĩna yisere masiriomasigũ ñaami’ yɛre yĩamasiato” yigɛ, ãni micagãre ado bajiro ĩre yaja yɛ:

11 “Vũmurũgũña mɛ. Mɛ jesarijɛre ãmiña. To yicɔari, mɛ ya vijɛ tudiasa”, ĩre yaja yɛ –ĩre yiyuju Jesús.

12 To ĩ yirirĩmarone, masa jediro ĩna ĩaro rĩjoro vũmurũgũcɔari, ĩ jesarijɛre ãmi, ĩ ya vijɛ vacoasuju ĩyuja. To bajiro Jesús ĩyisere ĩaɛcacoasujarã masa. “Ti ũnire ĩabetirũgũcajɛ mani. ãni, Dios ĩ masise rãca yigɛ yami” yitɔoĩacɔari,

–Quẽnaro yaja mɛ –Diore ĩre yivariquẽnañujarã ĩna.

Lev'ire Jesús ĩjire queti

(Mt 9.9-13; Lc 5.27-32)

13 Micagãre ĩ catoriaro bero, Ƴtabucura Galilea vãme cɔtira tɔjɛ quẽna tudivasuju Jesús. Tojɛ jãjarã masa rẽjañujarã. ĩna rẽjasere ĩacɔari, Dios oca ĩnare gotimasioñuju ĩ.^C

14 Gotimasio gajano, vacɛne, Lev'i vãme cɔtigɛre ĩre ĩabɔjayuju. Alfeo macɛ ñañuju ĩ, Lev'i. Ƴjɛre

^C **2:13** Leví, jua vãme, vãme cɔtigɛ ñañuju. Gaje vãme, Mateo vãme cɔtiyuju. “Leví” ti yijama, hebreo oca rãca yiyuju. “Mateo” ti yijama, romano oca rãca yaja.

gãjoa sēnibosarimasu ñañuju. Gãjoa sēnirã ñna ru-
jirijure gãjoa sēnirujiyuju. To ï yĩñaro, ñacõari,

–Yure ajisuyaya – ïre yiyuju Jesús.

To bajiro ï yisere ajicõari, ïre suyacoasuju ï yuja.

¹⁵ Bero, Lev'i ya vijũ ejacõari, bayuju Jesús. To bajiri Jesúrãca bañañujarã Lev'i ï yiriarore bajiro rojose yirã, ujure gãjoa sēnibosarimasa, gãjerã “Rojose yirã ñaama” masare yĩñarã quēne. To yicõari, Jesús buerimasa quēne bañañujarã ñna. To bajiri jãjarã masu ñañujarã Jesúre ïre ajisuyarã.

¹⁶ To ñna bañarone, ejayujarã fariseo masa, Dios ï rotimasirere gotimasiorimasa quēne. ñna ñañujarã, Moisére Dios ï roticūmasirere buto ajirũcũborã, rojose yirã rãca ñnarũamena. Ejacõari, rojose yijairã rãca ñna bañasere ñacõari, Jesús buerimasare ñnare sēniñañujarã:

–¿No yigũ mũare buegũma, ãnoa rojose yirã rãca bañati? –yisēniñañujarã ñna.

¹⁷ To bajiro ñna yisēniñajare, ado bajiro ñnare cãdiyuju Jesús:

–Caticuēnarãma, uco yigũre bojamenama. Rijaye cutirã rĩne ïre bojarãma ñna. To bajiro bajiaja yure quēne. “Rojose yirã me ñaja yũ”, yirãma, yure bojamenama. “Rojose yirã ñaja yũ” yirã rĩne yure bojarãma. Quēnaro yirãre jigũ me, adi macarũcurojũre vadicaju yũ. Rojose yirãre, “Rojose ñna yisere yitujato” yigũ, vadicaju yũ. To bajiri ãnoa, “Rojose yirã ñaama” mũa yĩñarã rãca bañaja yũ –ñnare yiyuju Jesús.

*“Mani sutiritisere ñacõari, quēnaro manire
ejarẽmorũcũmi Dios” yirã, bare babetire queti
(Mt 9.14-17; Lc 5.33-39)*

18 Juan masare oco rãca bautizarimasu ĩ buerã, fariseo masa quẽne, ĩna ñicua ĩna yimasiriarore bajiro bare bamenane Diore sēniñujarã, “Mani sutiritisere ĩacõari, quẽnaro manire ejarẽmoato Dios” yirã. To ĩna yirirũmure Jesũre sēniñarã ejayujarã sĭgũri:

—Juan ĩ buerimasa, to yicõari, fariseo masa quẽne, mani ñicua ĩna yimasiriarore bajiro Diore ĩna sēnirirũmurema bare babetirũgũama. ¿No yirã tire yibeati mu buerãma? —Jesũre yisēniñañujarã ĩna.

19 To ĩna yisere ajicõari, ado bajiro ĩnare gotimasioñuju Jesũs:

—Sĭgũ ĩ ãmosiarirũmure ĩre variquẽnaejarẽmorã ñarãma. To ĩ ũmato yĩnaro cõro ĩre variquẽnaejarẽmorãma. ĩnare bajiro bajiamay buerã. Yu rãca ñari, variquẽnacõa ñaama. “Sutiritimena ñari, no yirã bare babeticõa yimenama” yimasire ñaja.

20 To bajiboarine, cojorũmu yure ĩna ñiavato ĩacõari, bare bamenane Diore sēniruarãma, “Mani sutiritisere ĩacõari, quẽnaro manire ejarẽmoato Dios” yirã.

21 Mame oca yu gotimasiose ricati ti ñajare, yu ye rãca mani ñicua ĩna yimasirere muã tũoĩavũojama, quẽnabeaja. Sudiro bucuase ti vojama, mamagasero rãca seretumasimenaja mani. Mamagaserone mani seretujama, mani coero bero carato tũatutu vatone bucuasejua vocoatoja. Bucuase, mamase rãca mani seretumasibetore bajirone, mame oca yu gotimasiosere, mani ñicua oca rãca tũoĩavũobesa muã.

22 To bajirone bajiaja uye oco quēne. Mame uye ocore, vaibucugaserone quēnorajoa bucujoaure jiomenaja mani. Bucujoaure mani jiojama, jāmusīnituca yiro, yivocōaroja tjoaure. To bajiro mani yijama, uye ocore, vaibucugaserone quēnorajoaure quēne, to bajirone yireacōa tujana yirāja mani. “To bajirobe” yirāma, mame uye ocore vaibucugaserone quēnorajoa, mamajoaure jiore ñaroja. To yicōari, uye oco, vaibucugaserone quēnorajoa quēne, cojoro cōro quēnaro ñaruroja. To bajiri mame uye ocore, bucujoaure mani jibetore bajiro mame oca yu gotimasiosere, mani ñicua oca rāca tñōlavobesa mua —ñare yiyuju Jesús.

Ususājariarūmū ñaboajaquēne, Jesús buerimasa trigo ajere tūnejuacōari, ña bare queti

(Mt 12.1-8; Lc 6.1-5)

23 Ususājariarūmū ti ejaro, trigo ña oteriavese cūtove vasuju Jesús, i buerimasa rāca. To bajivanane, trigo ricare tūnejuacōari, ña ãmorine ti gasere sīguēreacōari, bayujarā i buerimasa.

24 Tire ña basere ñacōari, fariseo masa ado bajiro Jesúre ñre yiyujarā:

—ñaña mua! Mu buerimasa, ususājariarūmū yire mere yama ña —Jesúre ñre yiyujarā.

25 To bajiro ña yisere ajicōari, ado bajiro ñare cūdiyuju Jesús:

—¿David ñamasir'i i babarā rāca ñiorijacōari, ñare i ũmato bamasirere masibeati mua?

26 Paia uju ñamasugū Abiatar vāme cūtigū i ñarore David mesa, ñiorijarā ñari, “Mani rāca ñagūmi Dios” masa ña yirivijure sājacōari, Diore ñre rācuborā pan gājerā ña cūboarerene juacōari,

ĩ babarã rãca bamasiñuju ĩ. To bajiri Moisés ñamasir'i ĩ gotimasirema, “Paia rĩne baruarãma” ĩ yimasiboarerene bamasiñujarã ĩna. To bajiro ĩna yiboajaquẽne, ti vaja rojose ĩnare yibetimasĩñumi Dios.

27 “ Ƴsusãjariarũmure ado bajiro yiya’ yũ yisere cãdirã ñato” yigũ me, masare rujeoyumi Dios. Masare rujeocõari, “ Ƴsusãjariarũmũ ñaruarõja”, yicũmasĩñumi, “Quẽnaro ñato ĩna” yigũ.

28 Yũ, Dios ĩ roticõacacũ, “ Ƴsusãjariarũmure ado bajiro mũa yijama, quẽnaja. To bajirojũa mũa yijama, quẽnabeaja”, yirotigũ ñaja yũ – ĩnare yicũdiyuju Jesũs, fariseo masare.

3

Ãmo ñujobecũre Jesũs ĩ ñujorotire queti (Mt 12.9-14; Lc 6.6-11)

1 To yi vacũne, Dios ocare ĩna buerivijũ sãjasuju Jesũs. Ti vijũ ñañuju sĩgũ, cojojacatũa ãmo ñujobecũ.

2 Fariseo masa quẽne ñañujarã. “Jesũs, rojose yimi’ ẽjarãre yigoti, yirorãsa” yirã, Jesũre ĩre ĩacodeyujarã ĩna. “Adirũmũ Ƴsusãjariarũmure ãni ãmo ñujobecũre ĩ masise rãca ĩ ñujorotijama, ‘Dios, Moisére ĩ roticũmasirere cãdibecũ yimi’ yigotĩuarãja mani”, yitũoĩañujarã.

3 To bajiro ĩna yitũoĩarone, ado bajiro yiyuju Jesũs, ãmo ñujobecũjũare:

–Vãmarũgũña –ĩre yiyuju.

4 To bajiro ĩre yigajanogũne, fariseo masare ado bajiro ĩnare sẽnĩañuju:

–¿ Ƴsusãjariarũmure quẽne, no bojagũ masare quẽnaro mani yijama, quẽnabetojari? ¿Disejũare

yiroti ñati? ¿Quēnasejũare, rojosejũare yiroti ñati ti? ¿Rijaye cõtirãre catiorejũare yiroti ñatique? To yiterã, ¿ĩnare sãacõaroti ñatique? —ĩnare yiyuju Jesús.

To ï yiboajaquēne, ïre cãdibesujarã ïna.

⁵ To bajiri ïre ïna ajitesere ïajũnisinigũ ñaboarine, ïnare ïasutiritigũne, ãmo ñujobecujũare ado bajiro ïre yiyuju Jesús:

—Mu ãmore ñujoya mu —ïre yiyuju.

To ï yirone, ï ãmore ï ñujorone, quēnaejacoasuju yuja.

⁶ To ï yisere ajicõari, budicoasujarã fariseo masa. Budiacõari, “Ujũ ñamasugũ ñarucami Herodes” yirũgũriarã rãca ñagõrã vasujarã. “¿No bajiro yicõari, Jesúre sãarotirãti mani?”, gãmerã yiñagõñujarã ïna.

Utabucura tũjũ jãjarã masa ïna ejare queti

⁷ To ï yiro bero, ï buerimasa rãca vacoasuju Jesús utabucura Galilea vãme cõtiraju vana. To ïna vato, Galilea sitana jãjarã Jesúre sayasujarã.

⁸ Gaje macariana quēne, jãjarã masa, ïañañamani Jesús ï yiñasere ajicõari, ï tũjũ ejayujarã. ïna ñañañarã: Judea sitana, Jerusalén macana, Idumea sitana, Jordán vãme cõtija gajejacatũana, Tiro macana, to yicõari, Sidón macana quēne ñañañarã ïna.

⁹⁻¹⁰ Jãjarã rijaye cõtirãre Jesús ï catiosere ajicõari, gãjerã bũto ïre moaĩarũayujarã ïna, “To bajiro mani yijama, caticoanaja” yirã. To bajiro ïna yitũoĩajare, “Rũgõbibecõarãma” yigũ ñari, —Cũmua cão yuya mua —ï buerimasare ïnare yiyuju Jesús.

11 Ìna usurijure vātia sãñarã, Jesúre Ìacõari, Ì rĩjorojua gusomuniari tuetucõari muquearãne, ado bajiro yivasãñujarã Ìna:

—Dios macune ñaja mu —Jesúre Ìre yivasãñujarã.

12 To bajiro Ìna yisere ajicõari, oca tutuase rãca Ìnare ñagõrotibesuju Jesús, vãtiare rotigu.

*Ì ocare goticudisuronare Jesús Ì besere queti
(Mt 10.1-4; Lc 6.12-16)*

13-14 Cojorũmu buroju majacõari, Ì buerimasare Ì bojarãre jirẽoñuju Jesús. To bajiri Ì tũju Ìna ejarone, juaãmo cõro, gũbo jua jẽnituarirãcu ñarãre beseyuju. To yicõari, ado bajiro Ìnare gotiyuju:

—Yũ rãcane ñacõaruarãja mua. To bajicõari, yũ ocare yure goticudibosarã ñaruarãja mua.

15 Masa usuriju sãñarãre vãtiare, “Budiya” mua yijama, budiruarãma —Ìnare yiyuju Jesús.

16 Ado bajiro vãme cutirã ñañujarã juaãmo cõro, gũbo jua jẽnituarirãcu ñarã Ì beseriarã: Simón vãme cutiboar'i Pedro vãme cutigu.

17 To yicõari Zebedeo rĩa ñacama Santiago Ì bedi Juan. Ìna juarãre Boanerges vãme yiyuju Jesús. Ti vãme, Bũjo rĩa yire ùni ñañuju. d

18 Andrés, Felipe, Bartolomé, Mateo, Tomás, Tadeo ñañujarã. Alfeo macu Santiago, to yicõari, Simón vãme cutigu, celote yere tũoñaboar'i ñañuju.

19 Tusagu Judas Iscariote vãme cutiyuju. Ì ñañuju Jesúre Ìsirocar'i. To bajiri juaãmo cõro, gũbo jua jẽnituarirãcu ñañujarã Jesús Ì beseriarã.

d 3:17 “Yoaro me jũnisinirã Ìna ñajare, Santiago Ì bedi Juan Ìna juarãre ‘Bũjo rĩa’ vãme yiyuju Jesús”, yiyujarã Dios oca buerõtoburimasa sīgũri.

“Vātia ɯjɯ ĩ masise rāca yigɯ yami Jesús”, ĩna yire queti

(Mt 12.22-32; Lc 11.14-23; 12.10)

²⁰ Bero, vijɯ Jesúrāca tudiejayujarā ĩ buerimasa. To ĩna bajiro, jājarā masa rējañujarā. To bajiri, bare bamasibeticōañujarā ĩna, Jesús mesa.

²¹ To bajiro ĩna bajiñase quetire ajicōari, “Mecɯrimasɯ ñacoacɯ yigɯmi”, Jesúre ĩre yiyujarā masa. To bajiro ĩre ĩna yisere ajicōari, ĩ yarā, ĩre jirā vasujarā ĩna.

²² Gājerā Dios ĩ rotimasirere gotimasiorimasa Jerusalén maca vadiriarā ado bajiro Jesúre yiyujarā ĩna:

—Ī ɯsɯjɯ vātia ɯjɯ Beelzebú vāme cɯtigɯ sãñagũ ñaami. To bajiri Beelzebú ĩ masise rāca vātiare bureaami —yiyujarā ĩna.

²³ To bajiro ĩna yise ñajare, ĩnare jiyuju Jesús. To yicōari, ĩ tɯjɯ ĩna ejaro, gotimasiore queti ado bajiro ĩnare gotiyuju:

—Vātia ɯjɯ, masa ɯsɯrijɯ ĩ yarāre sãjarotigɯ ñaboarine, no yigɯ, “Īnare bureaya” yigɯ ñabecɯmitia.

²⁴ Cojo sitana rotirimasa ĩna gāmerā quējajama, ĩna masune gāmerā sĭayayirā yirāma.

²⁵ To bajirone bajiroja cojo vi ñarāre quēne.

²⁶ Tire bajirone bajiroja vātiare quēne. Vātia ĩna gāmerā bureajama, “Masare rojose yitɯjato mani” yirā yiborāma. To bajiro ti bajijare, “Beelzebú vāme cɯtigɯ ĩ masise rāca masa ɯsɯrijɯ sãñarāre vātiare bureaami” yure mɯa yiboase, riojo yirā me yaja mɯa —ĩnare yiyuju Jesús.

²⁷ To bajiro ñnare yigoticōari, quēna gajeye gotimasiore queti ñnare gotiyuju:

—Sīgũ, gãji guamũ ya vi sãjacōari, ñre ñ siabetijama, gajeyeũni ěmamasibecũmi. Ñre siacōari, ñ gajeyeũnire ěmamasigũmi yuja. To bajirone bajiaja yũre quēne. Vãtia ɥjũ ñ rotiboasere ñre yirotibeticōari, vãtiare yũ burease sũorine, vãti ñ rotiajebuarãre ñre ěmagũ yaja, “Yũ yarã ñato” yigũ — ñnare yiyuju Jesús.

²⁸ To bajiro ñnare yigoticōari, quēna ado bajiro ñnare yiyuju Jesús:

—Riojo mũare gotiaja yũ. Masa jediro rojose ñna yijama, jediro rojose ñna ñagōjaquēne, sũtiriticōari, Diore ñna sēnijama, rojose ñna yisere masiriorũcũmi.

²⁹ To bajiboarine, Esp'iritu Santojũare rãcũbũomena rojose ñre ñna yitud'ijama, tirema masiriobetirũcũmi. To bajiro ñna yijama, to bajirone rojose ñnare ñnacōa ñnarũgũrũaroja —yiyuju Jesús.

³⁰ Esp'iritu Santo ñ masise rãca ñ yiboajaquēne, “Ñũsũjũ vãti sãñagũ ñari, bajigũmi” ñre ñna yise ñajare, to bajise ñnare gotiyuju Jesús.

“Yũ yarãma ado bajiro bajirãjũna ñaama”, Jesús ñ yire queti

(Mt 12.46-50; Lc 8.19-21)

³¹⁻³² Jesús, masare ñ gotimasio ñarone, ñ tũ rujigãnirã ado bajiro ñre yiyujarã ñna:

—Mũ jaco, mũ bederã rãca macajũjũ ejama, mũ rãca ñagōrũarã —Jesũre ñre yiyujarã.

³³ To bajiro ñna yiboajaquēne, ado bajiro ñnare cãdiyuju Jesús:

—¿Ñimo ñati yu jacoma? ¿Ñimarã ñati yu bederãma? —Ïnare yiyuju.

³⁴ To yigune, ï tu rujigãnirãre ïacõari,

—Mua ñaja yu bederãma, yu jacore bajiro bajirãma.

³⁵ No bojarã yu jacu õ vecagu ï rotirore bajiro yirã, ïna ñarãma yu bederãre bajiro bajirãma, yu jacore bajiro bajirãma —Ïnare yiyuju Jesús.

4

Oterimasu ï bajirere Jesús ï gotimasiore queti (Mt 13.1-9; Lc 8.4-8)

¹ Quëna utabucura tu ejacõari, masare gotimasioñuju Jesús. Masa jãjarãbusa ïna rëjaquearo ïacõari, cõmuaju vasãjacõari, rujiyuju Jesús. Masajuma, utabucura tu ñañujarã ïna.

² To bajicõari, cojo queti me tuoïacõari, “Ado bajiro bajisere bajiro bajaia” ïnare yigotigu ñari, ado bajise gotiyuju:

³ —Adi queti muare yu gotisere quënarõ ajiya mua. Sīgũ oterimasu veseju ote ajere otegu vacumi.

⁴ Vese ejacõari, ote ajere ï reabaterone, gajeye maaju vëjaquearoja. To bajiri minia ejacõari, tire bareacõarãma ïna.

⁵⁻⁶ Gajeyema, gũta joeju reajeoroja. Tijũ, mójoroaca sita ti ñajare, guaro ti judidaboajaquëne, muiju, asisõcõagũmi. To bajicõari, oco manijare, sñireacoatoja ti.

⁷ Gajeyema, jotayucú vatoaju vëjaquearoja. To bajicõari, ti judiboajaquëne, jotaju bũcũaveocoatoja ti. To bajiri rica cutibetoja ti.

⁸ Gajeyema, sita quënarõju vëjaquearoja. To baji, judibũcũacõari, quënose ñacõari, jairo rica

cătiroja. Cojotõ, treinta ñaricari rica cătiroja. Gajetõ, sesenta ñaricari, gajetõ, cien ñaricari rica cătiroja.

⁹ Tire m̄a ajimasir̄ajama, quēnaro t̄oĩaña m̄a –ĩnare yiyuju Jesús.

“Ado bajiro yiḡa, gotimasiore queti gotirũgũaja ȳa”, Jesús ĩyire queti

(Mt 13.10-17; Lc 8.9-10)

¹⁰ Tij̄a bero, Jesús sīgũne ĩ ñaro, ĩ buerimasa j̄aãmo cõro, ḡubo j̄a j̄enituarirãc̄u ñarã, gãjerã ĩre ajis̄ayarã rãca ĩ t̄a r̄ejacõari, ado bajiro ĩre sēñiñujarã:

–¿Gotimasiore queti ȳare m̄a gotise, no yire ũni ñati ti? –ĩre yisēñiñujarã ĩna.

¹¹ To bajiro ĩna yisēñiñajare, ado bajiro ĩnare c̄adiyuju ĩ:

–“Ŭj̄a Dios yarã quēnaro ĩ yirona, ȳa ñar̄ajama, ado bajiro yiroti ñaja” ĩna yimasibeticatire Dios s̄orine ajimasiaja m̄ama. To bajiboarine gãjerãj̄ama, Dios ĩ bojabetijare, tire ajimasibeama.

¹² To bajiri, gotimasiore queti rãca gotimasioaja ȳa, ado bajiro bajirã ĩna ñajare: Adi macar̄uc̄uroaye r̄irene t̄oĩarã ñari, ȳa yĩosere ĩacõari, to yicõari, ȳa gotisere ajicõari, “To bajiro manire yigotiḡa yami”, manire yimasibeama. To bajiro bajirã ñari, rojose ĩna yisere t̄oĩavasoacõari, “Ȳare masirioya”, Diore yisēñibeama. To bajiri yir̄eto ecobosabetir̄arãma ĩna –ĩnare yigotiyuju Jesús.

“Ado bajiro yir̄aro yaja oterimas̄a ĩ bajire queti”, Jesús ĩyigotir̄etobure queti

(Mt 13.18-23; Lc 8.11-15)

13 Bero, quēna ado bajiro ĩnare gotiyuju Jesús:

—Oterimasu ĩ bajire quetire m̄are yu gotisere m̄a ajimasibetijama, gajeye yu gotirotire quēne ajimasimenaja m̄a —ĩnare yiyuju Jesús.

14 To yiḡne, ado bajiro ti quetire ĩnare gotirētobuyuju Jesús:

—Oterimas̄ma, yu gotimasisere gotimasiocud-irimas̄re bajiro bajigu ñaḡmi.

15 Ote aje, maaju vējaquearere, minia ĩna barere yu yijama, “Ūju D̄ios quēnaro ĩ yirona ĩna ñar̄ajama, ado bajiro yiroti ñaja” yu yigotimasisere ĩna ajiboasere, v̄atia ūju ejac̄ari guaro ĩ masiriosere yigu yibu yu —yiyuju.

16-17 —Ḡta joeju vējaqueac̄ari, guaro judib̄uc̄aboarere, muiju ĩ asis̄orere yu yijama, yu yere ajic̄ari, quēnaro variquēnase r̄aca ajir̄a ñaboarine, yoaro mene tire ĩna quejerotire, to yic̄ari, yu gotisere ajir̄a ĩna ñajare, ḡajer̄a rojose ĩnare ĩna yijama, yoaro mene yu ocare ĩna ajit̄jarotire yigu yibu.

18-19 Jotayuc̄a vatoaju vējaqueac̄ari, judiboarere jotaj̄a ti b̄uc̄aveorere yu yijama, yu gotisere ajir̄a ñaboarine, adi macar̄uc̄aro ti bajisej̄are t̄ōl̄arejair̄a ñari, to yic̄ari, gajeyēni bojat̄ōlar̄a ñari, yu yej̄are ĩna t̄ōlat̄ajac̄ari, yu bojarore bajiro yimenare yigu yibu yu.

20 Sita quēnaroju vējaqueare judib̄uc̄aac̄ari, quēnase rica c̄at̄irere cojot̄o treinta ñaricari, gajet̄o sesenta ñaricari, gajet̄o cien ñaricari rica c̄at̄irere yu yijama, yu gotmasiosere ajimasic̄ari, D̄ios ĩ bojarore bajiro quēnaro yir̄a yu ocare ĩna gotimasiose s̄ori, ḡajer̄a masa quēne ȳre ĩna ajitir̄an̄arotire yigu yibu —ĩnare yigotiyuju Jesús.

*Sĩabusuariare tũoĩacõari, Jesús ĩ gotimasiore queti
(Lc 8.16-18)*

²¹ Quẽna gaje queti ado bajiro ĩnare gotiyuju Jesús:

—Sĩabusuariare jẽocõari, sotũne tiare mubũamenaja mani. Tiare jẽocõari, “Ñajediro ti vianare ãjubusurato” yirã, vecajũ jeorãja mani. Tire bajiro bajiaja yũ gotimasiose. “Ajimasibeticõato masa” yigũ me, to bajise ĩnare gotiaja yũ. “Quẽnaro riojo ajimasiato masa” yigũ, gotirũgũaja.

²² Dios sũorine masa ĩna ajimasibeticati jediro, quẽnaro ajimasirũarãma.

²³ Tire, mũare yũ gotisere mũa ajimasirũajama, quẽnaro tũoĩaña mũa —ĩnare yiyuju Jesús.

²⁴ To yicõari, quẽna ado bajiro ĩnare gotiyuju Jesús:

—Mũare yũ gotisere quẽnaro ajitirũnũña mũa. Mũa ajitirũnrũtuatore bajirone “Bũtobũsa ajimasiato” yigũ, mũare ejarẽmorũcumĩ Dios. Rẽtobũsaro mũare ĩ ejarẽmose ñajare, variquẽnarũarãja mũa.

²⁵ To bajiri, no bojagũ Diore ajitirũnũgũre, “Quẽnarobũsa ajimasiato” yigũ, ĩ masisere cõarũcumĩ Dios. Gãjirema, ĩre ajigũ ñaboarine, ĩre ĩ ajitirũnũbetijare, Dios ĩ rotise sũorine ĩ ajimasiboasere masiriticõarũcumĩ ĩ. To bajiri Diore masibetimasucõarũcumĩ —ĩnare yiyuju Jesús.

*Ote aje judibũcũare tũoĩacõari Jesús ĩ gotimasiore
queti*

²⁶ Quẽna ado bajiro masare gotimasioñuju Jesús:

—No bojarã, ʘjũ Dios yarã quẽnaro ã yirãma, yũ gotimasiosere ajitirũnarã rĩne, ã suorine butobusa ãre bajiro quẽnaro yirã ñarũtuarãma. To bajiro ãna bajijama, ote aje ti judibũcuatore bajiro bajiamã. Oterimasũ otegũmi.

²⁷ Otecõari, tocãrãca ñamiri, ãmũari quẽne, ã cãnijaquẽne, ã cãnibetijaquẽne, no yibetoja ã otere. ã codetirũncõa ñabetiboajaquẽne, ti masurione judicõari, bũcuatoja. Ti bũcuamũjasere, “Ado bajiro bũcuatusajũ ti” yimasibetiboajaquẽne, bũcuamũjacoatoja ti.

²⁸ ã otere ti masurione judiroja ti. Rĩjoro ru-jasaviaca judisũoroja. Bero, bũcuamũjacõari jũ cutiroja. To bajicõari rica cutiroja.

²⁹ Ti bũcũaro ãacõari, juagũmi —ñare yiyuju Jesús.

*“Mostaza vãme cutiũ rica, ajeare bajiro bajiaja”,
Jesús ã yire queti*

(Mt 13.31-32; Lc 13.18-19)

³⁰ Quẽna ado bajiro gotiyuju Jesús:

—“Rotimũorũgõrucũmi” yigũ, Dios ã cõagũ, yũ gotimasiosere no bojarã ãna ajitirũnjama, mũare yũ gotisere mojoroaca ajimasiboarine, rojose ãna ñare cutisere tũõãvasoacõari, tocãrãcarũmũri quẽnaro ñamũjarũgũcõari, quẽnaro ajimasimũjarũgũjama, ado bajiro bajirũaroja: e

³¹ Sĩgũ ã ya vesejũre mostaza ajea otegũmi. Gaj-eye ote aje rẽtoro rũjaricaca ñaroja ti, mostaza ajeaca.

e **4:30** Mostaza ajea ti bajire queti Jesús ã gotirere, “Ado bajiro yirũaro yaja”, yiyujarã Dios oca masa ãna ucamasirere buerẽtobudiriarã sĩgũri: “Jesús ã gotimasiosere ajitirũnarã ã ñarirodo mojoroaca ñaboarine, jãjarã ãna bũjũrotire yigũ yiyuju Jesús”, yiyujarã ãna.

32 To bajiri ï oterica mojoricaca ñaboarine, ti judibucacoajama, ote yucári rētohusaricū jairicū ñaroja tiu. Jairicū ti ñajare, tiu rājuriyū minia ña ria cutirotijurire quēnorāma ña —yigotimasioñuju Jesús.

33-34 Gotimasioire queti rāca rīne ñnare gotimasiōrūgūñuju Jesús, “Ña ajimasiro cōro ajimasiato” yigu. To bajiro yicōari, ï buerimasa rīne ña ñaro, quēnaro ñnare gotirētojujeocōañuju.

*Mino vatone, oco sabesere Jesús ï tujore queti
(Mt 8.23-27; Lc 8.22-25)*

35 Tirāmū muiju ï rocasāro, ï buerimasare ado bajiro ñnare yiyuju Jesús:

—Gajejacatūajū jējaro mani —ñnare yiyuju Jesús.

36 To bajiri jājarā masa Jesúre ajirā ejarāre, ï sñanicūmuajune ï buerimasa rāca ñnare jēaveocoasujarā. To bajiri, gaje cūmuariana quēne, ñnare jēasuyasujarā.

37 To ña jēatone, buto mino vasuju. To bajicōari, buto sabeyuju. Ti saberone, cūmua sagueca yiro, rujacoarūayuju.

38 To ti bajiboajaquēne, rājua tutuoriajū rāca ï rājua tutuocōari, cānisāñañuju Jesús, cūmua gudejū. ï cāniro ñacōari, ñre yujioyujarā ña:

—Yua űjū, ñrujareana yaja mani! ¿“To bajiro ti bajijama, quēnacōaroja”, yati mū? —ñre yiyujarā ña.

39-40 To bajiro ña yirone,

—¿No yirā buto güiati mūa? “Rojose mani tāmūboajaquēne, manire yirētohusaricūmi”, yure yitūoñabeaja mūa —ñnare yiyuju Jesús. To yigajanocōari, ado bajiro yiyuju Jesús:

—¡Mino tujaya! ¡Sabese quēne tujaya mua! —
yiyuju Jesús.

To í yirone, tujacoasuju mino. Sabese quēne,
sabebesuju yuja.

⁴¹ To bajiro í yiboajaquēne, bato güicõa ñañujarã
ïna. To bajiri, ado bajiro gãmerã sēniñañujarã:

—¿Ñimũ ùgũ masũ ñati ãni? Minore, to yicõari,
sabesere í tujarotijama, ïre ajiaja —gãmerã yiyu-
jarã Jesús buerimasa.

5

*Gerasa vãme cuti maca tũagũre í usũjũ sãñarãre
vãtiare Jesús í bureare queti*

(Mt 8.28-34; Lc 8.26-39)

¹ Utabucũra gajejacatuajũ Gerasa vãme cuti maca
tũjũ ejayujarã.

²⁻⁵ To ïna ejarone, masa rijariarãre ïna yujereari-
avijũre sīgũ ùmũ budiyaju, Jesúre ïagũagũ. Tĩ
vijũ ñañuju í ñaro. Vãti sãñagũ ñañuju. To bajiri
no yimasiñamagũ ñañuju. Cojoji me cõmemane í
gũbori sotorire, í ãmorire quēne siaboayujarã. To
ïna yiboajaquēne, tũasure reacõarũgũñuju í. To
bajiro bajigũ ñari, ùmũ, ñamirire quēne gũtayucũ
joejũ vacudirũgũñuju. To bajicõari, masa yu-
jereariavijũre ñacõari, avasãmecucudirũgũñuju. To
bajiro bajicudica yigũ, gũtarijũ quedioca vacud-
irũgũñuju.

⁶ To bajiro bajiñar'i, sõjũne Jesúre ïabũjacõari,
ũmarojajuju. Jesús tũjũ ejacõari, í rĩjorojũa
gũsomuniari tuetuyuju, ïre rũcũbũogũ.

⁷⁻⁸ To bajiro í yiejasere ïacõari, ado bajiro í
usũjũre sãñagũjũare vãtĩre yiyuju Jesús:

—Āni masu ī usujū sāñagū budiya mu —Īre yiyuju Jesús.

To ī yijare,

—Jesús, masirētogū, Dios macu ñaja mu. ¿No yigu yua tu vadiati mu? “Yure gōjanabiobesa”, mure yisēniaja yu. Dios ī ĩaro rījorojua, “Rojose mu yise vaja, rojose mure yibeaja yu”, yure yiya —Jesúre yisēniñuju vāti.

⁹ To ī yirone, ado bajiro ĩre yiyuju Jesús:

—¿Ñimu vāme cutiati mu? —Īre yiyuju.

To ī yisere ajicōari, ado bajiro ĩre cūdiyuju vāti:

—Legión vāme cutiaja, jājarā ñarā ñari —Īre yicūdiyuju.

¹⁰ To bajiri ado bajiro Jesúre sēniñañujarā:

—Gaje sitaju ĩnare cōabesa mu —Jesúre yiyujarā.

¹¹ Buroju jājarā ecariarā yesea macabañañujarā.

¹² ĩnare ĩacōari, ado bajiro Jesúre yisēniñujarā ĩna:

—Yure mu bureajama, ōa yeseajure yure sājaroſiya —Īre yisēniñujarā ĩna.

¹³ To bajiro ĩna yijare,

—Mure varotiaja yu —vātiare ĩnare yiyuju Jesús.

To ī yirone, masu usujure sāñaboariarā budicoasujarā yuja, ecariarā yesea, dos mil cōro ñarājure sājaroana. ĩna sājaronē, buro ūmaroja vacōari, utabucuraju rearoderujacōa tujasujarā.

¹⁴ Yeseare coderimasa, to bajiro ĩna bajisere ĩacōari, ūmacoasujarā, ĩna ya macaju vana. Toju ejacōari, ti macanare, to yicōari, ti maca tu ñarimacarianare quēne tire gotibatoyujarā. To bajiro ĩna yigotisere ajicōari, Jesúre ĩarā vasujarā ĩna, ti macana jediro.

15 Ì tɔjɔ ejacõari, vãtia sãñaboar'ire ãañujarã ãna. Sudi sãñacõari, Jesús tɔ rujiyuju. ãna bajirore bajiro bajigɔ ãañuju ã yuja. Vãtia ãna sãñajama, tɔõĩamasibecɔ ãañuju maji. Quẽnaro tɔõĩagũ ãañuju yuja. To bajiro ã yimasisere ãacõari, Jesúre bɔto güiyujarã ãna.

16 Vãtia sãñaboar'i ã bajisere, to yicõari, yesea ãna bajirere ãariarã, gãjerãre gotiyujarã.

17 To bajiri Jesúre bɔto güirã ñari,

—Vacoasa. Ado mɔ ñasere bojabeaja —ĩre yiyujarã ãna.

18 To ãna yijare, tudiacɔ, cõmuajɔ vasãjãñuju Jesús. To ã bajirone, ado bajiro ãre yiboayuju vãtia sãñaboar'i:

—Mɔ rãca bɔto varɔaja yɔ quẽne —ĩre yiboayuju.

19 To bajiro ã yiboajaquẽne, ado bajiro ãre cãdiyuju Jesús:

—“Yɔ rãca vadibesa. Mɔ ya vijɔ tudiasa. Dios yɔre ã ãamaijare, ã masise rãca yɔ usɔjɔ sãñarãre vãtiare bureami Jesús”, mɔ yarãre ãnare yigotiba — ãre yicãdiyuju Jesús, vãtia sãñaboar'ire.

20 To bajiro ã yijare, ã yarã tɔjɔ tudicoasuju ã. Tudiejacõari, Decápolis vãme cãti sita ñarimacarianare, Jesús ã yirere goticudiyuju. To bajiro ã yigotisere ajicõari, no yimasibesujarã ãna masa, ti ãnãre ajibetirũgũriarã ñari.

Jairo macore Jesús ã catiore queti

(Mt 9.18-26; Lc 8.40-56)

21 Jesús, tudijẽacoasuju quẽna, gajejacatɔaja. Ɖtabucara tɔjɔ ã ñaro jãjarã masa rẽjãñujarã.

22 To bajirone, Dios ocare ñna buerivi ɯɯ quēne eJayuju, Jairo vāme cutigu. Jesúre ñacōari, ñ r̄jorojma gusomuniari tuetuyuju, ñre r̄ucubɯogɯ.

23 To yicōari, ado bajiro Jesúre ñre yiyuju:

—Yɯ maco bajirocaco yimo. So tɯ eJacōari, sore mɯ moañajama, caticoarɯocomo —Jesúre ñre yiyuju.

24 To bajiro Jairo ñ yisere ajicōari, ñre sɯyasuju Jesús. Jājarā masa ñre sɯyacōari, no bajiro yi vamañna manojɯ vasujarā ñna.

25 To bajiro ñna bajiro vatoajure s̄gō, gāmorōmi cutigo ñañuju so. Juañmo cōro, gɯbo jua jēnituari cūmari gāmogōre bajiro bajicōarɯmɯri cutirūgūñuju so.

26 Jājarā ɯco yirimasa sore ñna ɯco yire vaja, vaja yigo, gājoa so cɯoboarere ñnare ñsijeocōañuju. To bajiro ñnare so yiboajaquēne, batobɯsa bajiyuju so.

27-28 To bajiri gājerāre Jesús ñ catiore queti ajirio ñari, jājarā masa vatoajɯ Jesúre sɯyasuju so. “Jesús sudiro moañarɯaja yɯ. Ti r̄ñe bojaja yɯ. To bajiro yɯ yijama, quēnaejacoarɯocoja yɯ”, yiyuju so. To bajiro yirio ñari, Jesús sɯyarojma ejarūgūcōari, ñ sudirore moañañuju.

29 So moañarir̄marone, gāmogōre bajiro so bajiñaboare tɯjasuju. To bajiri, “Quēnaejacoajɯ yɯ”, yimasañuju so yuja.

30 So moañarone, “Yɯ masise sɯorine quēnaejacoajamo”, yimasicōañuju Jesús. To bajiri jɯdarūgūcōari, ado bajiro masare sēniñañuju ñ:

—¿Ñimɯ yɯ sudirore moañari? —ñnare yisēniñañuju.

31 To ñ yirone, ñ buerimasa ado bajiro yiyujarā ñna:

—¿No yigu, “Ñimũ yũre moaĩati”, yati mũ? Mũ tũju jãjarã ñaja yũa, mũre moaĩarã —ĩre yiyujarã ña.

³² To ñna yiboajaquẽne, ñre moaĩagũre ñamacañuju Jesús.

³³ “Ñre moaĩagõne, quẽnaejacoajũ yũ” yimasigõ ñari, nanagõne, Jesús rĩjorojũa ejacõari, gũsomuniari tuetuyuju so. To yicõari, ñajediro so bajirere Jesũre gotiyuju.

³⁴ To so yirone, ado bajiro sore cãdiyuju Jesús:

—Yũ maigõ, “Ñ sudi gajare yũ moaĩajama, ñ masise sũorine quẽnaejacoarũocoja yũ” yitũoĩagõ ñari, quẽnaejacoajũ mũ. To bajiri, “Quẽnaejacoajũ”, yitũoĩa variquẽna vasa mũ —sore yiyuju Jesús.

³⁵ To bajiro sore ñ yĩñarone, Dios ocare ñna buerivi uju Jairo vãme cũtigũ ya viana ejayujarã. Ejacõari, ado bajiro Jairore gotiyujarã:

—Mũ maco bajirocacoamo. No yirã gotimasior-imasũ ñ vasere bojamenaja manĩ yuja —Jairore yiyujarã ña.

³⁶ To ñna yiboajaquẽne,

—Tũoĩasũtiritibesa mũ. Yũ masisejũare tũoĩacõa ñaña —ĩre yiyuju Jesús.

³⁷ To yicõari, gãjerãre sũyarotibesuju Jesús yuja. Pedro, Santiago, ñ bedi Juan, ñna idiarãrene sũyarotiyuju.

³⁸ To yĩ, vanane, Jairo ya vijũ ejayujarã. Tojũ ejana, ñna ñajama, ñ maco so bajirocacoajare, bũto otiñañujarã ñna, ti vi ejariarã.

³⁹ Ñna otiñarivijare sãjaejacõari, ado bajiro ñnare yiyuju:

—¿No yirã otiati mũa? “Bajirocacoajamo” mũa yiboago, bajirocabecomo. Cãnigõ yigomo —Ïnare yiyuju Jesús.

⁴⁰ To ï yisere ajicõari, ïre ajayujarã ïna, “Bajirocacoasumo” yimasirã ñari. To bajiro ïna yiboajaquẽne, ïnare budirotiyuju Jesús. Ïnare budiroticõari, bajirocario jacuare, to yicõari, ïre sayarãre quẽne, ùmato jãjasuju Jesús, bajirocario so ñarisõaju.

⁴¹ Ïnare ùmato jãjacõari, so ãmore ñiañuju Jesús. To yigane, ado bajiro sore yiyuju:

—Talita cumi —sore yiyuju. (“Daquego, vũmũrũgũña’ mũre yaja yũ” yire ùni ñañuju.)

⁴² To ï yirirĩmarone, quẽna tudicaticõari, vũmũrũgũ vasuju so yuja. Juaãmo cõro, gũbo jũa jẽnituari cãmari tũsaco ñañuju so. So tudicatisere ïacõari, no yimasibesujarã masa, ti ùnire ïabetirũgũriarã ñari.

⁴³ Sore catiocõari,

—Sore ï catiosere gãjerãre gotibetimasucõama — ïnare yiyuju Jesús. To yicõari, —Bare sore ecaya mũa —Ïnare yiyuju Jesús.

6

*Nazaret vãme cũti macajũ Jesús ï vare queti
(Mt 13.53-58; Lc 4.16-30)*

¹ To bajiri Capernaum macanare ïnare gotimasio gajanocõari, ï buerimasare ùmato vacoasuju Jesús, ï ya macajũ, Nazaret vãme cũti macajũ.

² Tojũ usũsãjariarũmũa ñarone Dios ocare ïna buerivijũre sãjaejacõari, masare gotimasio ñañuju

Jesús. Quēnaro ï gotimasiosere ajicōari, no yimasibesujarã ãna:

—¿No bajicōari, to bajise gotimasiosasiati ï? ¿No bajiro yicōari, ãñañamanire yati? —Jesúre yiyujarã ãna, ï ya macana.

³ Gajeye ado bajiro yiyujarã ãna:

—¿Adi macagũ yucá moarimasũ me ñatique ãma? ¿Mar'ia macũ me ñatique? ¿Santiago, José, Judas, Simón mesa gagũ me ñatique ï? To yicōari, mani vatoajũ ñarã, ¿ï bederã rōmiri me ñatique ãna? —Jesúre ãre yiyujarã ãna, ï ya macana.

To bajiri, “Ñamasugũ me ñaami. Mani ya macagũ, mani masigũ ñaami” yirã ñari, ãre ajitirũnũbesujarã ãna.

⁴ To ãna yirone, ado bajiro ãnare gotiyuju Jesús:

—Diore gotirētosarimasũ gajerojũ Dios ocare ï gotimasiosudijama, ãre ajirũcũbũorãma. To bajiboarine, ï ya macanare, ï ya vianare quēne, Dios ocare ï gotimasiosjama, ãre ajirũcũbũomenama — ãnare yiyuju Jesús.

⁵ To bajiri ï ya macana, ãre ãna ajitirũnũbetijare, ãñañamani yĩomasibesuju ï. Mojoroaca ñañujarã ï ãmo ñujeocōari ï catiorarã.

⁶ ï yarã ãre ãna ajitirũnũbetire ãcōari, no yimasibesuju Jesús, ãnare bajiro tũoñarãre ãbetirũgũr'ï ñari. To bajiri, gaje macarijũ vasuju, masare gotimasiosudigũ vacũ.

*Ï ocare goticudisũoronare Jesús ï cōare queti
(Mt 10.5-15; Lc 9.1-6)*

⁷ Jũããmo cōro, gũbo jũã jēnituarirãcũ ñarãre ï buerãre jirēoñuju Jesús. ãnare jirēocōari, tocãrãca macarire jũarãri cōañuju. ãnare cōagũne, masa

usurijũ sãñarãre vãtiare, ãna bureamasirotire ãnare
 ẽjoyuju ã.

⁸ To yicõari ado bajiro ãnare yiyuju:

—Mũa bare sãriaõari, gãõoare quẽne juaábesa. No
 bojase mũa cõose juaábesa. Tueriayucári rĩne
 juaása.

⁹ Gũbo sudi mũa sãñasene sãñacõari, sudi mũa
 sãñasene sãñacõari, vasa —ãnare yiyuju Jesús.

¹⁰ Gajeye ado bajiro ãnare yiyuju Jesús:

—Tocãrãca macare mũa ejajama, mũa
 ejasõorivine cãnima. Ti vine ñacõari, ti macanare
 ãnare gotimasio ñama maji, gajeroju mũa varoto
 rĩjoro.

¹¹ Mũa ejarimacana quẽnaro mũare ãna
 bocaãmibetijama, to yicõari, mũa gotisere ãna
 ajirũabetijaquẽne, ti macajũre ñabeja. Mũare ãna
 ajirũabetijare, mũa gũbo sudi tuyasere sitare
 varerea, vacoaja. To bajiro mũa yijama, “Quẽnaro
 yũare bocaãmibeticõari, yũare mũa ajirũabetijare,
 rojose mũare yirũcũmi Dios” yirã, yirũarãja mũa
 —ãnare yiyuju Jesús.

¹² To bajiro ã yijare, “Rojose mũa yisere
 yitũjacõari, quẽnasejũare tũõãvasoaya” ãnare
 yigotimasiocudirã vasujarã.

¹³ Masa usurijũ sãñarãre vãtiare bureayujarã ãna.
 Jãjarã rijaye cutirãre quẽne, yye yuejeoyujarã ãna.
 To ãna yijare, quẽnaejacoasujarã ãna.

*Juan vãme cutigũre, masare oco rãca bautizari-
 masare ãrũõoare ãna jatarocare queti
 (Mt 14.1-12; Lc 9.7-9)*

14 Jesús ï bajiñasere, ajjedicōañujarã Galilea vãme çuti sitana. To yicōari, ïna ʘjʘ Herodes quēne ajiyuju, ado bajiro ïna yisere:

—Juan vãme çutigʘ, masare oco rãca bautizari-masʘne sãacoboarine, tudicaticoarimi. To bajiri ïañañamani yïñoñagũmi —yiyujarã ïna, Jesúre.

15 Gãjerãma, ado bajiro yiyujarã:

—Diore gotirētobosarimasʘ El'ias ñamasir'i ñagũmi quēna —yiyujarã.

Gãjerãjʘama, ado bajiro yiyujarã:

—Diore gotirētobosarimasʘ ñamasir'ire bajiro ba-jigʘ ñaami —yiyujarã.

16 Herodes quēne, ado bajiro yiyuju:

—Juan ñagũmi quēna. Ï rujoare ïre jatáro-caroticōacajʘ yʘ. To bajiro yʘ yiro-tiboajaquēne, quēna tudicaticoarimi —yiyuju Herodes.

17-18 Juan ï sãacoroto rïjoro ado bajiro bajire ti ñajare, to bajiro tʘoñañuju Herodes: Ï bedi Felipe manajore Herod'ias vãme çutigore êmacōari, man-ajo çutiyuju Herodes. To bajiro ï yire ñajare, ado bajiro ïre gotirũgũñuju Juan:

—Herod'iare mʘ manajo çutise quēnabeaja. Dios ï rotimasirere ajibeaja mʘ —ïre yirũgũboayuju Juan.

19-20 To bajiro ï yigotisere ajitego ñari, ïre sãarotirʘaboayuju Herod'ias. To bajiro so yitʘoñaboajaquēne, “Dios ï bojarore bajiro quēnaro yigʘ ñaami Juan” yigʘ, ï gotisere ajirũcʘboogʘ ñari, Herod'ias, Juanre so sãarʘaboasere matayuju Herodes. Juan ïre ï gotisere quēnaro ajivariquēnagũ ñaboarine, “To bajiro yirũcʘja yʘ”, yimasibesuju Herodes.

21 To bajin̄arũgũboa, cojorãm̄, “Ado bajiro yu yijama, yure matamasibec̄mi”, yit̄oĩañuju Herod'ias yuja. Tirãm̄, Herodes ĩ ruyuarĩarãm̄ ñañuju ti. To bajiri ĩre moabosarimasa ɯjarãre, surara ɯjarãre, toana Galilea sitana ñamasuri masare quẽne jirẽoñuju ĩ, “Boserãm̄ yito” yigu.

22 To yic̄ari, ĩna rẽjaro bero, Herod'ias maco, ĩna ĩaro rĩjorojũare basaĩoñuju. So basasere ĩac̄ari, variquẽnañuju Herodes, ĩ jic̄ariarã quẽne. To bajiri, ado bajiro sore gotiyuju Herodes:

—No bojase m̄ s̄enijama, m̄re ĩsiruc̄ja —sore yiyuju.

23 To yic̄ari, ado bajiro sore gotirẽmoñuju:

—Riojo m̄re gotiaja. T̄oĩavasoabetiruc̄ja. Yu c̄ose, “Gũdareco bojaja” m̄ yis̄eniboajaquẽne, m̄re ĩsic̄aruc̄ja —Herod'ias macore yiyuju Herodes.

24 To ĩyisere ajic̄ari, so jacore s̄eniĩagõ vasuju so, “¿Ñiere ĩre s̄enigõti yu?” yigo.

To so yisere ajic̄ari, ado bajiro sore yi ocasãñuju so jaco:

—“Juan vãme c̄tiḡ, masare oco rãca bautizarimas̄ r̄joare bojaja”, ĩre yiya —so macore yic̄diyuju Herod'ias.

25 To so yijare, guaro Herodes t̄j̄ vac̄ari, ado bajiro ĩre gotiyuju:

—Yuc̄acane Juan vãme c̄tiḡ, masare oco rãca bautizarimas̄ r̄joare bare jeobariabaja joej̄ jeoc̄ari, yure ĩsiḡ vayá —ĩre yiyuju so.

26 To bajiro so yisere ajic̄ari, b̄to sutiritiyuju Herodes. To bajiboarine, ĩ jic̄ariarã ĩna ajiro rĩjorojũ, “Riojo m̄re gotiaja yu. No bojase m̄

sēnijama, mure ĩsirucija” ĩ yicōare ñajare, so sēnirore bajirone yiyuju.

²⁷ To bajiri Juanre sīarūabetiboarine,

—Juan rūjoare jatacōari, āmiaya —yiroticōañuju, ĩ surarare.

To ĩ yijare, tubiberiavijū vacōari, Juan rūjoare jatayuju surara.

²⁸ To yicōari, bare jeobariabaja joejū jeocōari, Herodias macore ĩsiñuju. To yicōari, sojūa, jacore ĩsirētoñuju so yuja.

²⁹ Ti queti ajicōari, Herodes tūjū ejayujarā, Juan buerimasa. Ejacōari, ĩ rujūri ñaboarere āmivacōari, yujeyujarā.

*Masa, cinco mil ñarāre Jesús ĩ bare ecare queti
(Mt 14.13-21; Lc 9.10-17; Jn 6.1-14)*

³⁰ Juaāmo cōro, gūbo jūa jēnituarirācū ñarā ĩ buerimasa, ĩ goticudiroticōariarā, tudiejacōari, Jesúrāca rējañujarā. ĩ rāca rējacōari, ĩna goticudirere, to yicōari, jediro ĩna yicudirere quēne gotijeocōañujarā.

³¹ Gājerā ĩna vato ũnone, gājerā ejava-soacōarūgūñujarā masa. To ĩna bajicōa ñajare, Jesús, ĩ buerimasa quēne, usūsāja, bare ba, yimasibesujarā. To bajiri, ado bajiro ĩ buerimasare yiyuju:

—Ita. Ōjū, masa ĩna manibusarojū vajaro mani. Tojū usūsājarūarāja —ĩnare yiyuju.

³² To ĩ yijare, cūmua vasāja vacoasujarā ĩna, masa ĩna manibusarojū vana.

³³ To bajiro ĩna yi vaboajaquēne, ti macariana jājarā masa, Jesús ĩ buerimasa rāca ĩ vasere

ĩamasicõari, ũmacoasujarã ãna, Jesús ã ejarotijure vana.

³⁴ To bajiri Jesújua, majaejacõari, jãjarã masa ejacõari ñarãre ãnare ãañuju. Ñãjama, ovejare coderimasũ ãnare ã codebetore bajiro bajiyujarã ãna. To bajiri ãnare ãamaiñuju. Ñnare ãamaigũ ñari, cojo vãme me ãnare gotimasioñuju.

³⁵ To ã yirone, rãioroto rĩjoro, Jesús buerimasa, ã tũ ejacõari, ado bajiro yiyujarã:

—Jẽre rãioato yaja. Masa manojũ ñaja.

³⁶ To bajiri ãnare varotiya mũ, “Masa cãtoju bare vaja yibarã vajaro” yirã —ĩre yiboayujarã ãna.

³⁷ To ãna yiboajaquẽne, ado bajiro ãnare cãdiyuju Jesús:

—Mũane ãnare bare ecaya —ñnare yiyuju ã.

To ã yijare, ado bajiro ãre cãdiyujarã ãna:

—Doscientos gãjoatiiri rãca vaja yiroti ñaboaroja manire, pan ãna baroti vaja yirã —Jesúre yicãdiyujarã.

³⁸ To ãna yisere ajicõari, ado bajiro ãnare sēniãañuju Jesús:

—“¿Nocãrãca pan cũoati mũa?”, yisēniãacudiya maji —ñnare yiyuju Jesús.

To bajiri sēniãabũjacõari, ãre gotiyujarã:

—Cojomo cõro pan, jũarã vai cũoaja yũa —ĩre yiyujarã.

³⁹ To ãna yirone,

—Masare tatũcuroju rujatubuari rujirotiya — ãnare yiyuju Jesús.

⁴⁰ To ã yise ñajare, rujatubuari rujibateyujarã ãna. Cojojũri cien ñarirãcũ, to yicõari, cincuenta ñarirãcũ rujibateyujarã.

41 To bajiro ĩnare rujiroticōari bero, cojomo cōro ñaricari pan, to yicōari, juarã vai ñarãre juacōari, õ vecajua ĩamucōari, “Quēnaro yaja ma”, Diore ĩre yiyuju. To yicōari bero, panre iguesurebatecōari, ĩ buerimasare ĩsiñuju, “Rujirãre ĩsibatoya” yigu. Juarã vaire quēne iguesurebatecōari, ĩ buerimasare ĩsiñuju, “Rujirãre ĩsibatoya” yigu.

42 Sīgũ ruyariaro mano quēnaro baucuti jedicōañujarã.

43 ĩna bagajanoro bero, ĩna baruasere, ĩ buerimasa ĩna juarēojama, juaãmo cōro, gũbo jua jēnituario ñarijibari ruyayuju.

44 Tire bariarã, cinco mil ũmua ñañujarã. f

Oco joene Jesús ĩ vare queti
(Mt 14.22-27; Jn 6.16-21)

45 Masa ĩna baruasere ĩ buerimasa ĩna juarēogajanorone, cūmuaju ĩnare vasājarotiyuju Jesús: —Betsaida vãme cuti macaju yare jēadiyuya. Maji masare vare gotigu yaja yu —yiyuju Jesús.

46 ĩnare vare gotigajano, burojũ majacoasuju, tojũ Diore sēniru.

47 Ti rãioato bero, utabucura jēana, tira gudareco t̄sasujarã, Jesús buerimasa. Jesújuma, sīgũne ñacōañuju ĩ maji.

48 To bajicōari, ĩ buerimasare ĩacōañuju. To ĩna t̄satone, b̄to mino vasuju. To bajiri jēat̄mabesujarã ĩna. To ĩna bajiñarone, busurocaroarijau ĩna t̄ju oco joene vayuju Jesús. To bajivagu, ĩnare r̄etocoaroc̄are bajiro vayuju.

f 6:44 R̄imasare, r̄õmiare c̄õmenane, ũmua buc̄urã r̄ĩrene ĩna c̄õjama, cinco mil ñañujarã ĩna.

49-50 Oco joejɯ ĩ vadire ĩarãne, ɯcacoasujarã ĩna. “ĭBajirocar'i vãti ñaami!”, yivasãñujarã. To ĩna yiboajaquẽne,

—Gũibesã. Variquẽnaña mɯa. Yɯne ñaja —ĩnare yiyuju Jesús.

51 To yigɯne, ĩna vaticũmuajɯ vasãjacõañuju Jesús. ĩ vasãjarone, mino vatɯjacoasuju yuja. To bajiro ti bajisere ĩacõari, no yimasibesujarã ĩ buerimasa, ti ũnire ĩabetirũgũriarã ñari.

52 To bajiro ĩna bajijama, cinco mil ũmɯare Jesús ĩ ecarere ĩariarã ñaboarine, “ĩaĩañamanire yimasi-jeogɯ ñaami” ĩre yimasimena ñari, to bajiro bajiyujarã.

Genesaret sitanare rijaye ɯtirãre Jesús ĩ catiore queti

(Mt 14.34-36)

53 To baji, jẽanane, Genesaret vãme ɯti sitajɯ jẽaejayujarã ĩna. Tojɯ ɯmuare siatujoyujarã.

54 ɯmuare siagajano, ĩna majatone, Jesúre ĩamasicõañujarã ti macana, tijɯana.

55 To bajiri masa jedirore gotibatorã ũmacoasujarã ĩna. Tire ajirã ñari, ti macariana rijaye ɯtirãre Jesús tɯjɯ juaejayujarã ĩna.

56 ĩ vacudiri macari cõrone mojorimacajɯ ĩ vajaquẽne, jairimacajɯre ĩ vajaquẽne, masa ĩna rẽjarũgũriajɯre ĩ vajaquẽne, to yicõari, Jesús ĩ varoti maarijɯre quẽne, rijaye ɯtirãre juajocũñujarã. To yicõari,

—Mɯ sudi gajare ĩnare moaĩarotire bojaja yɯa. To bajiro ĩna yijama, caticoarɯarãma —ĩre yiyujarã rijaye ɯtirãre juaejariarã. To bajiri, ĩre moaĩariarãma, caticoasujarã.

7

“Masa ñna yisere ñacõari, ‘Rojorã ñaama’ yire me ñaja. Ñna tũõasejũare masicõari, ‘To bajiro yirã ñaama’ yire ñaroja”, Jesús ñyigotimasiore queti
(Mt 15.1-20)

¹ Fariseo masa, to yicõari, Dios ñ rotimasire gotimasioremasa quẽne ejayujarã ñna, Jesús tũjũ. Jerusalénjũ vadiriarã ñañujarã.

² Jesús tũ ejacõari, ñ buerimasa sīgũri, ñna baroto rĩjoro, ñna ñicua ñna ãmorire ñna coemasiriarore bajiro ñna coebetire ñañujarã ñna.

³⁻⁴ Jud'io masa ñajediro, ñna ñicua ye quẽnaro ajirũcũbũorã ñañujarã ñna. To bajirã ñari, ñna ñicua ñna yimasiriarore bajiro ãmori coecõari rĩne, bayujarã ñna. Masa, bare vaja yirã ñna rẽjarojũ vaja yirã variarã, tudiejacõari, ñna ñicua ñna ãmorire ñna coemasiriarore bajiro yirã, ñna ãmorire coecõasũori rĩne, barũgũñujarã ñna. To yicõari, idiriabajari, oco cũria sotũri, no bojase sotũri quẽne coeyujarã. Bare barã rujiriajũrĩre quẽne to bajiro yiyujarã ñna, jud'io masa.

⁵ Tire bũto ajirũcũbũorã ñari, fariseo masa, to yicõari, Dios ñ rotimasire gotimasioremasa quẽne, ado bajiro Jesũre sēniñañujarã ñna:

—¿No yirã mani ñicua ñna yimasiriarore bajiro yibeati mũ buerimasa? Ñna baroto rĩjoro, mani ñicua ñna ãmori coemasiriarore bajiro coebeamã —ĩre yiyujarã ñna, fariseo masa, Dios ñ rotimasire gotimasioremasa quẽne.

⁶ To bajiro ñna yijare, ado bajiro ñnare cũdiyujũ Jesús:

—“Quēnaro yirã ñaja yua” yiboarine, rojorã ñaja ma. Diore gotirētobosarimasu, Isa'ias ñamasir'i, ma bajirotire quēnaro tuoĩacōari, ado bajiro ucamasiñuju:

“Ĩna oca masune yirã, quēnaro yure yirũcubuoama ĩna. To bajiro yirã ñaboarine, yu bojarore bajiro tuoĩabeama.

⁷ Yu yere buecōari, ĩna masu ĩna tuoĩasere gotimasioama. Tirene, ‘Dios ĩ rotise ñaja’ yiboama. To bajiri yure ĩna rũcubuooboase vaja, ñie vaja bujamenama ĩna”, yiuca-masiñuju Isa'ias, Diore gotirētobosagu —ĩnare yigotiyuju Jesús.

⁸ To yicōari, quēna ado bajiro ĩnare yiyuju Jesús:

—Dios ĩ rotisejũare ajitirũnũmenane, mani ñicua ocajũare quēnaro ajitirũnũaja ma —ĩnare yiyuju Jesús.

⁹ To yicōari, quēna ado bajiro ĩnare gotirẽmoñuju Jesús:

—Mani ñicua yejũare ajirũcubuoorã, Dios ĩ rotimajũare cudibeaja ma.

¹⁰ Dios ĩ roticũmasirere Moisés ĩ ucamasire ado bajiro gotiaja: “Mu jacure, ma jacore quēnaro rũcubuooya”. To yicōari, gaje vãme ado bajiro yaja: “No bojagu ĩ jacure, ĩ jacore, ‘Rojose tãmuõncarũarãja ma’ ĩnare ĩ yijama, ĩre sĩaroti ñaja”, yigotiaja Moisére Dios ĩ roticũmasire.

¹¹⁻¹² Mujama, ado bajirojua rotiaja ma: “Ĩ ye rãca ĩ jacure ĩ ejarẽmobetijama, quēnacōaja. ‘Yu gajeyũni, yu cõose Diore yu ĩsiroti rĩne ñaja. To bajiri muare ejarẽmomasibeaja yu’ yicōari, ĩ jacure ĩ ejarẽmobetijama, quēnacōaja”, yirotiaja ma.

13 To yicōari, gajeye jairo ti ũnire bajiro m̄ua yiroṭise ñaja. To bajiro yiroṭirã, “Dios manire ĩ roticũmasirere c̄udibeticōato” yirãre bajiro yaja m̄ua. To yicōari, “Mani ñicua ĩna rotimasirejuare ñamasuse ñaja” m̄ua yit̄uoñajama, “Ñie vaja maja Dios ĩ rotimasire” yirã yaja m̄ua –fariseo masare, to yicōari, Dios ĩ rotimasire gotimasiorimasare yiyuju Jesús.

14-16 To bajiro ĩnare yigotigajanocōari, masare jirēocōari, ado bajiro ĩnare gotiyuju Jesús:

–Ñajediro quēnaro ajiya, ȳu gotimasiosere. Tire ajicōari, “To bajiro manire yigotigu yami”, yiajimasina m̄ua: Mani ñicua, “Mani basãse s̄uorine ñaja Dios ĩ ĩavariquēnabeti, ĩre mani yir̄uc̄ub̄uose ĩ bojabeti”, yit̄uoñamasiboayuma. To bajiro me bajiaja. Rojose t̄uoñacōari, m̄ua ñagõse s̄uorine bajiaja, Dios ĩ ĩavariquēnabeti, ĩre m̄ua yir̄uc̄ub̄uosere ĩ bojabetima –masare yiyuju Jesús.

17 To bajiro ĩnare yigotigajano, masa jãjarã vatoaj̄u ñar'i, vacoasuju Jesús, ĩ buerimasa rãca. Vij̄u sãjaejacōari, ado bajiro ĩre sēniãñujarã ĩ buerimasa:

–Jēj̄u m̄u gotimasiosere quēnaro ȳuare gotirētobuya –Jesúre yiyujarã ĩna.

18-19 To ĩna yisere ajicōari,

–¿Ajimasibeaṭi m̄ua quēne? –yiyuju ĩ. –M̄ua basãse m̄ua ḡudajoaj̄u vatoja ti. Tij̄u bero, rēṭobudiroja ti. To bajiri, m̄ua us̄urijarema rojose yimasibeaja ti –ĩnare yiyuju Jesús. To bajiro ĩ yijama, “Ñajediro bare mani baboajaquēne, Dios ĩ bojabetire yirã me yirãja mani” yiḡu yiyuju.

20 To yicōari, ado bajiro ĩnare gotirēmoñuju Jesús:

—Dios ï ñajama, masa rojose ñna tʉoĩasejua ñaja rojosema.

²¹ Masa, rojose ñna tʉoĩajama, ado bajiro yirãma: Juarudirãma. Gãjerãre sïarãma. Manajo cutirã, manajua cutirã quẽne, gãjerã rãca ajeriarã cutirãma.

²² Gajeyeũnire gãjerã yere uorãma. Socajairãma. Bojoneose ti ñaboajaquẽne, tire yicõarãma. Gãjerãre, “Yua rëtobusaro quẽnaro ñaama”, yĩajũnisinirãma. Gãjerã ajiro rĩjorojua socarãne, “Ado bajise rojose yima”, yigotirãma. “Ñamasurã ñaja yuama”, yitʉoĩarãma. Riojo tʉoĩamasimenama. Dios yere rãcubʉomenama.

²³ Adi rojose jediro yirãma masa, rojose ñna tʉoĩajama —ñnare yiyuju Jesús.

Jud'io maso me Jesúre so ajitirãnare queti
(Mt 15.21-28)

²⁴ To ñnar'i, vacoasuju Jesús. Vacõari, Tiro vãme cuti maca tujua ejayuju. To ejacõari yayioro vijure sãjaruaboayuju. To bajiboarine yayioro sãjamasibesuju.

²⁵⁻²⁶ To bajiri Jesús ï ejare queti ajicõari, sīgõ rõmio ï tujure vasuju so. Vãti sãñagõ jaco ñañuju so. Jud'io maso me ñañuju. Sirofencia sitago ñañuju. Jesús rĩjorojua ejacõari, gusomuniari tue-tucõari, ado bajiro bũto ïre sēniñuju:

—Yure ejarẽmoña ma. Yua maco so usujua vãti sãñagõ ñaamo. ïre burocaya ma —Jesúre yiyuju so.

²⁷ To so yisere ajicõari, ado bajiro sore cadiyuju Jesús:

—Yua yarã jud'io masare ejarẽmosuoa. Yua yarãre yua ejarẽmoroto rĩjoro gãjerãre yua

ejarẽmojama, rĩamasa ãna basere ãmacõari, yaiare ecagũre bajiro yigũja yũ –sore yiyuju.

28 To ã yisere ajicõari, ado bajiro ãre cãdiyuju so:

–Yũ ujũ, riojo gotiaja mũ. To bajiboarine ãna ujarã ãna bavẽjasere barãma yaia –Jesũre ãre yiyuju so. “Jud'io masare ejarẽmogũ ñaboarine, yũare quẽne mojoroaca ejarẽmomasigũja” yigo, to bajise ãre yiyuju so.

29 To so yisere ajicõari, ado bajiro sore yiyuju Jesús:

–Quẽnaro tũoĩacõari, gotiaja mũ. Mũ maco usũju sãñagũre vãtire ãre burocacõaja yũ. To bajiri mũ ya vijũ tudiasa –sore yiyuju Jesús.

30 So ya vijũ tudiejacõari, cãnijesariaro joejũ so macore so jesaro ãacõari, “Vãti so usũjũre sãñar'i jẽre budicoasumi”, yimasiñuju.

Ajibeti, ñagõmasibeti bajigũre Jesús ã catiore queti

31 Tiro maca tũju ñar'i, Sidón vãme cãti macajũ rẽtoasuju Jesús. To rẽto vacũne Decápolis sita ñarimacarire quẽne rẽtoasuju. To rẽtoacũne, Galilea Utabucũra tũju ejacoasuju yuja.

32 To ã ñarone, sĩgũ ajibeti, ñagõmasibeti bajigũre ãmiejayujarã masa. ãre ãmiejacõari, Jesũre sãniñujarã, “Ajibecũre ã ãmori ñujeocõari ãre catioato” yirã.

33 To bajiri ajibecũre gajerojũa ãmato vasuju Jesús. ãre ãmato vacõari, ã gãmo gojerijũre ã ãmovãsoa rãca tõmesõñuju Jesús. To yigajano, ã ãmovãsoare gooco eotucõari, ã ñemerore moaĩañuju, ã ñagõmasibetijare.

34 To yicõari, õ vecajũare ãamũocõari, usũ sĩnisãñuju Jesús. To yigũne, ado bajiro ãre yiyuju:

—Efata —yiyuju Jesús. (“Ajiya yuja” yire ũni ñañuju ti.)

³⁵ To ĩ yirone, ajibecũ ñaboar'i ajicoasuju yuja. To bajicõari, quẽnaro ñagõcoasuju ĩ, ñagõmasibecũ ñaboar'i.

³⁶ To bajiro ĩre yigajanocõari, ado bajiro masare yiyuju:

—Gãjerãre gotibetimasucõama mũa —ĩnare ĩ yi-boajaquẽne, bũtobũsa gotibatorũgũñujarã masa.

³⁷ To bajiro Jesús ĩ yisere ajivariquẽnacõari, no yimasibesujarã ĩna, ti ũnre ajibetirũgũriarã ñari. To bajiri, ado bajiro Jesús ĩ yisere gotiyujarã:

—Ñajediro quẽnaro yimasijeogũ ñaami. Ajimenare, “Ajiato” ñagõmenare quẽne, “Ñagõato” yigũ ñaami —yiyujarã ĩna.

8

Masa, cuatro mil ñarãre Jesús, bare ĩ ecare queti (Mt 15.32-39)

¹ Quẽna Jesús tũjũ jãjarã masa rẽjacõari, ĩna ñaro rĩne bare jedicoasuju ĩnare. To bajiri ĩ buerimasare jicõari, ado bajiro yiyuju Jesús:

² —Ado ñarãre ĩamaiaja yũ. Idiarũmũ tũsajũ yuja, yũ rãca ĩna ñaro. To bajicõari bare maama.

³ Bamenane ĩna ya virijũ ĩna tudiasere bojabeaja yũ. Sīgũri sōjũ vadiriarã ñaama. ĩnare yũ tudiroti-jama, bamenane ĩna vajama, ñiorijarã ñari, ri-javẽjacoaborãma —ĩnare yiyuju Jesús.

⁴ To bajiro ĩ yirone, ado bajiro ĩre yiyujarã ĩ buerimasa:

—Ado, masa manojɯ ñaja. No bajiro masa ñaro cõro ñna barotire bare bɯjamasiña manoja —ÿre yiyujarã ñna.

⁵ To ñna yirone,

—¿No cõro jairo pan cɯoati mɯa? —ÿnare yiyuju.

—Cojomo cõro jɯa jẽnituario ñaricari ñaja —ÿre yiyujarã ñna.

⁶ To ñna yirone, rãcacane masare rujirotiyuju Jesús. To yicõari pan cojomo cõro jɯa jẽnituario ñaricari ñasere juacõari, “Quẽnaro yaja mɯ”, Diore ÿre yivariquẽnañuju Jesús. To yicõari tire iguesurebatecõari, ÿ buerimasare ÿsiñuju. To bajiri ñnajɯa rujirãre ÿsibatoyujarã yuja.

⁷ Vai quẽne mojoroaca cɯoyujarã ñna. To bajiri vaire juacõari, “Quẽnaro yaja mɯ”, Diore yiyuju Jesús quẽna. To yicõari, ÿ buerimasare ÿsibatorotiyuju.

⁸ Sígũ rɯyariaro mano baɯsɯcutijedicõañujarã. ñna bagajanoro bero, ñna barɯasere juarẽoñujarã Jesús buerimasa. ñna juarẽojama, cojomo cõro jɯa jẽnituario ñarijibɯri rɯyayuju.

⁹ Tire bariarã cuatro mil masa ñañujarã. ÿnare ecagajanocõari, ÿnare tudirotiyuju Jesús.

¹⁰ To yicõari bero, ÿ buerimasa rãca cũmuajɯ vasãjacõari, Dalmanuta vãme cuti sitajɯ vacoasujarã.

“ÿlañamani yɯare yĩñoña”, Jesúre ñna yiiboare queti (Mt 16.1-4; Lc 12.54-56)

¹¹ Fariseo masa, Jesús tɯ ejacõari, ÿre sẽnĩañujarã, “Cɯdimasibeticõari, rojose tãmɯoato ÿ” yirã:

— “Dios ÿ cõagũ ñaami’ yɯre yimasiato” yigɯ, õ vecaye ÿlañamani yɯare yĩñoña —ÿre yiiboayujarã.

12 To bajiro ñna yisere ajicõari, usũ s̃nisãñuju Jesús. To yicõari, ado bajiro ñnare yiyuju:

—¿No yirã adirodoriana ñañañamani rãca r̃ne yũ yisere bojati m̃ua? Riojo m̃uare gotiaja yũ. Ñañañamani m̃uare yĩobecuja yũ —ñnare yiyuju Jesús.

13 To bajiro ñnare yicõa, ñnare jẽaveocoasuju Jesús, ñ buerimasa rãca.

Fariseo masa pan ùmato vauvasere bajiro ñna bajire queti

(Mt 16.5-12)

14 Jesúrãca jẽana, ñna baroti pan masiritiyujarã. Ñna vaticũmuajure pan cojane c̃oyujarã.

15 To bajiro ñna bajire ñajare, ado bajiro ñnare gotiyuju Jesús:

—Fariseo masa, to yicõari, Herodes quẽne “Pan vauvato” yirã, ñna ṽosere quẽnaro ajicõiaña m̃ua — ñ buerimasare yiyuju Jesús.

16 To ñ yisere ajimasimena ñari, ñna masune ado bajiro gãmerã yiyujarã ñna:

—Pan mani masiritijare, to bajise gotigũ yigũmi —gãmerã yiyujarã.

17 To bajiro ñna gãmerã yisere masicõari, ado bajiro ñnare gotiyuju ñ:

—¿No yirã “Pan maja manire”, yati m̃ua? ¿Yũre ajimasibeati m̃ua maji? ¿Adi macar̃c̃uroaye r̃ne t̃uoĩarãre bajiro t̃uoĩacõa ñnati m̃ua maji?

18-19 ¿Yũ yĩosere ñarã ñaboarine, ajimasibeati m̃ua maji? —ñnare yiyuju Jesús.

To yicõari, ado bajise ñnare yirẽmoñuju:

—Cojomo cõro ñaricarire panre b̃aj̃mocõari, cinco mil masa ñarãre ecacaja yũ. Ñnare yũ ecaro bero, ¿nocãrãca jibũri r̃uyacati ti? —ñnare yiyuju Jesús.

To ï yisere ajicōari, ado bajiro ïre c̄diyujarã ïna:
 —Juaãmo cōro, ḡubo jua jēnituario ñarijib̄ari
 r̄uyacaj̄a —ïre yic̄diyujarã ïna.

²⁰ Quēna ïnare tudisēniãñuju:

—Tij̄a bero, quēna cojomo cōro jua jēnituario
 ñaricari panre b̄uj̄ocōari, cuatro mil masa ñarãre
 ecacaj̄a ȳu. ïnare ȳu ecaro bero, ¿nocārãca jib̄ari
 r̄uyacati ti? —ïnare yiyuju.

—Cojomo cōro, jua jēnituario ñarijib̄ari r̄uyacaj̄a —
 ïre yic̄diyujarã ï buerimasa.

²¹ To bajiro ïna yic̄disere ajicōari, ado bajiro
 ïnare tudisēniãñuju Jesús:

—To bajiro ȳu yīlocatire masirã ñaboarine,
 ¿jēj̄a m̄are ȳu gotisere ajimasibēati m̄a maji?
 “Fariseo masa, to yicōari, Herodes quēne, ‘Pan
 vauvato’ yirã, ïna v̄osere quēnaro ajicōiaña” ȳu
 yijama, bare mere yaja ȳu —ïnare yiyuju Jesús.

*Betsaida v̄ame c̄ti macaj̄are ejacōari, caje
 ïabec̄ure ïna ãmiejaḡure Jesús ï ïarotire queti*

²² Bero, Jesús, ï buerimasa rãca Betsaida v̄ame
 c̄ti macaj̄are ejayuju. To ïna ejaro ïacōari, caje
 ïabec̄ure ãmiejayujarã masa, “Caje ïabec̄ure Jesús ï
 moaïarone, ïacoar̄c̄mi” yirã.

²³ To bajiro ïna yiejoḡure ti maca soj̄ab̄usa ïre
 t̄ãa vasuju Jesús. To yicōari, ï cajearire goocone
 eotucōari, moaïañuju Jesús, “Íato ï” yiḡu. To yicōari,
 ado bajiro ïre sēniãñuju:

—¿Íati m̄a? —ïre yiyuju.

²⁴ To ï yirone, caje ïabec̄u quēnaca ïas̄oyuju. To
 bajiri ado bajiro c̄diyuju ï:

—Masare ïaja ȳu. To bajiro ȳu ïaboajaquēne,
 yuc̄arine vasere bajiro bajiaja —yiyuju.

25 To ĩ yijare, quēna ĩ cajearire tudimoaña quēnoñuju. To ĩ yirone, quēnaro ĩacoasuju. Ñajediro quēnaro ĩre ruyuyuju yuja.

26 To bajiro ĩ bajiro ĩacōari, ado bajiro ĩre gotiyuju Jesús:

—Macajure vacōari, mure yu ĩarotisere gājerāre gotibatobecane, mu ya viju tudiasa —ĩre yiyuju Jesús.

*“Rotimurōgōrocami’yigu, Dios ĩ cōar’i ñaja mu”,
Jesúre Pedro ĩ yire queti
(Mt 16.13-20; Lc 9.18-21)*

27 To ĩ yiriario bero, Cesarea de Filipo vāme cuti sita ñarimacarijure ĩ buerimasare ũmato vasuju Jesús. To ĩnare ũmato vacane, ado bajiro ĩnare sēñiñañuju:

—¿Ñimu ñaami yure yati ĩna, masa? —ĩnare yisēñiñañuju.

28-29 To ĩ yisēñiñajare, ado bajiro ĩre cadiyujarā ĩ buerimasa:

—Sīgūri, “Juan vāme cutigu, masare oco rāca bautizarimasu, tudicaticōari bajigumi”, mure yama ĩna. Gājerāma, “El’ias ñamasir’i ñagūmi”, yama. Gājerājumama, “Gāji, Diore gotirētobosamasir’i ñagūmi”, mure yama —Jesúre yicadiyujarā.

To ĩna yirone,

—Mujumama, ¿ñimu ñaami, yure yati mu? —ĩnare yiyuju Jesús.

To ĩ yirone, ado bajiro ĩre cadiyuju Pedro:

—Mu ñaja rojose yua tāmuborotire yure yirētobosacōari, rotimurōgōroc, Dios ĩ cōar’i —Jesúre yiyuju Pedro.

30 To bajiro Pedro ï yicudijare, gãjerãre gotirotibesuju Jesús.

*“Yure sïaruarãma”, Jesús ïyire queti
(Mt 16.21-28; Lc 9.22-27)*

31 To yicõari, ï bajirotire ado bajiro ï buerimasare gotisoyuju Jesús:

—Yh, Dios ï roticõacacx, buto rojose tãmhorucija. Bucurã, paia ujarã, to yicõari, Dios ï rotimasire gotimasiorimasa quêne, rojose yure yicõari, yure sïaruarãma ïna. Yure ïna sïaboajaquêne, idiarãmũ tũsatirãmũne yure catiorucumi Dios —ñare yiyuju Jesús.

32 ï sïaecorotire riojo ïnare ï gotise ñajare, ajimasicõañujarã. Tire ajimasicõari, ricati ïre jicãmotocõari,

—“Bajiruarõja” yure mũ yigotise bajibeticõato —ïre yiboayuju Pedro.

33 To ï yisere aji, Jesúsũama, ï buerimasa ïna ñarojũare jũdarũgũ, ïacõari, ado bajiro Pedore ïre yiyuju:

—¡Satanás, vasa mũ! Vãtia ujure ñagõbosagu yaja mũ. To bajiro mũ yijama, Dios ï tũõarore bajiro me tũõaja mũ. Masa ïna tũõarore bajiro tũõagũ yaja — ïre yiyuju Jesús, Pedore.

34 To yicõari, ï buerimasare gãjerãre quêne ïnare jirẽocõari, ado bajiro yiyuju Jesús:

—No bojagũ yũ yũ ï ñarũajama, ï bojasere, ï ye ñarotire tũõãbecũne, “Jesũre bajiro rojose tãmhorucija yũ quêne” yitũõãcõari, yũjũare ajisũyarucumi.

35 No bojarã, ïna bojaro ñare cõtirãma, adi macarucũrore ñasere ïavariquẽnacõari, Diore

tuoĩamenama, Dios ĩ catisere yayibetire c̄uomena ñaruarãma ĩna. To bajiboarine, ȳure ajitir̄un̄rã, ȳu oca ĩna gotisere ajij̄un̄isinic̄õari, ĩna s̄iarãma, Dios t̄u quẽnaro ñarona ñarãma.

³⁶ S̄ĩgũ adi macar̄uc̄uroj̄u gajeyeũni jediro ĩ b̄ujaboajaquẽne, beroj̄u rojose t̄ãm̄ot̄ujabetiriaroj̄u ĩ vajama, ĩ gajeyeũni ĩ b̄ujaboare, ñie vaja manoja.

³⁷ Ñiere Diore ĩsimasibec̄ami, ĩ rijato beroj̄uma “Tudirijabetic̄õato” ȳiḡu, “Dios ĩ catisere ȳure ĩsiato” ȳiḡu. Mani rijato beroj̄uma “Tudirijabetic̄õato” ȳiḡu, Dios ĩ catisere ĩ ĩsise c̄õro vaja c̄ati manoja.

³⁸ “Jes̄ure ajitir̄un̄c̄õari, ĩ ocare ĩna gotimasiose s̄uorine ĩnare r̄uc̄ub̄obeama adirodoria” ȳĩagũ ñari, ĩna ĩaro r̄ĩjoroj̄ua, “Jes̄ure r̄uc̄ub̄oḡu ñaja ȳu”, yibojonebesa. To bajiro yibojonegũ ñari, ȳu ȳu ĩ ñar̄uabetijama, “Ȳu ȳu me ñaami”, ĩre ȳĩar̄uc̄ija ȳu quẽne, Dios ĩ rotic̄õacac̄u ñac̄õari, “Quẽnar̄etogũ ñaja ȳu” ȳu jac̄u ĩ ȳĩõore bajiro ȳiḡu ñari, ĩ bususe r̄ãca ȳu vadir̄ũm̄u. Ȳu r̄ãca vadir̄uarãma Dios ĩ c̄õarã, ángel mesa –ĩnare yiyuju Jesús.

9

¹ To yic̄õari, gajeye ĩnare gotir̄ẽmoñuju Jesús:

–Riojo m̄ũare gotiaja ȳu. M̄ũa s̄ĩḡuri m̄ũa bajire-abetone, “Ñajediro ̄uj̄u ñaami ȳu rotic̄õacac̄u” Dios m̄ũare ĩ ȳĩõsere ĩar̄uarãja m̄ũa –ĩnare yiyuju Jesús.

g

*Ī buerimasa ĩna ĩaro rĭjorojma Jesús ĩ godovediĭore
queti*

(Mt 17.1-13; Lc 9.28-36)

² Cojomo cōro, coja jēnituarirām̄a bero, Pedro, Santiago, to yicōari Juanre quēne, ūm̄ariburo joej̄a ĩnare ūmato vasuju Jesús. Toj̄a ĩnare ūmato ejaçōari, ĩna ĩaro rĭjorojma ricati ruyuḡa godovedi-coasuju Jesús.

³ Sudi ĩ sãñase b̄ato boticoasuju. To bajicōari, cajemose busuyuju ti. To bajise botise ĩabetirũgũñujarã ĩna.

⁴ To bajicōari, El'ias ñamasir'i, Moisés ñamasir'i rãca Jesús t̄a ruyuarũgũcōari, ĩ rãca ĩna ñagōsere ĩañujarã ĩna, Pedro mesa.

⁵⁻⁶ To bajiro ĩna bajisere ĩacōari b̄ato gũiyujarã. B̄ato gũiḡa ñari, “To bajiro yiḡa yiḡaja” yiri mene, ado bajiro Jesúre yiyuju Pedro:

—Ȳa ɯj̄a, adoju maní ñajama, quēnamasucōaja. M̄a ñaro cōrone vijãiri m̄are quēnobosar̄arãja ȳa. M̄a yajãi, Moisés yajãi, to yicōari, El'ias yajãi b̄abosar̄arãja —Jesúre yiboayuju Pedro.

⁷ To bajiro ĩ yirirĩmarone, bueri b̄ato cajemose ĩnare buebibecōañuju ti. Ti bueri vatoaj̄a ado bajiro ocaruyuyuju:

—Ñine ñaami ȳa mac̄a, ȳa maiḡũ. ĩre quēnaro ajitirũñaña m̄a —yi ocaruyuyuju.

g 9:1 Dios oca masa ĩna ucamasirere buerētohurimasa ado bajiro yicama ĩna: “9.1 gotirij̄are, ‘ Ñajediro ɯj̄a ñaami ȳa roticōacac̄a” Dios m̄are ĩ yĩorotire’ Jesús ĩ yijama, ĩ buerimasa sīḡari ĩna ĩaro rĭjorojma Jesús ĩ godovediĭore yiḡa yirimi”, yicama Dios ocare buerētohurimasa sīḡari.

⁸ Ti ocaruyuro bero, ĩaboayujarã. El'iare, Moisére quẽne, ĩnare ĩabujabesujarã. Jesús sĭgũne ñañuju ĩ yuja.

⁹ To bajiro bajicõari bero, ti buro ĩnare ũmato rojacũne, ado bajiro ĩnare rotiyuju Jesús:

—Jẽjũ mũa ĩasere gãjerãre gotibeja maji, Dios ĩ roticõacacũ, yũ rijato bero, quẽna yũ tudicatirotoro rĭjorore —ĩnare yiyuju Jesús.

¹⁰ To bajiro ĩna bajirere gãjerãre gotimenane, ĩna masune tũoĩacõa ñañujarã ĩna. Tire tũoĩacõa ñarã ñari, ado bajiro gãmerã yisẽniĩañujarã:

—¿No bajiro yire ũnire yigũ yati, “Rijacoaboarine tudicatirũcũja” ĩ yijama? —gãmerã yisẽniĩañujarã Pedro mesa.

¹¹ To bajiro yirã ñari, ado bajiro Jesúre sẽniĩañujarã ĩna:

—¿No yirã, “ ‘Rotimũorũgõrũcũmi’ yigũ, Dios ĩ cõarocũ ĩ ejaroto rĭjoro ejarũcũmi El'ias ñamasir'i”, yati ĩna Dios ĩ rotimasire gotimasiorimasa? — Jesúre yisẽniĩañujarã ĩna.

¹² To ĩna yijare, ado bajiro ĩnare cũdiyuju Jesús:

—Riojo yiyuma Dios ĩ rotimasire gotimasiorimasa, “El'ias ñamasir'i ejasũorũcũmi”, ĩna yijama. “ ‘Rotimũorũgõrũcũmi’ yigũ, Dios ĩ cõarocũ, ĩ ejaroti ñajare, jediro Dios ĩ bojarore bajiro yirã quẽnaro ñayuto mani” yigũ ejasũorũcũmi. “To bajiro yaja” yimasirã ñaboarine, “Rotimũorũgõrũcũmi” yigũ, Dios ĩ cõarocũre ĩatecõari, cojo vãme me rojose ĩre yirũarãma masa, Dios oca ĩna yiucomasirejũarema ajimasibeama.

¹³ Riojo mũare gotiaja yũ. El'ias ñamasir'ire bajiro bajigũ jẽre ejaboayumi. Dios oca masa ĩna uca-

masiriarore bajiro yirã, ñna bojarore bajiro rojose ãre yiyuma ñna — ñnare yiyuju Jesús, Pedro mesare.

Mas **usuj** *sãñagũre vãtire Jesús ã burocare queti*
(Mt 17.14-21; Lc 9.37-43)

¹⁴ Buroju ejariarã, ñna rãcana ñna ñarøjure tudiejayujarã. Tudiejacõari, ñna ñajama, Jesús buerimasa rãca jãjarã masa ñañujarã. To bajicõari, ñna rãca, Dios ã rotimasire gotimasiorimasa rãca ñna gãmerã oca josasere ñañujarã.

¹⁵ Jesús ã vadisere ñacõari, buto variquẽnañujarã. Variquẽnarã ñnari, ã tã ãmasujarã ãre sãnirã vana.

¹⁶ ãre ñna sãnigajanoro, ado bajiro ñnare sãnĩañuju Jesús:

—¿No bajise ñna rãca gãmerã oca josari maa? — ñnare yiyuju Jesús.

¹⁷ To ã yisere ajicõari, sãgũ ado bajiro Jesúsre cãdiyuju:

—Gotimasiorimasa, yã macã ã usujã vãti sãñagũ ñnaami. To bajiro bajica yigã, ñagõbecã ñnaami. To bajiri “Jesús, vãtire burocagumi” yigã, yã macãre ãmivabã yã.

¹⁸ Tocãrãcãjine yã macã usujã sãñacõari, ãre rojose ã yijama, biyaroaca rijaquedicõari, ã risejã sõmo budi, guji põguẽ, ã rujã tutuajedicoarũgũami. To bajiro ã bajijare, mã buerimasare, “Yã macã usujã sãñagũre vãtire burocaya”, ñnare yisẽniboabã. ãre burocamasimema — Jesúsre yiyuju ã.

¹⁹ To ã yisere ajicõari, ado bajiro yiyuju Jesús:

—Diore ajitirũnãmena masu ñacõaja maa. ¿No cõroju mãare gotimasio tãjaguti yã? Yoaro maa rãca yã ñaboajaquẽne, yã masisere mãare yã ãjosere ajitirũnãbeaja maa maji — ñnare yiyuju Jesús. To

yigune, –Adojua vāti sãñagũre ãmiaya –yiyuju Jesús.

20 To ĩ yisere ajicõari, Jesús tujũ ĩre ãmiasujarã. To ĩna yirone, vãtijua, Jesúre ĩacõari, masũ usujũ sãñagũ ñari, rojose yiyuju, masujũare. To bajiro ĩ yijare, rijaquedigune, ĩ risejũ sõmo budiyuju.

21 To ĩ bajirone, rijaquedigũ jacũre ado bajiro sēniãñuju Jesús:

–¿Nocãrãcarodori ado bajiro bajitũsajari mũ macũ? –ĩre yiyuju Jesús.

To ĩ yisere ajicõari, ado bajiro Jesúre cãdiyuju ĩ:

–Daquegũaca ñagũjũne to bajiro bajisũocami.

22 Cojoi me jeamejũ rocatĩacõarũgũmi. To yicõari, oco vatoajũ quẽne rocaroacõarũgũmi. To bajiro yirũgũmi, yũ macũre sĩaru. Yũare mũ ejarẽmomasijama, yũare ĩamaicõari, ejarẽmoña mũ –Jesúre yiyuju ĩ.

23 To ĩ yisere ajicõari, ado bajiro ĩre yiyuju Jesús:

–“Yimasigũmi”, ¿yũre yitũoĩabeati mũ? To bajiro yũre mũ yitũoĩajama, ñiejũa josase manoja –ĩre yiyuju Jesús.

24 To ĩ yisere ajicõari, ado bajiro cãdiyuju ĩ:

–“Yũ macũre catiomasigũmi”, mũre yitũoĩamasicõaja, bajigujũma. To bajiro tũoĩavũogũ, “Ñabeticõato” yigũ, yũre ejarẽmoña –Jesúre yivasãñuju ĩ, rijaquedigũ jacũ.

25 To bajiro ĩ yivasãsere ajicõari, jãjarãbusa masa ũmarẽjañujarã, Jesús tujũ. To ĩna bajisere ĩacõari, tutuase rãca ado bajiro vãtire yiyuju Jesús:

–Vãti, yũre ajiya. “Masa ñagõbeticõato”, to yicõari, “Ajibeticõato” yigũ ñaja mũ. ĩTo bajiri ãni

usare budiya! ¡Quēna ĩre tudisājabeja! –vātire yiyuju Jesús.

²⁶ To ĩ yirone, avasãcõari, rijaquedirotiyuju vātijua. To yicõari, ĩ usujũ sãñaboagu, budicoasuju yuja. ĩ budirone, rijar'ire bajiro bajicoasuju masujua. To bajise ĩacõari, “Rijacoajami”, yiyujarã masa.

²⁷ To ĩna yiboajaquēne, Jesús ĩ ãmore ñiacõari, ĩre tãa vãmũoñuju. To ĩ yirone, rãgõcoasuju yuja.

²⁸ To yicõari bero, to ñarivijũ sãjañuju Jesús. Ti vijũ sãjaejacõari, ado bajiro ĩre sēniñañujarã ĩ buerimasa:

–¿No yirã vātire burocamasibeti yua? –ĩre yiyujarã ĩna.

²⁹ To bajiro ĩna yisere ajicõari, ado bajiro ĩnare cãdiyuju Jesús:

–Jējũ yũ burocagũre bajiro bajirãre mũa burocãrajama, Diore sēnicõari rĩne burocamasirũarãja mũa –ĩnare yiyuju Jesús.

*“Yũre sãarũarãma”, Jesús ĩ yigotibabore queti
(Mt 17.22-23; Lc 9.43-45)*

³⁰⁻³¹ Cesarea de Filipino ñar'i, vacũ, Galilea sitare ĩ buerimasare ũmato rētoasuju Jesús. Jãjarã masa ĩna ajisere bojabesuju, ĩ buerimasare goticudigũ ñari. Ado bajiro ĩnare gotiyuju:

–Yũre Dios ĩ roticõacacũre masare ĩsirocãrũcũmi sīgũ. To bajiro ĩ yijama, yũre sãarũarãma ĩna. Yũre ĩna sãboajaquēne, idiarũmũ tũsatirũmũne quēna tudicãticõarũcũja yũ –ĩnare yiyuju Jesús.

³² To bajiro ĩnare ĩ gotisere ajimasibesujarã ĩ buerã. To bajirã ñaboarine, ĩre sēniñabesujarã, ĩre gũirã ñari.

*“¿Ñimujua ñagūti ñamasugū ñarocu?”, Jesús buerimasa ña gāmerā yire queti
(Mt 18.1-5; Lc 9.46-48)*

³³ Capernaum vāme cuti macajū ñnare ūmato vasuju Jesús. To bajivana, “¿Ñimujua ñagūti ñamasugū ñarocu?”, gāmerā yi vasujarā Jesús buerimasa. To bajiro ña yi vare ñajare, ña ya vijū sājaejacōari, ado bajiro ñnare sēñiñuju Jesús:

—Maa vana, ¿no bajise gāmerā oca josa vadi maa? —ñnare yiyuju.

³⁴ To bajiro ñ yisēñiñasere ajiboarine, cūdibesujarā ña, “¿Ñimujua ñagūti ñamasugū ñarocu?” gāmerā yi oca josa vadiriārā ñari.

³⁵ ña cūdibetire, ña, ejarūjucoasuju Jesús. To bajicōari, ñ buerimasare, juaāmo cōro, gūbo jua jēñituarirācū ñarāre jirēoñuju. To bajiro yicōari, ado bajiro ñnare gotiyuju:

—No bojagū ñamasugū ñ ñaruajama, “Ñamasugū me ñaja yū” yitūoñacōari, masa jedirore moabosarūcūmi —ñnare yiyuju Jesús.

³⁶ To yigūne, sīgū daquegūre jicōari, ña rñjorojua ñre āmijeoyuju Jesús. To yicōari, ado bajiro ñnare gotiyuju:

³⁷ —Āni daquegū, “Ñamasugū me ñaja yū” ñ yitūoñarore bajiro tūoñarāma, Ūjū Dios yarā ñamasurā ñaama. To bajiro ti bajijare, āni daquegūre bajiro tūoñarāre, gājerā tū ña ejaro, quēnaro ñnare yirāma, yūrene quēnaro yirā yirāma. To yicōari, yūre quēnaro yirāma, yūre cōcacare quēne, quēnaro yirā yirāma —ñnare yiyuju Jesús.

“Yure ajitirũnũcõari, mani yise ãnre yigũma, mani rãcagũ ñagũmi”, Jesús ãyire queti
(Mt 10.42; Lc 9.49-50)

³⁸ Ado bajiro Jesúre gotiyuju Juan:

—Gotimasierimasũ, masa usarijũ sãñarãre vãtiare bureagũre ãamũ yũa. “Jesúre ajitirũnũgũ ñari, ado bajise mũare rotimasiaja yũ: ‘Budiya’”, yĩñaami, vãtiare bureagũ. Mani rãcagũ me ã ñajare, “Tire yibesa”, ãre yibũ yũa —Jesúre yigotiyuju Juan.

³⁹ To ã yisere ajicõari, ado bajiro ãre yiyuju Jesús:

—“Tire yibeticõaña”, ãre yibeja. Quẽnaro yirimi. No bojagũ yure rãcũbũocõari, ããñañamani ã yĩõoro bero, rojose yure ñagõbecũmi.

⁴⁰ No bojagũ yure ajitirũnũcõari, mani yise ãnre yigũma, mani rãcagũ ñagũmi.

⁴¹ Riojo mũare gotiaja yũ. Yure ajisũyarã ñamasurã me ãna ñaboajaquẽne, yure ajitirũnũrã mũa ñajare, quẽnaro mũare yirã, to bajiro ãna yise vaja, vaja bũjarũarãma ãna, Dios tũjũ —ãnare yiyuju Jesús.

“Mũa sũorine gãjerã rojose ãna yijama, gãiõse ñaja”, Jesús ãyigotimasiõre queti
(Mt 18.6-7; Lc 17.1-2)

⁴² Quẽna ado bajiro ã buerimasare gotiyuju Jesús:

—ãni daquegũre bajiro tũõarãre, yure ajitirũnũrãre rojose ãna ãmato yijama, bũto rojose tãmũõõarãma. Rojose ãnare ãna ãmato yiroto rĩõoro, tocãrãcũrene ãna ãmũarijũre gãta jairica siatucõari, riaga ãcũarojũ ãnare rearoderuucõajama, rojose tãmũobetibũsaborãma —ãnare yiyuju Jesús.

“Bũto mũa maise ti ñaboajaquẽne, ti sũorine Dios ã bojabeti mũa yijama, tire reacõaña”, Jesús ã yire queti

(Mt 18.8-9)

⁴³ “Rẽtoro rojose tãmũorobe’ yirã, rojose mũa yisere yitũjaya mũa” yigũ, ado bajiro ãnare gotiyuju Jesús:

—“Yũ ãmo sũorine rojose yibũ yũ” mũa yitũoĩamasijama, jatarocaya. Mũare cojo ãmo ti manijama, quẽnabetoja. To bajiboarine, jũaãmo rãca mũa bajireajama, jeame yatibetimejũ mũa vajama, rẽtobũsaro quẽnabetirũaroja.

⁴⁴ Tojũ ãna rujũrire becoa batũjabetirũarãma. To yicõari, jeamere yarocũ quẽne magũmi.

⁴⁵ “Yũ gũbo sũorine rojose yibũ yũ” mũa yitũoĩamasijama, jatarocaya. Mũare cojo gũbo ti manijama, quẽnabetoja. To bajiboarine, jũa gũbo rãca mũa bajireajama, jeame yatibetimejũ mũa vajama, rẽtobũsaro quẽnabetirũaroja.

⁴⁶ Tojũ ãna rujũrire becoa batũjabetirũarãma. To yicõari, jeamere yarocũ quẽne magũmi.

⁴⁷ “Yũ cajea sũorine ãbojacõari, rojose yibũ yũ” mũa yitũoĩamasijama, tiare ãmirocõaña. Coja cajea mũare ti manijama, quẽnabetoja. To bajiboarine, jũajũne caje cuticõari, mũa bajireajama, jeame yatibetimejũ mũa vajama, rẽtobũsaro quẽnabetirũaroja.

⁴⁸ Tojũ ãna rujũrire becoa batũjabetirũarãma. To yicõari, jeamere yarocũ quẽne magũmi. h

⁴⁹ “Rojose ñaja” yimasiboarine, rojose mũa yijama, quẽnabetoja. To bajiri, “Rojose

h 9:48 gotise, “Tojũ varona, bũto rojose tãmũotũjabetirũarãma” yire ãni ñaja.

yibetiruarāja”, yituoĩacõa ñarũgũña mua. Rojose yiterã ñari, buto mua bojase ti ñaboajaquene, tire mua yibetijama, butobusa Diore ajitirũnarã ñaruaraja mua. To bajiro mua bajirotire bojagumi Dios.

⁵⁰ Moa ñaja bare sãre. Mua barotire vaibucu rii catisere cũrãma, moa turãja mua, “Boarobe” yirã. Moa ti ocaboase ti ocabeticoajama, “Quena tudiocato” yirã, no bajiro yimasimenaja mua. Moa ocabetire bajiro bajiamã sigũri. Ìna suorine quẽnaro yimasibeami Dios. Moa ocatujabetijure bajiro bajiya mua. To bajiro bajirã mua ñajama, mua suorine quẽnaro yimasigũmi Dios. Yure mua ajitirũna tujabetijama, rojose yibetibusaruarãma gãjerã. Gãjerã quẽnaro mua yisere ĩacõari, mure bajiro quẽnaro yiruarãma ña quẽne. To bajiro bajirã ñari, quẽnaro gãmerã yĩñaña –ĩ buerimasare yiyuju Jesús.

10

“Mua manajoare reabetiroti ñaja”, Jesús ĩ yire queti

(Mt 19.1-12; Lc 16.18)

¹ Capernaum ñar'i, Judea sitaju ĩ buerimasare ũmato vasuju Jesús. To eja, Jordán vãme cutirisa jãe, to boejujaju jãjarã masa ĩ rãca rãjañujarã quẽna. Toju ñare gotimasioñuju, ĩ yirũgũriarore bajirone.

² To ñare ĩ gotimasio ñarone, ĩ tu ejayujarã fariseo masa. Ejacõari, “Cudimasibeticõari, rojose tãmuoato” yirã, ado bajise ĩre sãniĩatoyujarã ña:

—¿Sĩgũ ĩ manajore ĩ rocajama, quẽnacõati? —ĩre yisẽniĩañujarã.

³ To bajiro ïre ïna yisēniñasere ajicōari, ado bajiro ïnare c̄diyujū ï:

—¿No bajise rotimasiñujari Moisés? —Ïnare yiyuju.

⁴ To ï yisere ajicōari, ado bajiro c̄diyujarã ïna:

—Ado bajiro rotimasiñuju: “No bojagũ ï manajore ï rocaruajama, ‘Mũre rocagũ yaja’ yise papera ucacōari, ïsiroti ñaja”, yimasiñuja Moisére Dios ï roticũmasire —Jesúre yic̄diyujarã fariseo masa.

⁵ To ïna yirone, ado bajiro yiyuju Jesús:

—Diore ajiterã ïna ñajare, “Butobusa ïna manajoare rojose yiroma” yigũ, manajoa reare beobetimasiñuju Moisés ñamasir'i.

⁶ “Rēmoju ũmũre, rōmiore rujeomasiñuju Dios”, yigotiaja Dios oca.

⁷⁻⁸ To yicōari, gajeju ado bajiro gotiaja Dios oca: “Ŕmũ, rōmio ï rujeore ti ñajare, ũmũja, manajo cutigũ ï jacuare ïnare cãmotadicoarucami. Manajo cuticōari, juarã ñaboarine, sīgũ rujare bajirone ñaruarãma”, yigotiaja Dios oca.

⁹ “To bajiruarãma” Dios ï yimasire ñajare, mũa manajoare reabetiroti ñaja —Ïnare yiyuju Jesús.

¹⁰ To ï yiro bero, vijũ ñacōari, to bajiro ï gotisere sēniñañujarã ï buerimasa.

¹¹ To ïna yijare, ado bajiro ïnare c̄diyujū Jesús:

—Ï manajore rocacōari, gajeo ï manajo cutijama, Dios ï ïajama, ï manajo masu me ñagōmo. Sore ajerio cutigũ yigumi.

¹² To bajirone bajaaja rōmiore quēne. So manajure rocacōari, gājire so manajũ cutijama, so manajũ masu me ñagũmi, Dios ï ïajama. Ïre ajeri cutigo yigomo —Ïnare yiyuju Jesús.

*Rīamasare Jesús ĩ ñubuejeore queti
(Mt 19.13-15; Lc 18.15-17)*

13 Jesús tujũ rīamasacare juaejayujarã masa, “Ī ãmori ñujeocõari, Diore ĩnare sēnibosato ĩ” yirã. ĩna juaejasere ĩacõari, ado bajiro ĩnare yiyujarã ĩ buerimasa:

—Juadibesa! Gõjanabioro yaja mũa —ĩnare yiyujarã.

14 To ĩna yisere ĩajũnininigũne, ado bajiro ĩnare gotiyuju Jesũjũ:

—Rīamasare ĩnare matabesa. ĩnare bajiro tũõiarã ñaama Ũjũ Dios yarã quēnaro ĩ yirã.

15 Riojo mũare gotiaja yũ. Rīamasa ĩna yiecorore bajiro quēnaro yiecorã ñaama Ũjũ Dios yarã —ĩ buerimasare yiyuju Jesús.

16 To ĩnare yigotigajanocõari, rīamasare ĩ ãmori ñujeocõari, Diore ĩnare sēnibosayuju.

*Gajeyeũni jaigũ, Jesũre ĩ sēniĩare queti
(Mt 19.16-30; Lc 18.18-30)*

17 Quēna Jesús varũtu vacũ ĩ bajirone, sīgũ, ũmaejayuju. Ejacõari, ĩ rĩjorojũ gũsomuniari tue-tugũne, ado bajiro Jesũre ĩre sēniĩañuju:

—Gotimasiorimasũ, quēnagũ ñaja mũ. Yũ rijato berojũ “Tudirijabeticõato” yigũ, Dios ĩ catisere yũre ĩ ĩsisere yũ bojajama, ¿no bajiro yiroti ñati yũre? —ĩre yiyuju.

18 To ĩ yisere ajicõari, ado bajiro ĩre cãdiyuju:

—¿No yigũ, “Quēnagũ ñaja mũ”, yũre yati mũ? Dios sīgũne ñaami quēnagũma.

19 Mũ rijato berojũ “Tudirijabeticõato” yigũ, Dios ĩ catisere mũ bujarũajama, Dios ĩ rotimasirere cãdiroti ñaja. Tire masiaja mũ. Dios ĩ rotimasire

yꝯ yijama, ado bajise yimasirere yaja yꝯ: “Sĩabesa. Gãji manajo rãca ajerio cꝯtibesa. Juarudibesa. Socꝯne, ‘Rojose yimi’ yigotiyirobesa. Gãjerãre yitobesa, ‘Ĩna ye cꝯogusa’ yigꝯ. Mꝯ jacꝯre, mꝯ jacore quẽne quẽnaro ĩnare rãcꝯbꝯoya”, yigotiaja Dios ĩ rotimasire –ĩre yiyuju.

²⁰ To ĩ yisere ajicõari, ado bajiro yicꝯdiyuju:

–Daquegꝯjꝯne tire cꝯdisꝯoadimasicajꝯ yꝯ –ĩre yicꝯdiyuju.

²¹ To ĩ yisere ajicõari, ĩre ĩamaiñuju Jesús. To bajiri, ado bajiro ĩre gotiyuju:

–Cojo vãme rꝯyaja mꝯ yiroti, mꝯ rijato berojꝯ “Tudirijabeticõato” yigꝯ, Dios ĩ catisere mꝯ bꝯjarꝯajama: Jediro mꝯ cꝯosere gãjerãre ĩsijeocõaña. To yicõari, ti vaja mꝯ bꝯjasere maioro bajirãre ĩsima. To bajiro mꝯ yijama, õ vecajꝯ Dios ĩ ñarojꝯ quẽnase bꝯjarꝯcꝯja mꝯ. To bajiro yigajanocõari, yꝯre ajisꝯyaya –ĩre yiyuju Jesús.

²² To ĩ yigꝯ, buto sꝯtiriti vacoasuju ĩ, gajeyeũni jaiꝯ ñari, tire maigã.

²³ To yigajanogãne, ĩ buerimasare ĩacõari, ado bajiro gotiyuju Jesús:

–Gajeyeũni jairãrema, yꝯre ĩna sꝯyarꝯa tꝯõĩaboajama, buto josarꝯaroja ĩnare. To bajicõari, yirẽto ecobosabetirꝯarãma –ĩnare yiyuju Jesús.

²⁴⁻²⁵ To bajiro ĩ yisere ajicõari, no yimasibesujarã ĩ buerimasa, ti ũnire ajibetirũgũrã ñari. To bajiri quẽna ĩnare gotirẽmoñuju Jesús:

–Yꝯ buerã, ajiya. No bojarã, yꝯre ĩna sꝯyarꝯa tꝯõĩaboajama, buto josarꝯaroja ĩnare. To bajiboarine butobusa josarꝯaroja gajeyeũni jairãrema. Vaibꝯcꝯ camello vãme cꝯtigꝯ, gãjojota

gojeacare sãjarẽtobudimasibecumi. To bajirone bajiaja gajeyeũni jairãre quẽne, yure ñna ajitirãnu suyaruaboajama. To bajiro ñna bajijare, yirẽto ecobosabetiruarãma – ñnare yiyuju Jesús.

²⁶ To bajiro ñnare ñ gotisere ajicõari, no yimasibesujarã ñna. To bajiri ado bajiro ñre sēniñarẽmoñujarã:

–Riojo ma gotijama, ¿no bajiro bajirãjua Dios tujure ejaruarãda? – ñre yiyujarã.

²⁷ To ñna yirone, ñnare ñacõari, ado bajiro ñnare gotiyuju Jesújumama:

– ñna masune ejamasimenama masa, Dios tujure. Diojumama, ñajediro yimasijeocõami. Ñiejua josase maja, ñrema. ñ suorine ñ tujua ejamasire ñaja – ñnare yiyuju Jesús.

²⁸ To ñ yisere ajicõari, ado bajiro ñre yiyuju Pedro:

– Jediro yua gajeyeũnire cõcõari, mare suyacaju yua – ñre yiyuju.

²⁹⁻³⁰ To ñ yisere ajicõari, ado bajiro ñre cadiyuju Jesús:

–Riojo mare gotiaja yu. No bojarã yure ajitirãnarã ñnari, yu ocare gotiroana, ñna ya vi, ñna yarã, ñna jacua, ñna rãa, to yicõari ñna ya veserire quẽne, ñna maise ñnaro cõro ñna vaveojama, ñna cuoboare rẽtobusaro quẽnase bujaruarãma ñna, adi macarucurore. Yure ajitirãnarã ñnari, rojose tãmarõ ñnaboarine, ado bajiro quẽnaro ñnare yirucumi Dios: Jairo viri, jairo veseri, jãjarã yarã cuti, to yicõari jãjarã rãa cutireayere ñsirucumi Dios. To yicõari, “ ñna rijato berojuma tudirijabeticõato ” yigu, ñ catisere ñnare ñsirucumi.

31 To bajiboarine, adire quēne quēnaro t̄uoĩañã m̄ua: Ado bajiro m̄ua t̄uoĩarore bajirone t̄uoĩaboarãma: “Dios ï bojase yirã rētoro Dios ï bojasere yirã ñari, ñamasurã ñaja yua. To bajiri, õ vecajure quēne ñamasurã ñari, quēnase b̄ujaruarãja”, yit̄uoĩaboarãma. To bajiro yirã ñari, gãjerãre ïacõari, “Ĩna ya vi, ĩna yarã, ĩna jacua, ĩna rĩa, to yicõari ĩna ya veserire vaveomena ñari, ñamasurã me ñaama. To bajiri, õ vecajure quēnase mojoroaca b̄ujarona ñaama”, yit̄uoĩaboarãma. To bajiro me bajiruaroja. Adojũ ñamasurã, õ vecajurema ñamasumena ñaruarãma ĩna. Adi macarucurojũ ñamasumenama, õ vecajurema ñamasurã ñaruarãma –ĩnare yiyuju Jesús.

*“Yure s̄iaruarãma”, Jesús ï yigotitusare queti
(Mt 20.17-19; Lc 18.31-34)*

32 Ï buerimasa, Jerusalénjũ Jesús ĩnare ï ũmato varũtu vajare, “Ujarã ĩre ĩaterã ĩna ñarojũ ï vasere güibeticõami Jesús”, ĩre yit̄uoĩa vasujarã ĩna. ĩnajua, ĩre s̄ayarã, b̄uto güiyujarã. To ĩna bajirone, juaãmo cõro, ḡubo jua j̄enituarirãcu ñarãre ï buerãre ricati ĩnare jicãmotocõari, ado bajiro ĩnare gotiyuju:

33 –Quēnaro ajiya m̄ua. Jerusalénjũ vana bajiaja mani. Tojũ mani ejaro, Dios ï roticõacacure, s̄igũ yure ĩsirocarucumi, paia ujarãre, to yicõari, Dios ï rotimasire gotimasiorimasare. ĩnaja, “Ĩre s̄iaroti ñaja”, yure yiruarãma. To yicõari, romano masare yure ĩsiruarãma.

34 To ĩna yijare, yure ajatud'irã, gooco yure eo-reatucõari, bajaruarãma ĩna. To yicõari yucátërojũ

yure jajurocacōaruarãma. Yure jajurocacōari, yu-
jeboaruarãma. To ñna yiboajaquêne, yure ñna
sïarirũmũ bero, idiarũmũ tũsatirũmũne tudicati-
coarũcũja yũ quẽna —ñnare yiyuju Jesús.

Santiago mesa Jesúre ñna sēnire queti
(Mt 20.20-28)

³⁵ To ñ yiro bero, Zebedeo rĩa, Santiago, to yicōari
Juan, Jesúrãca ñagōrã ejayujarã ñna. Ejacōari, ado
bajiro ñre sēniñujarã:

—Gotimasierimasũ, “Ado bajiro yũare
ejarẽmoña” mũare yũa yisēnisere, mũ cũdise bojaja
yũa —ñre yiyujarã ñna.

³⁶ To bajiro ñna yisere ajicōari,
—¿No bajiro mũare yũ yibosasere bojati mũa? —
ñnare yiyuju Jesús.

³⁷ To ñ yijare, ado bajiro ñre yiyujarã ñna:
—“Ñajediro mũũ ñaja yũ” yĩlocōari, mũ
rotisũorirodo ti ejaro, ado bajiro yũare mũ ũmato
rujirotire bojaja yũa: Sígũ mũ riojojacatũa, gãjire
mũ gãcojacatũa yũare ũmato rujirũcũja mũ, mũ
rotirotire bajirone yũa rotimasirotire yigũ —ñre
yiyujarã.

³⁸ To bajiro ñre ñna yisēniboajaquêne, ado bajiro
ñnare cũdiyuju Jesús:

—Tũoĩamasimenane, yure sēniboaja mũa. Yũ rãca
mũa rotirũajama, ¿mũa quêne yure bajirone rojose
tãmũorãtique mũa? —ñnare yiyuju.

³⁹ To bajiro ñnare ñ yirone,
—Bajicōarãja —ñre yicũdiyujarã.
To bajiro ñna cũdise ñajare, ado bajiro yiyuju
Jesús:

—Riojo mũare gotiaja yũ. Mũa quẽne, yũ tãmũorotire bajiro rojose tãmũorũarãja.

⁴⁰ To bajiro mũa bajiboajaquẽne, yũ riojojacatũa, yũ gãcojacatũa mũare rojomasibecũja yũ. “Ĩna ñarũarãma yũ macũ tũ rujirona” yũ jacũ ĩ yicana rĩne rujirũarãma —ĩnare yiyuju.

⁴¹ Jesús buerimasa jũaãmo cõro ñarã ĩna aji-betone, “To bajiro bojaja yũa” ĩna yisere ajicõari, jũnisiniñujarã ĩna.

⁴² To bajiro ĩna bajijare, ĩna jedirore jirẽocõari, ado bajiro gotiyuju Jesús:

—Hjarã, Dios yarã me ñarã, ĩna yarãre buto tutu-aro rotirãma ĩna. Tire masiaja mũa.

⁴³ Mũama, yũ yarã ñari, ĩnare bajiro bajibe-tirũarãja. Yũre ajitirũnũrã, ñamasurã ñarũarãma, gãjerã ĩna bojasere masicõari, quẽnaro ĩnare yie-jarẽmorã.

⁴⁴ To bajiri ñamasurã mũa ñarũajama, gãjerãre moabosarũarãja mũa.

⁴⁵ Dios ĩ roticõacacũ quẽne, to bajirone yaja yũ. “Gãjerã yũ bojasejũare masicõari, quẽnaro yũre yato ĩna” yigũ me vadicaju yũ. “Ĩna bojasere ma-sicõari, quẽnaro ĩnare yirũcũja” yigũ vadicaju yũ. To yicõari, jãjarã rojose ĩna yisere Dios ĩ masiriorotire ĩnare vaja yibosagũagũ vadicaju yũ —ĩnare yiyuju Jesús.

Caje ĩabecũ Bartimeo vãme cõtigũre Jesús ĩ ĩarotire queti

(Mt 20.29-34; Lc 18.35-43)

⁴⁶ Jericó vãme cõtĩ maca ñacõari, ĩna vatone, jãjarã masa ĩnare sũyasujarã, Jesũre ĩarã. Toju ĩna vatone, ĩabecũ, Bartimeo vãme cõtigũ rujiyuju,

maa tu. Timeo macu ñañuju ï. Maioro bajigu ñari, ï barotire, to yicõari, gajeyeũniaca ï c̃uorotire tuõlagũ, gãjoa s̃enirujyuju.

⁴⁷ “Jesús, Nazaret macagu r̃etoacu yami” masa ïna yisere ajicõari, ado bajiro ïre jiavasãñuju:

—Jesús, Uju David ñamasir'i jãnami, “Rotim̃orũgõr̃uc̃mi” yigu, Dios ï cõar'i ñaja m̃. Yure ïamaiña m̃ —yiavasãñuju ï.

⁴⁸ To bajiro ï yiavasãrone,

—¡Avasãbesa! —ïre yiyujarã masa.

To bajiro ïna yiboajaquẽne, butobusa avasãñuju quẽna:

—Uju David ñamasir'i jãnami “Rotim̃orũgõr̃uc̃mi” yigu, Dios ï cõar'i ñaja m̃. Yure ïamaiña —Jesúre ïre yiavasãñuju.

⁴⁹ To ï yisere ajicõari, tujarũgũñuju Jesús. To bajicõari,

—ïre jiya m̃a —masare ïnare yiyuju.

To ï yijare, ïabec̃are jiyujarã ïna:

—Variquẽnaña. Ṽm̃urũgũña. M̃are jiami Jesús —ïre yiyujarã, ïabec̃are.

⁵⁰ To bajiro ïna yisere ajicõari, ï sudiro joeadore vearocacõañuju, “Guaro vatĩmagũsa” yigu. To yicõa, ṽm̃urũgũ vasuju ï, Jesús t̃aju.

⁵¹ ï ejasere ïacõari, ado bajiro ïre yiyuju Jesús:

—¿No bajiro m̃are yu yisere bojati m̃? —ïre yiyuju, caje ïabec̃are.

To ï yijare, ado bajiro ïre yic̃adiyuju:

—Gotimasiogũ, yu tudĩ̃arotire m̃ ejarẽmosere bojaja yu —ïre yiyuju caje ïabec̃a.

⁵² To bajiro ï yisere ajicõari, ado bajiro ïre yiyuju Jesús:

—Vasa mɛ. “Yure ãamaicõari, ãarotirucumi” yure yitũoĩagũ ñari, ãacoajɛ mɛ yuja. Ñie rojose maja mure yuja —ĩre yiyuju Jesús.

To bajiro ã yirirĩmarone, caje ãabecu ñaboar'i, ãacoasuju ã yuja. ãacõari, ã quẽne Jesúre suyacoasuju.

11

*“Rotimũorũgõrucumi” yigũ, Dios ã cõagũ ñaja yũ”
yĩogũ, Jerusalénju Jesús ã ejare queti*

(Mt 21.1-11; Lc 19.28-40; Jn 12.12-19)

¹⁻² Jerusalén cõñana, Betfagé, Betania vãme cãti macari tãjɛ ejayujarã ãna. Ti macari tãjɛre Olivo vãme cãti buro ñañuju ti. Ti burojɛ ejagũagũne, jɛarã ã buerãre ado bajiro ãnare gotiyuju Jesús:

—Mani varoto riojo ñarimacare vasa maji. Tojɛ ejacõari, burro macɛ ãna siaturũgõr'ire bujarũarãja mɛa, jesañañamagũre. Ñre õjacõari, yure ãmiadibosaba.

³ Ti macagũ, mɛa õjaro ãacõari, “¿No yirã ãre õjati mɛa?” mɛare ã yisẽniñajama, “Mani ɛjɛ ãre bojami. No cõro mene tũocõarucumi quẽna”, ãre yicũdiba — ãnare yiyuju Jesús.

⁴⁻⁵ To ã yisere ajicõari, vasujarã ãna. To ejacõari, maa tɛ ñarivi soje tũre ãna siaturũgõr'ire ãabujayujarã. ãabujacõari, ãre ãna õjarone,

—¿No yirã ãre õjati mɛa? —yisẽniñañujarã ãna, burro ɛjarã.

⁶ To ãna yisẽniñase ñajare, Jesús ãnare ã cãdirotiriaro bajirone cãdiyujarã ãna. To ãna yirone, ãnare varotiyujarã burro ɛjarãjɛa.

⁷ To ãna yijare, burro macɛre ãmivasujarã, Jesús tãjɛ. To yicõari, ãna ye sudi joeayere vejecõari,

burro macu joere jeoyujarã. To ñna yirone, vaje-jayuju Jesús.

⁸ Jãjarã masa ñañujarã. Ñna ye sudi joeayere vejecõari, ñ varotijure cū rĩjoro cutiyujarã. “Yua uju ñaja ma” yirã, to bajiro yiyujarã, Jesúre rucubhorã. Gãjerã yucá rujuri jasurecõari, maare cū rĩjoro cutiyujarã.

⁹ To yicõari, “ “Rotimhorũgõrucumi” yigu, Dios ñ cõagũ ñaja ya’ yĩocõari, rotishorucumi yuja” Jesúre ñre yitõõarã ñari, bato variquẽnañujarã ñna. Ñre rĩjoro cuti vana, ñre sayarã quẽne, ñre ñavariquẽnarã, ado bajiro avasã vasujarã:

—¡“Rotimhorũgõrucumi” yigu, Dios ñ cõar’i ñaami! ¡Quẽnase ñre yivariquẽnato mani! ¡Diore rotibosagu quẽnaro ñ yigu ñaami!

¹⁰ ¡Uju David ñamasir’i jãnami ñ rotirirodo, “Quẽnarirodo ñaruroja” Dios ñ yiriarodo ejaroado yaja! ¡Diore quẽne, quẽnase ñre yivariquẽnato mani, ñni yua ujure ñ cõajare! —yiavasã vasujarã ñna.

¹¹ To bajiro ñna yi vato rĩne, Jerusalénju ejayuju Jesús. Ejacõari, Diore yirucubhoriavire sãjañuju. Sãjaejacõari, jediro ñabatojeocõari bero, “Rãioato bajiaja” yigu, ñ buerimasa juaãmo cõro, gubo jua jẽnituarirãcu ñarãre ñmato tudiasuju, Betania macaju.

Higuera vãme cutiure, “Juañi rica cutibetiruroja”, Jesús ñ yire queti
(Mt 21.18-19)

¹² Gajerũmu Betania maca ñaboa, ñ buerimasare ñmato vacu, ñiorijayuju Jesús.

¹³ To bajivacune, sõjune higuera vãme cutiure ñabujacõañuju Jesús. Quẽnaro jũ cutiyuju. Ti ricare

baru ojaboayuju. Rica mañuju, tiñuama. Jũ rĩne ñañuju. Rica mañuju, rica cutirodo me ñajare.

¹⁴ To bajiri tiare ado bajiro yiyuju Jesús:

—Juañi rica manicuararãja mua —tiare yiyuju ï.

To bajiro ï yisere ajiyujarã ña, ï buerimasa.¹

Diore yirucuboriavijũ ñacõari, gajeyeũni ïsirivire bajiro ña yĩñajare, Jesús ñare ï tud'iağõbure queti (Mt 21.12-17; Lc 19.45-48; Jn 2.13-22)

¹⁵ To bajiro ï yiro bero, varũtu ejacoasujarã, Jerusalénju. Ti macaju ejacõari, Diore yirucuboriavijũ sãjañujarã. Ti vijũ gajeyeũni ïsirãre, ñare vaja yirãre quẽne, tud'iağõbuyuju Jesús. Gãjerã ye rãca gãjoa vasoarimasa ña gãjoa jeorijaure tujuareayuju. To yicõari, buja ïsirimasa ña rujiri cũmurorire tucaguereayuju.

¹⁶ To yicõari, Diore rucuboriavijũ gajeyeũni no bojasere masa jedirore juarotibesuju.

¹⁷ To yicõari, ado bajiro ñare gotiyuju:

—Diore gotirõtobosarimasa ña ucamasire ado bajiro gotiaja: “Yu ya vima, masa jediro yure sãnirucuborã rējariavi ñaruroja”, yigotiaja, adi vire. To bajiro Dios ï yimasire ti ñaboajaquẽne, ado bajiro mua yĩñase surine juarudirimasa ya vire bajiro bajaaja ti —ñare yiyuju Jesús.

¹⁸ Ti vijũ Diore yirucuboriavijũ ñañujarã paia ujarã, Dios ï rotimasire gotimasiorimasa quẽne. To bajiro Jesús ï yisere ñacõari, “¿No bajiro yicõari, ïre sãrãti mani?”, gãmerã yĩñagõñañujarã ña, ïre

¹ **11:14** Higuera rica cutirodo me ñaboarine, rica cuticõari, ti jũ cutirũgũriarore bajiro ti bajijare, “Rica cutiroja” yigu, iağã vaboayuju Jesús.

güirã ñari, ï gotimasiosere ajicõari, jãjarã masa ñna ajirũcũbũose ñajare.

¹⁹ Ñnare gotimasiocõari bero, ti rãioatone, ï buerimasare ũmato vacoasuju Jesús.

Higuera rica mani ti sñire queti

(Mt 21.20-22)

²⁰ Gajerũmũ busurijũ jẽjũ quẽna maa vana higuera vãme cõtĩũ, “Rica manĩcarũarãja mũa” Jesús ï yiriũ tũre ejayujarã ñna. To ejacõari, higuera sñiar'ire ñañujarã. Ti ñemari quẽne sñijedicoasuju ti.

²¹ To cõrone Jesús ï ñagõrere tũõĩabũjacõari, gotiyuju Pedro:

—Gotimasiorimasũ, ñaña. Higuera vãme cõtĩũre, “Jũaji rica manĩcarũarãja mũa” mũ yimasiricũ sñirocacoasuja ti —Jesúre yiyuju.

²² To ï yisere ajicõari, ado bajiro ï buerimasare gotiyuju Jesús:

—“Dios ï ejarẽmose rãca yimasicõarãja”, yitũõĩaña mũa.

²³ Riojo mũare gotiaja yũ. No bojagũ yũre ajitĩrũngũ, i burore, “Moa riagajũ mũa masune rocaroacoasa” ï yijama, to bajirone bajirũaroja, “Dios ï ejarẽmose rãca yimasicõagũja” ï yitũõĩa tũjabetijama.

²⁴ “Yũa sẽnijama, yũare ñsicõagũmi” yitũõĩacõari, Diore mũa sẽnijama, mũare ñsirũcũmi, ñnare yiyuju.

²⁵ Diore sẽnirã, mũare rojose yirãre mũa masiriojama, mani jacũ õ vecagũ rojose mũa yisere masiriorũcũmi ï quẽne.

²⁶ Gãjerãre rojose ñna yisere mũa masiriobetijama, mani jacũ quẽne rojose mũa yisere masiriobetirũcũmi —ñnare yiyuju Jesús, ï buerãre.

*“¿Ñimũ mũre ĩ rotise rãca to bajiro yati mũ?”
Jesúre ĩna yisēniĩare queti*

(Mt 21.23-27; Lc 20.1-8)

27 To ĩ yiro bero, Jerusalénju ejayujarã quēna Jesúrãca. To bajicōari, Diore yirũcubũoriaviju sãjañuju Jesús. Sãjaejacōari, ĩ ñacudirone, ĩ tũ ejarũgũñujarã paia ujarã, Dios ĩ rotimasire gotimasiorimasa, to yicōari, bũcũrã quēne.

28 Ejarãne, ado bajiro ĩre sēniĩañujarã ĩna:

—¿Ñimũ mũre ĩ rotise rãca to bajiro yirũgũati mũ?
—ĩre yisēniĩañujarã ĩna.

29 To bajiro ĩna yisere ajicōari,

—Yũ quēne, ado bajiro mũare sēniĩaja yũ. Yũre mũa cũdicōaroju, “ĩ rotise rãca yaja yũ”, mũare yirũcũja maji.

30 ¿Ñimũ rotiyujari, Juanre, “Oco rãca masare ĩnare bautizacudiya” yigũ? ¿Dios rotiyujari? ¿Masajũa rotiyujarique? —ĩnare yisēniĩañuju Jesús.

31 To ĩ yisere ajicōari, ĩna masurione gãmerã ñagõñañujarã ĩna:

—“Dios, Juanre oco rãca bautizarotiyumi” mani yijama, ado bajiro manire sēniĩajacagumi: “Tire masirã ñaboarine, ¿no yirã ĩre ajitirũnũbeticati mũa?” manire yisēniĩajacagumi.

32 To yicōari, “Masane, Juanre oco rãca bautizarotiriarãma” mani yijama, manire bũto tud'irũarãma masa, “Diore gotirẽtobosarimasũ ñaboacami Juan” yirã ñari —gãmerã yiyujarã ĩna.

33 To bajiro gãmerã ñagõrã ñari, ado bajiro ĩre cũdiyujarã ĩna:

—Juanre rotir'ire masibeaja yũa —Jesúre yicōañujarã ĩna.

To ñna yisere ajicõari, ado bajiro ñnare cadiyuju Jesús:

—To bajiro mña cadijare, “Í rotise rãca yaja yu”, mñare yigotibetirucuja yu quẽne —ñnare yiyuju Jesús.

12

*“Jud'io masa ñna ajitirũnũbeti ñajare, gãjerãjũare
ũjorũcũmi Dios” yigũ, ñre moabosarimasa rojose yirã
ñna bajire rãca Jesús ñ gotimasiore queti
(Mt 21.33-46; Lc 20.9-19)*

¹ Gotimasiore queti masare gotiyuju Jesús:

—Sĩgũ masũ ãye vese otegũmi. Tire otegajanocõari, matagũmi. To yicõari, ãye oco juarotijũ quẽnogũmi. Tijũ bero, vecajũ ñacõari, ñ ñatirũnũjesarotijũ quẽnogũmi. To yigajanocõari, gãjerãre, “Yũre ñatirũnũbosaba”, yigũmi. “Yye ti rica cutiro, gãjerãre ñsicõari, vaja sãnirũarãja. To yicõari, mña juajama, ‘Ado cõro ñaja mani ye. Ado cõro ñaja ñ ye’ yicõĩama”, ñnare yigũmi. To yicõari, gajerojũ vacoacũmi yuja.

² To bajiri cojorũmũ, “Yye rica cuti bũcũatoja ti” yigũ, ñre moabosarimasare cõagũmi, “Yye, yũre ñna cũbosarere yũre juabosaya” yigũ.

³ Yye vesejũ ñ ejarone, ñre ñiacõari jarãma vese coderimasa. To yicõa, ñre ãye ñsimenane, “Vasa”, yirãma ñna. To bajiri ãye juabecũne tudiejagũmi, ñre roticõar'ĩ tũjũ.

⁴ To bajiri ãye ñ juabetire ñacõari, gãji ñre moabosarimasare cõagũmi quẽna, vese ãju, “Yye yũre juabosagũ vasa” yigũ. Yye vesejũ ñ ejasere ñacõari, rujajine ñre yitud'icõari, ñre quẽne jarãma ñna. To

bajiri ĩ rujoaju cãmi cutigumi ĩ. To bajiro ĩre yigajanocõari, uye ĩsimenane, “Vasa”, ĩre yirãma ĩna.

⁵ To bajiri uye ĩ juabetire ĩacõari, quẽna gãji ĩre moabosarimasare cõagumi vese uju. ĩre sĩarãma. Bero, jãjarãbusa cõarũgũboagumi vese uju. ĩnare quẽne to bajirone yirũgũrãma vese coderimasa. Sĩgũrire buto jarãma. Gãjerãre sĩarãma ĩna.

⁶ ĩnare ĩ cõariaro bero, sĩgũ ruayagumi yuja, ĩ cõarocu. ĩ ñagũmi ĩ macu, ĩ maigũ. To bajiri, “Yu macujuare rucubũoruarãma” yitũoĩagũ, ĩre cõaboagumi.

⁷ To bajiro ĩ yicõar'ire, veseju ĩ ejasere ĩacõari, ado bajiro gãmerã ñagõrãma vese coderimasa: “Adi vese uju macune ñaami. To bajiri ĩ bajirocaveojama, ĩne ñaami ĩre vasoarocu. To bajiri ĩre mani sĩajama, mani ye sita ñarũaroja yuja”, gãmerã yĩñagõrãma ĩna.

⁸ To bajiri vese sojuaju ĩre ñia vati, ĩre sĩarocacõarãma ĩna –ĩnare yiyuju Jesús.

⁹ To bajiro ĩnare gotigajanocõari, ado bajiro ĩnare gotiyuju quẽna:

–¿Ti vese uju tudiejagu, no bajiro ĩnare yigujari ĩ, ti vese coderimasare? Ado bajiro yigumi: Veseju vacõari, ti vese coderãre sĩarucumi. To yicõari, gãjerãjuare coderotigumi ĩ, ti vesere –ĩnare yiyuju Jesús.

10-11 Gajeye ado bajiro gotirũtuasuju Jesús:

–“Uye vese uju macure rojorã ĩna sĩarocarere bajirone viri bũarimasa gãta ĩna beserocaria ñaboarine, ñamasurica ñarũaroja”, yigotiaja Dios oca masa ĩna ucamasire. ¿Tire ĩabeticatique mua? Ado bajiro gotiaja:

“Gūta rāca vi quēnorimasa coja gūtare rocarāma ĩna. ĩna rocaria ñaboarine, gajea gūta rētoro quēnarica ñaruaroja tia. Tia gūta suorine quēnarivi quēnorucumi Dios. Tia manijama, quēnomasibetibogumi. To bajiro bojagumi Dios mani ujũ. To bajiri tia gūta suorĩ Dios quēnaro ĩ yisere ajimasicōari, bũto tũoĩa variquēnaja mani”, yigotiaja Dios oca masa ĩna ucamasire –ĩnare yigotiyuju Jesũs, paia ujarāre.]

¹² Jesũs ĩ gotimasiosere ajicōari, “Uye vese coderimasa ĩ yijama, manirene yigũ yami. To yicōari, gūtavi quēnorimasa ĩ yijaquēne, manirene yami. ĩre rojose mani yisere yigũ yami”, yiajimasiñujarā ĩna. To bajiri Jesũre ñiaruaboayujarā. To bajiboarine masare gũirā, ĩre ñiabetesujarā. ĩre ñiaruaboa, vacoasujarā ĩna yuja.

*“Ujarā, gājoa manire ĩna vaja yirotijama, ĩnare ĩsiroti ñaja”, Jesũs ĩyigotire queti
(Mt 22.15-22; Lc 20.20-26)*

¹³ Bero, fariseo masa, to yicōari, “Ujũ ñamasugũ ñarucumi Herodes” yirũgũriarā, Jesũs tũ ĩna rācanare cōañujarā ĩna, “Ado bajiro josari mua sēniñajama, cũdimasibeticōari rojose tãmũorucumi Jesũs” yirā.

¹⁴ To ĩna yicōariarā, ado bajiro Jesũre sēniñañujarā ĩna:

Ĵ **12:10-11** “To bajiro gotiyumi Dios, yũ bajirotire tũoĩagũ”, ĩnare yigotigũ yiyumi Jesũs.

—Ajiya gotimasiorimasu. “Riojo gotiami”, mare yimasiaja ya. “Ado bajiro mani yisere bo-jagumi Dios” yigotimasiogũ ñari, riojo yare gotimasioaja m. “Ado bajiro ya gotimasiojama, yare ajijūnisiniruarāma” yituoĩabecune, riojo gotigu ñaja m. “Ānoama, ñamasurã ña ñajare, ña ajijūnisinibeti vāmejare ñare gotimasiorucuja”, yituoĩabecu ñaja m. Masa ñajedirore yare riojo gotigu ñaja m. To bajiro yigu m ñajare, m tuoĩasere ajiruaja ya. ¿Roma macagu uju, César, gãjoa manire i vaja yiro-tisere mani vaja yijama, quēnacōarojari? ¿Dios i rotimasirere cudimena yirãjarique mani, ñe mani vaja yijama? —Jesúre yisēniĩaboayujarã ña.

¹⁵ Jesújama, “Rojose yare yiruārã, to bajise yare sēniĩatoama ña”, yimasicōañuju. To bajiri ado bajiro ñare yiyuju:

—¿No yirã, “Rojose ñe yirãsa” yirã, to bajise yare sēniĩatoati ma? —Ñare yiyuju Jesús.

¹⁶ —Gãjoatii cojotii yare ñoña —Ñare yiyuju Jesús.

To i yijare, gãjoatii ñe ñoñujarã. Gãjoatiire ñacōari, ado bajiro ñare sēniĩañuju Jesús:

—¿Ñim rioga tuyati? ¿Ñim vāme tuyati? —Ñare yiyuju Jesús.

To i yirone,

—Roma macagu Uju César vāme cutigu rioga tuyaja. To yicōari, i vāme quēne ñaja ti —Jesúre yicūdiyujarã ña.

¹⁷ To ña yijare, ado bajise yiyuju Jesús:

—To bajiri aditiire ñacōari, “César yatii ñaja”, yimasiaja ma. To bajiri ujarã ña vaja yirotijama, ñare vaja yiroti ñaja. To bajirone bajiaja Diore quēne. Jediro Dios i cōase ti ñajare, “Ya cūose ti

ñaboajaquêne, ti rãca m̄ bojarore bajiro yiruarãja”, Diore ãre yiroti ñaja manire —ñare yiyuju Jesús.

To bajiro ã yisere ajicõari, no yimasibesujarã ãna, ãre bajiro quẽnaro gotigũre ajibetirũgũriarã ñari.

“¿Bajirearãma, tudicaticoanajari?”, Jesúre ãna yisẽniãtore queti

(Mt 22.23-33; Lc 20.27-40)

¹⁸⁻¹⁹ To bajicõari, saduceo masa quẽne ejayujarã, Jesúre sẽniãtorã. “Masa ãna rijato bero, ãna usari, ãna rujari ñaro cõrone quẽna tudicatimenama” yirã ñañujarã saduceo masa. Ado bajiro ãre sẽniãñujarã:

—Ajiya gotimasiorimasu. Moisés ñamasir'i ado bajiro ã yiuacũmasire ti ñajare, m̄re sẽniãrã vabu yua. “Sĩgũ, manajo cutiboa, rãa magũne ã bajirocajama, ã gagu manajo ñariore manajo cutirucumi ã bedijua. To bajiri ã rãca ñacõari, so macu cutijama, ã gagu macu ñarucumi”, yimasiñuju Moisés.

²⁰ Sĩgũ rãa cojomo cõro, jua jẽnituarirãcu ãmua ñaboacama. Sĩgõrene manajo cutiboacama ãna. Ñasugũ sore manajo cutisuboacami. Rãa magũne rijacoacami ã.

²¹⁻²² ã rijato bero, gãji ã bedi vasoaboacami. ã quẽne rãa magũne rijacoacami. ã bederã quẽne, to bajirone sore manajo cutiboacama. Rãa manane, rijajedicoacama ãna quẽne. So manajua ãna rijajediro bero, so quẽne rijacoacamo yuja.

²³ To bajiri bajireacõari, quẽna ãna tudicatijama, ¿ñimujua ñaguĩda so manaju masu ñarocuma, ãna ñaro cõrone sore ãna manajo cuticato bero? —Jesúre yisẽniãtoyujarã ãna.

²⁴ To ãna yirone, ado bajiro cadiyuju Jesús:

—Dios oca, masa ñna ucamasire ajimasimena ñaja mña. Dios ñ masisere quēne masirã me ñaja. To bajirã ñari, Moisés ñ ucamasirere tñoiãcõari, “Riojo me gotiro yaja”, yitñoiãboaja mña.

²⁵ Ado bajirojña bajiaja: Bajireariarã, ñna tudicatiro bero, manajo cõtire, manajñ cõtire quēne manirñaroja. Ángel mesare bajiro bajirã ñnarñarãma ñna.

²⁶ ¿“Masa ñna bajirearo bero, ñna usuri caticõaroja” yirere ñabeticatique mña? ¿Yucáyoa ñjuriyoa vatoajñ Dios Moisére ñ ñagõmasirere ñabeticatique? Dios masune ñre ñ gotimasirere ado bajiro ucamasirñumi Moisés: “Mña ñicña ñamasiriarã Abraham, Isaac, Jacob, ñna rñcñbño vadimasicacñne ñaja yñ”, yigotimasirñumi Dios.

²⁷ Masa bajireariarã ñna usuri ti caticõa ñabetijama, to bajise yibetimasiborimi. Bajireariarã, quēna tudicatirãjñ ñna rñcñbñogñ ñnaami. “Ñna usuri ti caticõa ñajare, bajireariarã ñaboarine, Diore rñcñbñocõa ñarãma” yire ñaja. Buto mavisiaja mña —ñnare yiyuju Jesús.

Dios ñ rotimasire ñamasuri vãmere Jesús ñ gotire queti

(Mt 22.34-40)

²⁸ Sñgã, Dios ñ rotimasire gotimasiorimasñ ejayuju. Ejacõari, Jesúrãca ñna ñagõrore ajiññañuju ñ. To bajiri, “Quēnaro cñdiami Jesús” yiajigñ ñari, ñre sēññañuju ñ:

—Dios ñ rotimasire ñamasuse, ¿disejña ñati? —ñre yisēññañuju ñ.

²⁹ To ñ yisere ajicõari, ado bajiro cñdiyuju Jesús:

—Dios ĩ rotimasire ñamasuse ado bajiro gotiaja: “Ajiya m̃a, Israel sitana. Dios sĭgũne ñaami mani ɯj̃a.

³⁰ Mani ɯj̃ure, Diore b̃uto mairoti ñaja. No bojagure mani mairo r̃etro, no bojase mani c̃ose, mani bojat̃oĩase, to yic̃ari mani moare c̃atise r̃etro Diore mairoti ñaja”, yigotiaja Dios ĩ rotimasire ñamasuse.

³¹ To yic̃ari, gajeye ado bajiro gotiaja ti: “M̃a masu ruj̃ure m̃a mairore bajirone m̃a t̃anare maiña”, yigotiaja Dios ĩ rotimasire. Disej̃a gajeye Dios ĩ rotimasire r̃etro ñamasuse maja —ĭre yiyuju Jesús.

³² To bajiro ĩ yisere ajic̃ari, ado bajiro ĭre yiyuju Dios ĩ rotimasire gotimasiorimas̃a:

—To bajirone bajaiaja. Riojo gotiaja m̃a. “Sĭgũne ñaami Dios. ĭre bajiro bajig̃a g̃aji mag̃ami.

³³ Mani ɯj̃ure Diore b̃uto mairoti ñaja. No bojagure mani mairo r̃etro Diore mairoti ñaja, manire. No bojase mani c̃ose mani mairo r̃etro Diore mairoti ñaja. Diore mairã ñari, mani t̃oĩase, mani yise, jediro qũenaro yiroti ñaja”, yaja. To yic̃ari, “Mani masu ruj̃ure mani mairore bajirone jedirore maiña”, yigotiaja Dios ĩ rotimasire. Gajeye Moisére Dios ĩ rotic̃umasiriarore bajirone vaib̃uc̃arã ecariarãre sĭac̃ari, Diore r̃uc̃ub̃orã, paire mani ĭsijama, qũenaja. Gajeye no bojase Dios ĩ rotimasiriarore bajiro paire mani ĭsijama, qũenaja. To bajiboarine to bajiro yirã jediro mani ĭsise r̃etob̃usaro qũenaja, Diore, to yic̃ari, masare qũene mani maijama —Jesúre yiyuju Dios ĩ rotimasire gotimasiorimas̃a.

34 To bajiro quēnaro ĩ yisere ajicōari, ado bajiro ĩre yiyuju Jesús:

—Y_u ĩajama, Dios yarā ĩre ĩna ajitirūn_usere ajimasiaja m_u. ĩ y_u quēnaro ĩ yig_u m_u ñar_uajama, ñamasiaja m_u —ĩre yiyuju Jesús.

To bajiro Jesús ĩ yiro bero, “Mani rētoro masigū ñaami” yit_uoĩacōari, “Ānoama masimena ñaama’ yiromi” yirā, ĩre sēniĩa tujacoasujarā yuja. “Mani rētoro masigū ñaami Jesús” yit_uoĩarā ñari, ĩre sēniĩarēmobesujarā yuja.

“ ‘Rotim_uorūgōr_uc_umi’ yig_u, Dios ĩ cōaroc_u, ¿ñim_u ñar_uc_umi, yit_uoĩati m_ua?’, Jesús ĩ yisēniĩare queti (Mt 22.41-46; Lc 20.41-44)

35-36 Diore yir_uc_ub_uoriavij_u masare gotimasio ñagūne, ado bajiro ĩnare sēniĩañuju Jesús:

—“ ‘Rotim_uorūgōr_uc_umi’ yig_u, Dios ĩ cōaroc_u, mas_u ñar_uc_umi. Ūj_u David ñamasir’i jānamine ñar_uc_umi”, yama Dios ĩ rotimasire gotimasiormasa. To bajiro ĩna yit_uoĩaboajaquēne, Esp’iritu Santo ĩ ejarēmose rāca yig_u, Diore yig_ure bajiro, “y_u _uj_u” yimasiñujari Ūj_u David ñamasir’i, ĩ jānami ĩ ñaboajaquēne, ado bajise ĩ yiucajama:

“Y_u _uj_ure ado bajiro yir_uc_umi Dios: ‘Y_u riojojacat_ua rujiya maji. M_ure ĩaterāre, “Rojose yit_ujaya” ĩnare y_u yiro bero, rojose yimasibetir_uarāma yuja. To cōrone rotis_uor_uc_uja m_u’ yir_uc_umi Dios, y_u _uj_ure”, yiucamasiñumi David.

37 To bajiri, “ ‘Rotim_uorūgōr_uc_umi’ yig_u, Dios ĩ cōaroc_u, David ñamasir’i jānami ñar_uc_umi” yiuca-
masire ti ñaboajaquēne, ¿no yig_u ĩ _uj_ure bajiro ba-
jig_utique? —ĩnare yiyuju Jesús.

To bajiro ï yigotisere ajivariquëñañujarã jãjarã masa.

“Rojose tãm̃or̃arãma Dios ï rotimasire gotimasiorimasa”, Jesús ï yire queti

(Mt 23.1-36; Lc 11.37-54; 20.45-47)

³⁸ Masare ado bajiro ïnare gotimasioñuju Jesús:

–Dios ï rotimasire gotimasiorimasare bajiro bajibeja m̃ama. Dios ï rotimasire gotimasiorimasa, sudiro yoaquënarïase sãñacõari, masa ïna ïaro rïjoro vacudi variquënarãma ïna. To yicõari, jãjarã masa ïna rëjarũgũrijaurire ejarũgũrãma. Gãji ïnare ï bocajama, r̃uc̃ub̃ose rãca ïnare ï sënisere ajivariquënarãma. Dios ocare ïna buerivirijure quëne ñamasuri cūmurorire rujivariquënarãma.

³⁹ Boserũm̃ari ti ñajaquëne, ïna barujijama, ñamasuri cūmurorire rujivariquënarãma ïna.

⁴⁰ Manaj̃ma rijaveoriarã ya virire ëmarã ñaboarine, masa ïna ïaro rïjoroj̃ma, “‘Quënarõ yirã ñaama’ yĩato” yirã, “Yoaro Diore sënirã yaja”, yisocarũgũboarãma ïna. To bajiro ïna yise vaja, gãjerã rojorã, rojose ïna tãm̃ose rëtoro rojose tãm̃or̃arãma ïna –masare ïnare yiyuju Jesús.

Manaj̃ma rijaveorio maiorõ bajigo ñaboarine, gãjoa so sãre queti

(Lc 21.1-4)

⁴¹ Diore yir̃uc̃ub̃oriavij̃ma ñacõari, gãjoa sãriaj̃ma riore rujiyuju Jesús. Rujicõari, jãjarã masa tijure gãjoa ïna sãñasere ïañuju. Gãjoa jairã, jairo sãñujarã.

⁴² To ïna yĩnarone, sīgõ, manaj̃ma rijaveorio ejacõari, gãjoatii j̃uatiine so sãsere ïañuju. Mojoroaca vaja cãtitiiri ñañuju ti.

43 TIRE so sãro ãacõari, ado bajiro ï buerimasare gotiyuju Jesús:

—Riojo m̄are gotiaja yu. Adio maioro bajigo, gãjerã rêtoro sãmo so.

44 Gãjoa jairã ãna sãboajaquẽne, jairo ruycõaroja ãnarema. Soma, so cuose ñaro cõroacane sãcõamo — ãnare yiyuju Jesús.

13

*“Diore yirũcũbũoriavi cagueroca ecorũaroja”,
Jesús ãyire queti*

(Mt 24.1-2; Lc 21.5-6)

¹ Diore yirũcũbũoriavijũ ñar'i, budiasuju Jesús ã buerimasa rãca. To ã ãmato bajirone, ado bajiro ãre gotiyuju ã buerimasũ:

—¡Gotimasierimasũ, ããña! Quẽnarivi ñaja. Gãta quẽnase rãca quẽnaro quẽnoñuma ãna —Jesúre ãre yiyuju.

² To ã yirone, ado bajiro ãre cãdiyuju Jesús:

—Jairivi ti ñaboajaquẽne, m̄ua ãarivi ñaro cõrone cagueroca ecorũaroja. To bajiri adi viaye gajea gãta joere gajea jesabeticõarũaroja —ãre yiyuju Jesús.

“Macarũcũro ti jediroto rũjoro ado bajiro bajirũaroja”, Jesús ãyire queti

(Mt 24.3-28; Lc 21.7-24; 17.22-24)

³⁻⁴ Tijũ bero, Olivo vãme cuti buro joejũ rujiyuju Jesús. Ti buro riojojũ ñañuju Diore yirũcũbũoriavi. To ã rujirone, gãjerã ãna mano ãacõari, ã buerimasa, Pedro, Santiago, Juan, to yicõari Andrés, ado bajiro ãre sãniãñujarã ãna:

—¿Divato cagueroca ecoroti Diore yirũcũbũoriavi? ¿No bajiro ti bajiro ãacõari, “Jesús

ejaguagu yigumi”, yimasirāti yua? ¿No bajiro ti bajiro ñacōari, “Adi macarucuro jediatio yaja”, yimasirāti yua? —Jesúre yisēniñañujarã ña.

⁵ To bajiro ña yisere ajicōari, ado bajiro ñare cadiyuju Jesús:

—Roori ñaruarãja mua, “Socarãne, gãjerã manire yitoroma” yirã.

⁶ Jãjarã yitorã ñaruarãma, “Yune ñaja ‘Rotimorugōrucumi’ yigu, Dios ñ cōagũ” yirã. To bajiro ña yisocasere jãjarã masa ñare ajisyaboaruarãma.

⁷ To bajicōari, mua tuana, to yicōari, gajeroana quēne, gãjerã rãca ña gãmerã siasere ajiruarãja mua. Tire ajicōari, güibetiruarãja mua. “Bajiruaroja” Dios ñ yiriarore bajirone bajiruaroja. To bajiro ña gãmerã yinaboajaquēne, adi macarucuro jediro me bajiruaroja.

⁸ Cojo sitana gaje sitana rãca gãmerã sjaruarãma. Buto sita saberuaroja. To yicōari, cojo maca me ñioñaruaroja. To bajiri, rojose tãmosuoruarãma masa. Ña tãmose rētohusaro rojose tãmoroana yirãma yuja.

⁹ Quēnaro tuoñama mua: Mũare ñejecōari, Dios ocare ña bueriviriju ujarã rjorojua mũare juaáruarãma ña. Toju mũare bajeruarãma. To yicōari, yu ocare mua gotimasiojare, macari ujarã rjorojua mũare juaáruarãma ña. To yi vanane, ujarã ñamasurã rjorojua mũare juaáruarãma ña. To bajiro mũare ña yijare, yu oca quēnasere ñare gotiruarãja mua.

¹⁰ Tire adi macarucuro ñarã masa ñaro cōrone gotimasiojeo ecoruaroja.

11 M̄are ñejecōari, ʋjarã r̄joroj̄ma m̄are ña juae-jaro, “¿No bajiro ñagōrãti ȳma?”, yit̄uōĩarejaibeja m̄ma. “Ñagōña” m̄are ña yirir̄marone, Dios ĩ cōagã Esp'iritu Santo ĩ ejarēmose rãca, “Ado bajiro gotir̄marãja ȳma”, yimasir̄marãja m̄ma –ñare yiyuju Jesús.

12 Quēna gajeye ado bajiro ñare gotir̄moñuju Jesús:

–Ȳ yere ajiterãre güiose ña yisere ĩar̄marãja m̄ma. Sīgũ r̄ia ñaboarine, “ñare s̄lato” yirã, ñejerotir̄marãma ña. To yicōari, jac̄ma quēne, “Ȳma r̄iare s̄lato” yirã, ña r̄iare ñejerotir̄marãma. ña r̄iaj̄ma quēne, ña jac̄mare ajij̄ñisinicōari, gãjerãre s̄larotir̄marãma ña.

13 Ȳ ocare m̄ma goticudijare, jediro masa m̄are ĩater̄marãma. To bajiro ña yiboajaquēne, no bojarã ȳre ajitir̄ñ̄ma t̄jamenarema, rojose t̄am̄ot̄jabetir̄iaroj̄ma ña varoti ñaboarere ñare yir̄etobosar̄c̄mi Dios –ñare yiyuju Jesús.

14 Quēna gajeye ado bajiro ñare gotir̄moñuju Jesús:

–Adi macar̄c̄ro jedirirodo, sīgũ, “Diore r̄uc̄b̄obeticōato ña” yiḡma, Dios ĩ bojabetire yir̄c̄mi. Diore yir̄c̄b̄oriavij̄ma ĩ ñasere masir̄marãja m̄ma. (Ȳ, Marcos, adi paperare Jesús ĩ gotisere ȳ ucasere ĩacōari, ajimasiña.) To bajiri Dios ĩ bojabetire ĩ yisere ĩacōari, “Jerusalén maca ti jedirotir̄m̄ma cōñaro bajiaja”, yimasir̄marãja m̄ma. To bajiro bajirir̄m̄ma Judea sitana ḡtayuc̄j̄ma guaro rudicoajaro ña.

15 Sīgũ ĩ ya vi joej̄ma jesagama, rujiacōari, ĩ ya vi jubeaj̄ma gajeyeũni ñasere juaát̄mabetir̄c̄mi.

16 Gãji, vesejɛ moañagũ, ĩ ye sudire juagu tudi-atĩmabetirɛcɛmi, rujarĩmarone yɛ ejaroti ñajare.

17 Rõmia macɛ sãñarã, ũjurã cɔorã quẽne, rojose tãmɔogɛarãma ĩna, ũmatĩmabetica yirã.

18 “Bũto oco quedirirãmɛre bajibeticõato” yirã, Diore sẽnícõa ñarũgũña.

19 To bajiro bajirirũmɛri bũto rojose tãmɔogɛarãma masa. Adi macarɛcɛro ñasɔoriarũmɛri masa rojose ĩna tãmɔoadire rẽtoro tãmɔogɛarãma ĩna. Rojose ĩna tãmɔoro bero, to bajise rojose tãmɔobetirɛarãma yuja.

20 “Yoaro mebusane rojose tãmɔoato masa” Dios ĩ yibetijama, sĩgũ catirɛyarocɛ manibogɛmi. “Yɛ yarã ñaña mɛa” ĩ yirere cɛdiriarãre ĩamaigũ ñari, “Yoaro mebusane rojose tãmɔoato ĩna”, yirɛcɛmi Dios.

21 To bajiro bajiñariorodire, “Ãnine ñaami ‘Rotimɔogɛgõrɛcɛmi’ yigɛ, Dios ĩ cõar’i. Ejayumi” gãjerã ĩna yijama, ĩnare ajibeja mɛa. To yicõari, gãjerãjuama, “Tone ñagũmi. Ejayuju” mɛare ĩna yijaquẽne, ĩnare ajibeja mɛa.

22 Jãjarã yitorã ñarɛarãma, “Yɛne ñaja ‘Rotimɔogɛgõrɛcɛmi’ yigɛ, Dios ĩ cõagũ” yirã, to yicõari, “Diore gotirẽtobosarimasa ñaja yɛa” yirã. To bajiro yirã, ĩañañamani yĩorɛarãma, masare yitorã. To bajiro yirɛarãma, “ ‘Yɛ yarã ñaña mɛa’ Dios ĩ yirere cɛdirã, manijɛare ajitirãnɛato” yirã.

23 Tire mɛare yɛ gotimasiosere quẽnaro tɔoĩaña mɛa. Ti bajiroto rĩjoro jediro mɛare gotijeobɛ yɛ.

“Dios ĩ roticõacacɛ tudiejarɛcɛja yɛ”, Jesús ĩ yire queti

(Mt 24.29-35, 42, 44; Lc 21.25-36)

24 Tire rojose ñna tãmoogajanoro berone, gaje vãme rojose bajirũaroja. Muiju ãmũagu asibetirũcumi yuja. Ñamiagu quẽne busubetirũcumi.

25 Ñocoa quẽne, vẽjacoarũarãma. To yicõari, õ vecaye jediro nũũarũaroja.

26 To bajiro ti bajiro, Dios ã roticõagũ õ vecaju yũ rujiadore ãarũarãma masa. Yũ masise rãca, oco bueri vatoaju yũ busubatorujiadire ãarũarãma.

27 To cõrone, “Yũ yarã ñaña” Dios ã yirere cãdiriarãre judoaga soje, jũnaga soje, varuaga soje, gajecatũa varuaga soje ñarã jedirore “Juarẽoato” yigu, ángel mesare cõarũcũja yũ. To yũ yijare, yũ yarã ñaro cõrone juarẽorũarãma ñna —ñare yiyuju Jesús.

28 To yicõari, quẽna gajeye ado bajiro ñnare gotirẽmoñuju Jesús:

—Gotimasiore queti mũare gotigu yaja yũ. Higuera vãme cãtirẽ tũõãña mũa. Higuera vãme cãtiricũ gajecu bũcũamũjacõari, jũ mameaja. Tire ãacõari, “Mojeroaca rũyaja cãma ti ejaroti”, yimasiaja mani, jud'io masa.

29 Mũare yũ gotisere bajiro bajisere ãacõari, “Mojeroaca rũyaja Jesús ã vadiroti”, yimasirũarãja mũa.

30 Riojo mũare gotiaja yũ. Adirodo ñarã mũa bajireajediroto rĩjoro, mũare yũ gotirore bajirone bajirũaroja ti.

31 Adi macarũcũro ñaro cõrone, to yicõari, õ vecaye quẽne jedicoarũaroja. To bajiboarine, yũ ocama jedibeti mũorũgõcõarũaroja.

32 “Ado cõrone ejarũcumi Jesús”, yimasigũ magũmi. Ángel mesa quẽne masimenama ñna.

Dios macu ñaboarine, “To cõro ejarucija yu”, yimasibeaja yu quẽne. Yu jacu sīgũne masigũmi —ĩnare yiyuju Jesús.

³³ —To bajiro bajiroti ti ñajare, roori ñaruarãja mua, “To cõrone tudiejarucami” yure yimasimena ñari.

³⁴ Quẽna yu tudiejaroti ado bajiro bajiruaroja: Sīgũ ñagũmi gaje sitaju varocu. Ī varoto rĩjoro, ĩre moabosarimasare jirẽogũmi. ĩnare jirẽocõari, tocãrãcũrene ricati ĩna moarotire ĩnare rotigũmi. To yicõari, soje coderimasare quẽne, “Yu tudiejarotire yugu tocãrãcarũmune quẽnaro bocaĩama”, yigũmi.

³⁵ ĩre bajiro bajirucija yu quẽne. To bajiro bajiroti ti ñajare, roori ñaruarãja mua, “To cõrone tudiejarucami mani uju” yure yimasimena ñari. Rãioriju, ñami gudareco, gãjabocu ñagõrijũ, busuriju yu vadirotire masibeaja mua.

³⁶ Roori ñaruarãja mua, “Mani cãniñarone tudiejaromi” yirã. Yure masimenare bajiro bajibeja.

³⁷ To bajise yu gotijama, mua rĩrene gotigu me yaja yu. Masa jedirore tuoĩacõari gotiaja yu. Roori ñaruarãja mua —ĩ buerimasare ĩnare yiyuju Jesús.

14

“¿No bajiro yigu ñaami yitocõari, Jesúre ĩre ñiarãti mani, ĩre sãruarã?”, ĩna yire queti

(Mt 26.1-5; Lc 22.1-2; Jn 11.45-53)

¹ Juarũmu ruayaju yuja Pascua boserũmu pan ũmato vauvase vuoyamanire basuoriarũmu. To bajicõari, paia ujarã, Dios ĩ rotimasire gotimasiorimasa quẽne, ado bajiro gãmerã ñagõñañujarã ĩna:

—Jesúre s̄iaruarã, ¿no bajiro yigũ ñaami yitocõari, Jesúre ñiarãti mani? —gãmerã yĩñagõñañujarã ñna.

² —To bajiboarine, boserũmu ñaro ñre mani s̄ajama, tire ñajũnisinicõari, manire rojose yiborãma masa —gãmerã yĩñagõñañujarã ñna.

*Jesús r̄ujoare s̄atiquẽnase rõmio so yuejeore queti
(Mt 26.6-13; Jn 12.1-8)*

³ Betania vãme cuti macajũ cãmi boagũ ñaboar'i, Simón vãme cutigũ ya vijũ ñañuju Jesús. Ti vijũ Jesús ñ barujirone, s̄igõ, gũta sotũ alabastro vãme cuti rãca veariarũ ãmiejayuju so. S̄atiquẽnase buto vaja cutise, nardo vãme cutise sãñaritũ ñañuju tirũ, so ãmiritũ. To bajiri, Jesús tuaca eja, tirũ ãmũare v̄ejecõari ñ r̄ujoa joere ñre yuejeoyuju so.

⁴ To bajiro so yisere ñacõari, jũnisiniñujarã s̄igũri Jesús buerimasa. To bajiro yirãne, ado bajiro gãmerã yiyujarã ñna:

—¡Jairo gãjoa yireago yamo!

⁵ Tire ñsicõari, jairo gãjoa trescientos denarios r̄etoro bujacõari, maioro bajirãre ejarẽmoroti ñaboaja ti —gãmerã yiyujarã ñna.^k

To bajiro yicõari, sore tud'yiyujarã ñna.

⁶ To bajiro ñna yiboajaquẽne, Jesúsũama, ado bajiro ñnare yiyuju:

—Sore gõjanabiobesa mũa. Tire yũre so yuejeojama, quẽnaro yũre yigo yamo.

⁷ Maioro bajirã mũa rãca ñacõa ñarũgũruarãma. No mũa bojarirũmu quẽnaro ñnare ejarẽmomasiruarãja mũa. Yũma, mũa rãca ñacõa ñabetirũcujã.

^k 14:5 Cojorũmu moare vaja, cojo denario vaja cutiyuju.

⁸ Adio, quēnaro so yimasiro cōro yure yamo. Yure satiquēnase so yuejeojama, yure ña yujeroto rījoro yuejeo rījoro catigo yamo.

⁹ Riojo m̄are gotiaja ȳ. Ȳ bajiroti quēnase quetire, adi macar̄c̄uroana jedirore gotibator̄ar̄ama masa. To bajirone bajir̄aroja satiquēnase yure so yuejeose queti quēne. So yuejeosere masiritime-nane tire gotibator̄ar̄ama —ñare yigotiyuju Jesús.

“Jesúre ñiatio” yiḡ, ñre ñaterã tuj̄ Judas ñ goticudiḡ vare queti

(Mt 26.14-16; Lc 22.3-6)

¹⁰ Judas Iscariote v̄ame catiḡ r̄aca ñarã ñajediro Jesús buerimasa j̄aãmo cōro, ḡubo j̄a j̄enituarir̄ac̄ ñañujarã. To bajiboaḡ, paia ñjarã ña ñarõjre vasuju, Jesúre ñare ñsirocar̄.

¹¹ Jesúre ñsirocar̄asere ajivariquēnacõari,

—Gãjoa m̄re ñsiar̄aja ȳa —ñre yiyujarã ña, paia ñjarã.

To ña yisere ajivariquēnacõari, tudicoasuju Judas. Jesús tuj̄re ejacõari, “¿Dirĩmaro ñnone Jesúre ñare ȳ ñsijama, josari mene ñre ñiamasirojari ña?”, yit̄oñañuju ñ.

Jesús ñ bat̄sare queti

(Mt 26.17-29; Lc 22.7-23; Jn 13.21-30; 1 Co 11.23-26)

¹² Pascua boser̄m̄ pan ñmato vauvase v̄oyamani bas̄oriar̄m̄, to yicõari oveja mac̄re ña s̄riar̄m̄ ejayuju ti. To bajiri Jesús buerimasa ado bajiro ñre s̄niñañujarã ña:

—Pascua boser̄m̄ ñajare, mani barotire, ¿noj̄ bare ȳa quēnoyusere bojati m̄? —ñre yis̄niñañujarã.

13-14 To ñna yijare, ado bajiro ñnare yicõañuju Jesús:

—Jerusalénja mñare yu gotigu tñre vasa mña. To mña ejarone, sīgũ, oco vagu mñare bocarucumi. Ñre suyaja mña. To bajicõari, vi ñ sãjarone, ti vi ñjũre ado bajiro ñre yiba: “Gotimasiorimasu, ‘¿noju ñati Pascua boserũmu adi ñami yu buerimasare yu ñmato barotijau?’ mñre yicõami”, yiba mña.

15 To mña yirone, mñare ñorucumi, vecaga sõa, jairisõa, mame quẽnogajanoriasõare. Tone mani barotire quẽnoyuba mña —ñnare yiyuju Jesús, ñnare varotigu.

16 To ñ yijare, vacoasujarã ñna juarã yuja. To eja, ñ yiriarore bajirone bajiyuju ti. To bajiri tisõajũ ñna barotire quẽnoyuyujarã ñna.

17 To bajiri Pascua boserũmñaye bare bariaju ti ejaro, ñ buerimasa juããmo cõro, gubo juã jẽnituarirãcu ñarã ejacõari, barujiyujarã ñna, ñ rãca.

18 Ñna bañarone, ado bajiro ñnare yiyuju Jesús:

—Riojo mñare gotiaja yu. Sīgũ mña rãcagu, yu rãca bagu, yũre ñaterãre yũre ñsirocarucumi —ñnare yiyuju Jesús.

19 To ñ yisere ajicõari, bũto sutiritiyujarã ñna. Tocãrãcũne sutiritirã ñnari, ado bajiro ñre sẽnĩañujarã ñna:

—¿Yũne ñabetiboati, mñre ñsirocarocu? —Ñre yisẽnĩañujarã ñna.

20 To bajiro ñna yisere ajicõari, ado bajiro ñnare cãdiyuju Jesús:

—Mña rãcagu sīgũ, yu rãca yosebagu ñaami yũre ñsirocarocu.

21 Dios oca masa ñna ucamasire ti gotirore bajiro rojose tãmũorũcũja yu, Dios ñ roticõacacu.

To bajirocɔ yɛ ñajare, yɛre ãaterãre yɛre ãsirocarɔcɔmi. Yɛre ã ãsirocaroti sɔorine rojose tãmɔorɔcɔja yɛ. “Masare yirẽtobosarɔcɔmi” Dios ã yimasire ñajare, bajirɔcɔja yɛ. To bajiboarine, yɛre ãsirocarocɔjɛama, rojose tãmɔorɔcɔmi. Ruyuabeticɔarocɔ ñaboayumi –ñare yiyuju Jesús.

²² Ñna bañarone, pan ãmicɔari, “Quẽnaja”, Diore yiyuju Jesús. To yigajano, tire matocɔari, ã buerimasare ñare ãsibatogɛne ado bajiro ñare yiyuju ã:

–Bayu mɛa. Ti ñaja yɛ ruju rii –ñare yiyuju.

²³ Tire ñna bagajanorone, idiriabaja ãmicɔari, “Quẽnaro yaja mɛ”, Diore yiyuju quẽna. To yicɔari, tibajare ñare ãsiñuju. Ñna jediro idijedicɔañujarã ñna.

²⁴ Ñsigãne, ado bajiro ñare gotiyuju Jesús:

–Adi ñaja tirãmɛana “Rojose mani yirere masirioato” yirã, Diore rãcɔbɔoriaju joere ñna yuejeoriarore bajiro bajise. Yucɛrema, yɛ ri’i ñaja. Ti sɔorine, “Gajerodo to bajiro mɛare yirɔcɔja yɛ” Dios ã yicũmasiriarore bajiro bajirɔarɔja yuja. To bajicɔari, jãjarã masa rojose ñna yisere masiriocɔari, tuditɔoĩabetirɔcɔmi Dios yuja.¹

²⁵ Riojo mɛare gotiaja yɛ. “Rotimɔorãgɔrɔcɔmi” yigu, Dios yɛre ã cũroto rĩjoro, quẽna juaji ɛye oco idibetirɔcɔja yɛ –ñare yiyuju Jesús.

“Jesúre masibeaja yɛ yirɔcɔja mɛ”, Pedrore Jesús ãyire queti
(Mt 26.30-35; Lc 22.31-34; Jn 13.36-38)

¹ 14:24 “Rojose mani yirere masirioato” yirã, Diore rãcɔbɔoriaju joere judío masa ñna yuejeomasirere gotiaja.

26 To ĩ yiro bero, Diore r̄uc̄ub̄or̄ã, basayujarã ĩna. Basagajano, Olivo v̄ame c̄uti buroj̄u vacoasujarã ĩna yuja.

27 To ĩna vatone, ado bajiro ĩnare yiyuju Jesús:

—Adi ñamine ȳure ajitir̄ãn̄u t̄ujac̄õari, vaveor̄ar̄ãja m̄ua jediro. Dios oca masa ĩna ucamasire to bajiro ti gotijare, to bajise m̄uare gotiaja ȳu. Ado bajiro gotiaja ti: “Oveja coderimas̄ure bajiro bajigure s̄iar̄uc̄aja ȳu. To bajiri ĩ yarã ovejare bajiro bajirã rudibatecoar̄ar̄ãma”, yigotiaja Dios oca masa ĩna ucamasire, manire gotiro.

28 Ȳure m̄ua vaveoboajaquẽne, ȳure ĩna s̄iaro bero, quẽna tudicatic̄õari, Galilea sitaj̄u m̄ua vato bero, ȳuj̄ua, m̄ua r̄ĳoro ñat̄ujar̄uc̄aja —ĩnare yiyuju Jesús.

29 To ĩ yisere ajic̄õari, ado bajiro ĩre yiyuju Pedro:

—Ãnoa jediro, m̄ure ĩna vaveoboajaquẽne, m̄ure vaveobetir̄uc̄aja ȳuma —Jesúre ĩre yiyuju.

30 To ĩ yisere ajic̄õari, ado bajiro ĩre c̄adiyuju Jesús:

—Riojo m̄ure gotiaja ȳu. Adi ñami busiȳuj̄ua ḡãjaboc̄u j̄uaji ĩ ñaḡõroto r̄ĳoro, idiaji, “Jesúre masibeaja; ĩ r̄ãcaḡu me ñaja ȳu”, yisocar̄uc̄aja m̄u —Pedrore ĩre yiyuju ĩ.

31 To bajiro ĩ yisere ajic̄õari, ado bajiro c̄adiyuju Pedro:

—M̄u r̄ãca ȳure ĩna s̄iar̄uajaquẽne, “Jesúr̄ãcaḡu me ñaja ȳu”, yisocabetir̄uc̄aja ȳu —Jesúre yiyuju Pedro.

To bajiro Pedro ĩ yisere ajic̄õari, ḡãjerã Jesús buerimasa quẽne, to bajiro yijedic̄õañujarã ĩna.

Getseman'i vāme cutojū Jesús ĩ jacure ĩ sēnigū vare queti

(Mt 26.36-46; Lc 22.39-46)

³² To ĩna yiro bero, Getseman'i vāme cutojū ĩnare ũmato vasuju Jesús. Tojū ejacōari, ado bajiro ĩnare gotiyuju:

—Diore sēniguacu yaja yū. To yū vatoye, ado rujicōaña mūa maji —ĩnare yiyuju ĩ.

³³ To yigajanogūne, Pedrore, Santiagore, to yicōari Juanre quēne ji vasuju Jesús. To vacū, buto tūoĭasūtiritiyuju ĩ yuja.

³⁴ To bajiro bajigū ñari, ado bajiro yiyuju Jesús ĩ rāca variarāre:

—Buto tūoĭasūtiritiaja yū. Sūtiriosene yure sĭaro yaja. Adone yure yuñaña maji. Yū cānibetore bajirone cānibēja mūa quēne, Diore sēniñarā —ĩnare yiyuju Jesús.

³⁵ To yicōari, to sojubūsa varēmoñuju Jesús. Va, sita tūcurojū murocacūcōari, Diore sēniñuju ĩ, “Yure ĩna sĭarotire yure matabosato ĩ” yigū.

³⁶ Ado bajiro Diore sēniñuju ĩ:

—Cacu, ñajediro yimasigū ñaja mū. Yure ĩna sĭaroti matamasajaja mū. To bajiboarine, mū bojarore bajirone bajiato —Diore yiyuju.

³⁷ To yigajano, Pedro mesa ĩna cānitoyene ĩna tūjū ejayuju. ĩnare yujiogūne, ado bajise Pedrore ĩre yiyuju Jesús:

—¿Simón, cāniati mū? ¿No yirā cojo hora cōro cānibetibūsarāne, yure yuñabetimasucōati mūa?

³⁸ Yū cānibetore bajirone cānibesa mūa quēne. To bajicōari, Diore sēniña, “Vātia ũjū Satanás ĩ yirotere yicōari, Dios ĩ bojabetire yirobe” yirā. Riojo mūare masajaja yū. “Dios ĩ bojasere yirūcūja” yirā

ñaboarine, cojojirema rojose tɔoĩarã ñari, Dios ï bojabetijũare yirũgũaja mɛa —Pedro mesare ïnare yiyuju Jesús.

³⁹ To yicõari, gãme vacɛ, Diore ï sɛniriarore bajirone tudisɛniñuju ï quẽna.

⁴⁰ To yigajano, vacɛne, cãniariarãre ïnare ejayuju quẽna. Bɛto vɛjajearã ñari, cãniñujarã ïna. To bajiri rĩjoro ïnare ï yiriarore bajiro ïnare ï sɛniĩaro, ïre cɛdimasibesujarã ïna.

⁴¹ To bajiro ïnare yigajanocõari, Diore sɛnigũ vasuju Jesús quẽna. Diore sɛnigũ var'i, tudiejacõari, ïnare yujiyuju:

—¿No yirã cãni manicõati mɛa maji? Ado cõrone, Dios ï roticõacacɛre, rojose yirãre yũre ïsirocarocɛ vadicoagɛmi yuja.

⁴² To bajiri yujiya mɛa. ïre bocarã vajaro. Yũre ïsirocarocɛ vadiami yuja —ïnare yiyuju Jesús.

Jesúre ïna ñiare queti

(Mt 26.47-56; Lc 22.47-53; Jn 18.2-11)

⁴³ To bajiro Jesús ïnare ï yĩnarirĩmarone, Judas Iscariote vãme cɛtigɛ, Jesús buerimasa rãcagɛne vayuju yuja. Jãjarã ï rãca vayujarã jariaseri cɛorã, gãjerã yucãjuriri cɛorã. Paia ɛjarã, Dios ï rotimasire gotimasiorimasa, to yicõari bɛcɛrã quẽne ïna cõariarã ñañujarã ïna.

⁴⁴ Jẽre ado bajiro goti vayuju Judas, ï rãca vanare, “ ïne ñaami Jesús' yĩamasiato ïna” yigɛ:

—Jesúre sɛnicõari, ïre usurɛcɛja yɛ. To yɛ yirone, ïre ñiacõari, quẽnaro ïre ïatirũnɛ vaja mɛa —ïnare yi vayuju.

⁴⁵ To bajiro yir'i ñari, Jesús rĩjorojɛa ejacõari, ado bajiro ïre yiyuju Judas:

—Gotimasierimasu, ¿ñati mu? —İre yigune, usuyuju İ.

⁴⁶ To İ yirone, Jesúre İre ñiañujarã Judas rãca vadiriarã.

⁴⁷ To İna yirone, sİgũ Jesús tu rãgõgũ, İ jariase yoveaãmicõari, paia uju ñamasugũre moabosarimasure gãmoru jatarocacõañuju.

⁴⁸ To İ yiro bero, İre ñiarã ejarãre ado bajiro yiyuju Jesús:

—¿No yirã gajeyeũni juarudirimasure ñiarã vanare bajiro jariaseri rãca, yucájuriri rãca yure ñiarã vadiati mu? Tocãrãcarũmune Diore yirũcũbũoriaviju mu ñaro mure gotimasio rujirũgũmu yu. To yu bajiboajaquẽne, yure ñiabetirũgũmu mu maji.

⁴⁹ Diore gotirẽtobosarimasa, ado bajiro yure mu yiyotirene ucamasiñuma. To bajiri, to bajirone yure yaja mu —İnare yiyuju Jesús, İre ñiarã ejarãre.

⁵⁰ Jesúre İna ñiasere İacõari, ũmarudijedicoasujarã İna, İ buerimasa jediro.

⁵¹ To İna bajiboajaquẽne, gãji mamu, Jesúre İna ãmivatone, İnare suyasuju İ. Sudijãirine gãmañuju. To İ bajirone, İre ñiaboayujarã İna, Jesúre ãmivana.

⁵² İre ñiaca yirã, İ gãmaritore tãaveacõañujarã. To İna yigu, sudi magũne ũmacoasuju.

Jud'io masa ujarã, “Mu masu ye sũorine sãacorũcũja mu”, Jesúre İna yire queti

(Mt 26.57-68; Lc 22.54-55, 63-71; Jn 18.12-14, 19-24)

⁵³ Jesúre ñiacõari, paia uju ñamasugũ tuju İre ãmiasujarã. Toju rẽjacõari, ñañujarã paia ujarã, Dios

ĩ rotimasire gotimasiorimasa, to yicõari bucuã quẽne.

⁵⁴ Jesúre ãna ãmivato, sõju yayiãsayayuju Pedro. Ìnare yayiãsayacõari, paia uju ñamasugũ ya vi matariasãniro rẽtosãjacoasuju. Sãjacõari, Diore yirũcũbũoriavi coderimasa rãca rujiyuju ã, jea sũmañagũ.

⁵⁵ Paia ujarã, to yicõari gãjerã ujarã, ãna jediro Jesúre sãruayujarã. To bajiro yirã ñari, “Rojose masu yigũ ñaami Jesús” yisocaronare macañujarã.

⁵⁶ Jãjarã masa socarãne ãna gotiboajaquẽne, ricati rĩne ãna yise ñajare, “To bajiro ã yire ñajare, ãre sãaroti ñaja”, yimasibesujarã ãna maji.

⁵⁷⁻⁵⁸ To bajiboarine, sãgũri vãmũrũgũcõari, ado bajiro yisocayujarã ãna:

— ãni Jesús vãme cãtigũ ã ñagõmasisere ajibu yua. Ado bajiro yimasimi: “Diore yirũcũbũoriavire caguerocacõari, idiarũmũ tãsatirũmũne quẽna gaje vi masa ãna quẽnorivi mere quẽna tudibũajeocõarũcũja”, yimasimi ã —yisocayujarã ãna.

⁵⁹ To bajiro yisocarã ñaboarine, tocãrãcũ ricati rĩne gotiboayujarã ãna. To bajiro ãna yise ñajare, “Ì ye sũorine rojose tãmũorũcũmi”, Jesúre yimasibesujarã ãna maji.

⁶⁰ To bajiro ãna yisocaboajaquẽne, paia uju ñamasugũ, vãmũrũgũcõari, ado bajiro Jesúre yiyuju:

—To bajiro mũre ãna yi ocasãsere ¿no bajiro yati mũ? ¿Cũdibeati mũ? —Jesúre ãre yiboayuju.

⁶¹ To ã yiboajaquẽne, cojo vãme cãdibeticõañuju. Ì cãdibetire ãcõari, ado bajiro Jesúre sãniãañuju paia uju ñamasugũ quẽna:

—¿“Rotimæorũgõrũcũmi” yigũ, Dios ï cõar'ine, Dios macũne ñati mũ? —Jesúre yisẽniñañuju paia mũ ñamasugũ.

62 To bajiro ï yisere ajicõari, ado bajiro ïre cãdiyuju Jesús:

—Ïne ñaja yũ. To bajiri, Dios ï roticõacacũ ñari, ï riojojacatũa rujicõari, masare besegũagũ, oco bueri vatoajũ yũ rujiadire ñarũarãja mũa —paia mũ ñamasugũre yiyuju Jesús.

63 To ï yirone, “Jesús ï yisere ajiteaja” yigũ, ï sudire tãavoyuju paia mũ ñamasugũ. To yigũne, ado bajiro ï rãcanare yiyuju ï:

—¡“Diore bajiro bajigũ ñaja yũ” yigũ yami! No yirã gãjerã, “Rojose yigũ ñaami” yironare macarẽmomenaja mani yuja.

64 Mũa quẽne Diore rãcũbũobecũ ï yisere ajiaja mũa. To bajiro ï yise ajicõari, ¿no bajiro ïre yiroti ñati? —Ï rãcanare yiyuju paia mũ ñamasugũ.

To bajiro ï yisere ajicõari, ado bajiro ïre cãdiyujarã:

—Rojose masu yicõami. Ïre sãacõaroti ñaja —yicãdiyujarã ña.

65 To yicõari, sãgãri, Jesúre gooco eoreatuyujarã ña. To yicõari, ï cajere siabibecõari, ïre jayujarã. To yicõari,

—“ Ï, mũre jaami' yũre yigotiami Dios”, yũare yiya mũ —ïre yiajatud'iyujarã ña.

Diore yirũcũbũoriavi coderimasa quẽne, ïre jayujarã ña.

*“Jesúre masibeaja yũ”, Pedro ï yire queti
(Mt 26.69-75; Lc 22.56-62; Jn 18.15-18, 25-29)*

66 Vi jubeaju Jesúre rojose ñna yíñarone, macajúña ñacõañuju Pedro. To ñ ñarone, sîgõ, paia ujú ñamasugûre moabosarimaso, ejayuju so.

67 Pedro ñ jea sũmañaro ñre ñacõari, ado bajiro ñre yiyuju so:

—Jesús, Nazaret macagũ rãca vacudir'i ñagũja mũ quẽne —ñre yiyuju so.

68 To bajiro so yisere ajicõari, ado bajiro yiyuju Pedro:

—“Riojo yaja mũ”, mũre yimasibeaja yũ. Mũre ajimasibeaja —sore yiyuju Pedro. To bajiro yicõari, matariasãniro sãjariasoje tũ vasuju Pedro.

69 To ñ ñasere ñacõari, quẽna soje tũ ñarãre ado bajiro gotiyuju so, moabosarimaso:

—Ñni, Jesúrãca vacudir'i ñaami —yiyuju, ñnare gotigo.

70 To bajiro ñnare so yisere ajicõari, quẽna, —ñre masibeaja yũ —yiyuju Pedro.

To so yiro bero, to ñarã ado bajiro Pedrore yiyujarã ñna:

—Riojo yaja. Jesúrãca vacudirũgũgũne ñaja mũ quẽne. Mũ quẽne Galilea sitagũ ñaja mũ —Pedrore yiyujarã ñna.

71 To bajiro ñna yisere ajicõari, ado bajiro cãdiyuju Pedro:

—ñre masibeaja yũ. Socũ me yaja yũ. Socabeti-masucõaja. Dios, yũre ajigũmi —ñnare yicãdiyuju Pedro.

72 To bajiro ñ yigajanorirĩmarone, gãjabocũ jũaji ñagõcõañuju yuja. ñ ñagõsere ajicõari, Jesús ado bajiro ñre ñ gotirere masibũjayuju Pedro yuja:

“Gãjabocu jũaji ĩ ñagõroto rĩjoro idiaji, ‘Jesúre masibeaja yũ’ yirũcũja mũ” ĩre ĩ yirere masibũjayuju. Tire masibũjacõari, bũto otiyuju.

15

Pilato tũju Jesúre ĩna ãmiejare queti

(Mt 27.1-2, 11-14; Lc 23.1-5; Jn 18.28-38)

¹ Busurocacũse rãca bũcũrã, paia ujarã, to yicõari Dios ĩ rotimasire gotimasiorimasa quẽne, ujarã ñajediro tudirẽjañujarã ĩna. To bajicõari, Jesús ãmorire siacõari, ĩre ãmiasujarã ĩna, Pilato vãme cutigũ ya vijũ vana. To bajiri ĩ ya vijũ Jesúre ãmiejayujarã ĩna.

² Jesúre ĩna ãmiejarone, ado bajiro ĩre sẽnĩñañuju Pilato:

—¿Mũne ñati jud'io masa uju? —ĩre yiyuju Pilato.

To bajiro ĩ yisere ajicõari, ado bajiro ĩre cũdiyuju Jesús:

—Mũ yirore bajirone bajiaja yũ —ĩre yiyuju Jesús.

³ To ĩ yirone, paia ujarã,

—Cojo vãme me rojose yigũ ñaami. Ado bajise rojose yimi —Pilatore yi ocasãñujarã paia ujarã.

⁴ To bajiro Jesúre ĩna yi ocasãsere ajicõari, ado bajiro Jesúre sẽnĩñañuju Pilato:

—¿No yigũ cũdibeatĩ mũ? ¿Cojo vãme me, rojose mũre ĩna yisere ajibeatĩ mũ? —Jesúre yiyuju Pilato.

⁵ To bajiro ĩre ĩ yisẽnĩñaboajaquẽne, ĩre cũdibeticõañuju Jesús. ĩ cũdibetire ĩacõari, no yimasibesuju Pilato, ĩre bajiro bajigũre ĩabetirũgũr'i ñari.

“Jesúre sĩaroti ñaja”, ĩna yire queti

(Mt 27.15-31; Lc 23.13-25; Jn 18.38-19.16)

6 Tocārāca cūma Pascua boserūm̄ jud'io masa ñna quēnojama, sīgũ tubibe ecor'ire ñna burotigure ñnare bubosarũgũñuju Pilato.

7 Tubiberiavijũ ñarā, “Gobierno ñ rotiboasere c̄adibeticōari, mani masu rotirāsa” yirā rācagũ ñañuju Barrabás vāme c̄atigũ. Ñ babarā rāca rojose yicōari, masare s̄iañuju ñ. To bajiro ñ yire vaja tubiberiavijũ ñañuju ñ.

8 To bajiri jājarā masa Pilato t̄ajũ ejacōari, ado bajiro ñre sēniñujarā ñna:

—Yũare m̄ yibosarũgũcatore bajiro yiya quēna — ñre yisēniñujarā ñna.

9 To bajiro ñna yisere ajicōari, ado bajiro ñnare sēniñañuju Pilato:

—¿Ñimũjũare yũ busere bojati m̄a? ¿Jud'io masa ɱjũre yũ busere bojati que m̄a? —ñnare yisēniñañuju Pilato.

10 “Jesúre ñajũnisinirā ñari, yũ tũ āmiejama” yit̄oñagũ ñari, ñre burũ, to bajiro yiyuju.

11 To bajiro ñ yiboajaquēne, masare to rējarāre r̄ijorojũne ñnare ocas̄cōañujarā paia ɱjarā, “Barrabájũare burotito mani” yirā.

12 To bajiri Barrabáre ñna burotijare, quēna ñnare tudisēniñañuju Pilato:

—To yijama, ¿no bajiro yiḡati yũ, Jesúre, “Jud'io masa ɱjũ ñaami” m̄a yiḡjũarema? —ñnare yisēniñañuju.

13 To ñ yirone, ado bajiro ñre avas̄c̄adiyujarā:

—Yuc̄t̄eroju ñre jajus̄aroticōaña m̄ —ñre yiyujarā ñna, Pilatore.

14 To ñna yijare, ado bajiro ñnare sēniñañuju Pilato:

—¿Ñie rojose ï yire sũori ïre sïarotigũti yũ? —Ïnare yiyuju Pilato.

To ï yiboajaquẽne, quẽna butobusa tudiasasãñujarã ïna:

—Yucátẽrojũ ïre jajusïaroticõaña —yivasasãñujarã ïna.

¹⁵ To bajiro ïna yijare, masa to rẽjarã ïna bojarore bajiro yirũagu ñari, Barrabáre bucõañuju Pilato. Jesújũarema, ï surarare ïsiñuju, “Ïre bajecõari, yucátẽrojũ jajusïato ïna” yigũ.

¹⁶ To bajiri ïna ya vijũ, Jesúre ãmiejayujarã surara mesa. Ïre ãmiejacõari, ïna jediro ïre gãnibiarũgũñujarã.

¹⁷ To yicõari, “Ujũre bajigu ñato” yirã, ujarã ïna sãñarito ùnore, sũarivũjorore Jesúre sãñujarã. To yicõari, ï rũjoa joere jotabedo ïna suariabedone ïre jeoyujarã.

¹⁸ To bajiro ïre yicõari, ado bajiro ïre yiajatud'iyujarã:

—Jud'io masa ujũre mũre quẽnarotiaja yũa yuja —Jesúre yiyujarã ïna.

¹⁹ To yicõari, yucú rãca ï rũjoare jayujarã. Ïre jacõari, gooco ïre eoreatuyujarã ïna. To yicõari, “Mũre rũcũbũoaja” yiajatud'irã, ï rĩjorojũa gũsomuniari tuetuyujarã.

²⁰ To bajiro ïre yigajanocõari, ujarã ïna sãñarito ùnore ïna sãriarore ïre veayujarã ïna quẽna. To yicõari, ï sudijũa ïre sãñujarã quẽna. Ïre sudi sãgajanocõari, yucátẽrojũ ïre jajusïaroana, ïre ãmiasujarã.

*Yucátẽrojũ Jesúre ïna jajusïare queti
(Mt 27.32-44; Lc 23.26-43; Jn 19.17-27)*

21 Ìre ãmivanane, sĭgũ Cirene vãme cãti sitagu, Simón vãme cãtigũre, Alejandro, to yicõari, Rufo, Ìna jacũre bocayujarã. Ìre bocacõari, –Jesús ĩ gaja vatijãire Ìre gajabosaya –Ìre yi vasujarã Ìna.

22 To yi vanane, Gólgota vãme cãti buroju ejayujarã Ìna. “Rujoco Buro” yire ũni ñañuju “Gólgota” yire.

23 Toju ejacõari, uye ocore, mirra vãme cãtise rãca vuocõari, Jesũre Ìre ioyujarã Ìna. “Ìre jũnise jũni ruyubeticõato” yirã, yiboayujarã. Idibesuju Jesũjũama.

24 To yicõari, yucãtẽroju Jesũre jajutuyujarã Ìna. To yicõari, Jesús ye sudire bojarã, ado bajiro yiyujarã:

–Ñimũjũa ãni sudi ĩ ujaro Ìñarãsa mani –yiajeyujarã, gũtarine reacũñañarãne. To bajiro yiajecõari, ĩ ye sudi gãmerã Ìsibatoyujarã Ìna.

25 Muiju asitutuatiujũ Ìre jajutuyujarã Ìna.

26 Jesús ĩ tuyaritẽrojũre ĩ rũjoa vecare ucaturiaju tuyayuju. “Ado bajiro ĩ yise sũorine jaju ecoamĩ”, yĩorijũ ñañuju. Ado bajise gotiyuju: “Ãni ñaami jud'io masa uju”, yigotiyuju ti.

27 Jesũrãca juarã, jaju ecoyujarã Ìna. Gajeyeũni juarudirimasa ñañujarã. Sĭgũre Jesús riojoacatuare, gãjirema ĩ gãcojacatuajũare jajutuyujarã.

28 To bajiro Jesũre yiyujarã, Dios oca masa Ìna ucamasire, “ ‘Rojorã rãcagu ñaami’ Ìre yĩarũarãma masa”, Jesũre yimasire ñajare.

29-30 Masa rẽtoana, Ìna rũjoari yure, yure yiyujarã, “Jaju ecor'ire Ìre Ìateaja” yirã. To yicõari, Ìre ajatud'iyujarã Ìna:

—“Diore yirũcũbũoriavire caguerocamasiaja yũ. To yicõari, idiarũmũ tũsatirũmũne bũajeocõamasiaja”, yiboacajũ mũ. Socũ me mũ yijama, mũ yimasise rãca mũ masune yucútẽrojũre rujicoaya —Jesúre ãre yiajatud'iyujarã ãna.

³¹ Paia ɱjarã, Dios ã rotimasire gotimasiorimasa quẽne, to bajirone Jesúre yiajatud'i ñaũujarã ãna. Ado bajiro yiyujarã:

—Gãjerãrema catiogũ ñaboarine, ã masu rojose ã tãmũoserema yirẽtomasibeami —yiajatud'i ñaũujarã ãna.

³² —“Rotimũorũgõrũcũmi” yigũ, Dios ã cõagũ, Israel ñamasir'i jãnerabatia mani ɱjũ ñaami. To bajiri yucútẽrojũre rujicoadiato. To bajiro ã bajiro ãcõari, “ãne ñaami”, yimasirũarãja —yiajatud'iyujarã. Jũarã Jesúrãca yucútẽrojũ jaju ecoriarã quẽne, to bajirone Jesúre yitud'iyujarã ãna.

Jesús ã sũtadire queti

(Mt 27.45-56; Lc 23.44-49; Jn 19.28-30; He 9.1-28)

³³ Ɔmũrecaji ñarone, rẽtiacoasuju yuja. Idia hora rẽtiañaũuju.

³⁴ To cõro ti rẽtiatũsatone, jud'io masa ye rãca ado bajiro tutuaro avasãũuju Jesús:

—Eloi, Eloi, ¿lema sabactani? —yivasãũuju. (“Dios, yũ jacũ, ¿no yigũ yũre cãmotadiati mũ?” yire ũni ñaũuju ti.)

³⁵ Sĩgũri tojũ ñarã, to bajiro ã yivasãsere ajicõari, ado bajiro yiyujarã ãna:

—¡Ajiya mũa! Diore gotirẽtobosarimasũ El'ias ñamasir'ire jigũ yami —yiyujarã ãna.

36 To bajiro Jesús ĩ yivasãrone, sĭgũ, Jesús tu ũmaejacõari, uye oco jiarere ñiabiacõari, yucá gajaju siatucõari, Jesús rise tãjũre ñumotuyuju. To yigũne, ado bajiro ĩ rãcanare yiyuju ĩ:

—Ñagõbesa mua maji. El'ias ñamasir'i ãnire ĩ rujiosere ĩato mani —yiyuju ĩ.

37 Tutuaro avasãtusa, usutadicoasuju yuja.

38 Tirĩmarone, Diore yirũcũbũoriavi yotoria gasero vorujijedicoasuju ti. “ ‘Dios ĩ ñarisõa’ vãme cuti sõare sãjamasibeamã masa” yirã, ĩna yotoria gasero ñañuju.

39 Jesús ĩ usutadiro, ĩ rĩjorojua ĩarũgõñuju surara uju. To bajiri Jesús ĩ usutadisere ĩacõari, ado bajiro yiyuju ĩ:

—Socabesumi. Dios macũne ñaboayumi ãni —yiyuju ĩ.

40-41 Galilea sitaju Jesũre sũyavadiriarã rõmiri quẽne sõju ĩarũgõñujarã. ĩna ñañujarã ĩejarẽmoriarã. ĩna rãca ñañuju Mar'ia Magdalena. Gajeo Mar'ia vãme cutigo quẽne ñañuju. Sone ñañuju Santiago Mojogũ ĩna yigu, to yicõari, José vãme cutigu jaco. Gajeo, Salomé vãme cutigo quẽne ñañuju. Gãjerã jãjarã ñañujarã Jesũre sũyavadiriarã rõmiri, Jerusalénju ĩ rijarere ĩariarã.

Jesũre ĩna yujere queti

(Mt 27.57-61; Lc 23.50-56; Jn 19.38-42)

42-43 Arimatea macagu, José vãme cutigu quẽne, ñañuju. Jud'io masa ujarã rãcagu, masa ĩna ĩarũcũbũogũ, “ ‘Rotimũorũgõrucũmi’ yigu, Dios ĩ cõar'i ñaami”, Jesũre yitũoĩagũ ñañuju. Tirũmũjũama jud'io masa ĩna usũsãjariarũmũ rĩjoroagarũmũ rãiorotirũmũ rĩjoroaca ñañuju. To bajiri José,

Jesús ï rijatore ïacõari, “Jesúre rñcubuoꝝ ñaja yu” yituoĩatutuacõari, Pilatore sēnigũ vasuju, Jesús rujurire ãmiru.m

⁴⁴ Pilatojua, José ï sēnisere ajicõari, “¿Socabeati? ¿Jēre rijacoasujari ï?”, yituoĩañuju. To yigũ ñari, surara ujure jiyuju. To bajiri ï ejarone,

—¿Rijamasucoati Jesús vāme cūtigũ? —Īre sēniñañuju ĩ.

⁴⁵ To ï yisere ajicõari, —Jēre rijacoami —Īre yicūdiyuju ĩ, surara uju.

To ï yirone, José ï sēnirore bajirone ĩre cūdiyuju Pilato.

⁴⁶ To ï yir'i ñari, sudijāiri botiquēnarijāiri rāca Jesúre ï gūmarotijāirire vaja yicõari, ï rujurire rujiogũ vasuju. Īre rujiocõari, ĩre gūmañuju, tijāiri rāca. To yigajanocõari, masa yujeriavi gātavi mame ï quēnorotirivijũ ï rujurire cūñuju. To yicõari, ti vi sojere gūtane tūnuobibecū vacoasuju ĩ.

⁴⁷ Mar'ia Magdalena, to yicõari gajeo Mar'ia, José vāme cūtigũ jaco quēne, Jesús rujurire José ï cūro ïañañujarã ĩna.

16

Jesús ï tudicature queti

(Mt 28.1-10; Lc 24.1-12; Jn 20.1-10)

¹ Ušusājararũmu ti jediro, quēna moasũoriarũmu jējuaca Mar'ia Magdalena, gajeo Mar'ia, Santiago jaco, to yicõari Salomé vāme cūtigo quēne,

m 15:42-43 “Ušusājararũmure yirã, ĩna moatũsariarũmu rãioato bero ñasũoaja”, yirũgũñujarã judío masa. To bajiri, quēnoveo jeocõarũgũñujarã ĩna ušusājarotirũmu ejaroto rĩjoro, tirũmure “Moamenane ušusājacõa ñarãsa” yirã ñari.

sətiquēnase vaja yiyujarã ñna, “Jesús rujare turãsa mani” yirã.

² To yicōari, muiju ï busumujado, Jesús rujarire ñna yujeriavire ïarã vasujarã ñna.

³ Vanane,

—¿Ñimũ ñarolari, yujeriavi gũta ñna biberiare manire tũnuogobosarocũ? —gãmerã yiyujarã ñna.

⁴ Ejacōari, ñna ïajama, gũta tũnuo bibeboariaro mañuju.

⁵ Jairicaro ñañuju. To bajiri ti vi sãjacōari, sīgũ ángel ï rujisere ïañujarã ñna. Sudiro botiriase yoarise sãñacōari rujiyuju riojojacatuajũare. Bũto güiyujarã ñna.

⁶ To ñna bajirone, ado bajiro ñnare yiyuju ï:

—Güibesa mũa. Jesús Nazaret macagũre, yucútērojũ ñna jajusĩamasigũre mũa macasere masiaja yũ. Maami adojũre. Tudicaticoami. Ìre ñna cũmasirijũre ïaña mũa.

⁷ Vasa mũa. Ì buerimasare ado bajiro ñnare gotiaya: “Mani rĩjoro Galilea sitajũ varocũ ñañuju. Tojũ ïre tudĩarũarãja mani, ï goticatore bajirone”, ñnare yigotiaya mũa —ñnare yigotiyuju ángel.

⁸ To ï yisere ajicōari, Jesúre ñna yujeboariavijũ budicōari, güirã ñnari bũto nanañujarã. To bajicōari, gãjerãre gotimenane ùmacoasujarã ñna.

*Mar'ia Magdalenare Jesús ï ruyuaĩore queti
(Jn 20.11-18)*

⁹ Tirũmũ, Jesús ï tudicatiriarũmũ, ti semana ñnasũorirũmũ ñañuju ti. Busurijũ jējũ quēna tudicaticōari, Mar'ia Magdalenare rĩjoro ruyuaĩoñuju ï. Cojomo cõro gaje ãmo jũa jēnituarirãcũ so usũju sãñariarãre vãtiare ï bureario ñañuju so.

10 Jesús ĩ tudicatisere ĩacõari, ĩ buerimasare ĩre tũoĩasutiriti otirãre gotigo vasuju so.

11 ĩna tũ ejacõari ado bajiro yiyuju so:

—Quẽna catiami Jesús. ĩre ĩamũ yũ —ĩnare yiboayuju so.

So gotisere ajiboarine, “Riojo gotiamo”, yibesujarã ĩna.

12 Bero, ĩ buerimasa jũarã Jerusalénjũ budicõari ĩna vacudirone, ĩnare ruyuaĩoñuju Jesús quẽna. Gãjire bajigũ ñacõari, ĩnare ruyuaĩoñuju. To bajiri, ĩre ĩamasibesujarã ĩna maji.

13 “Jesús ñaami” yĩãmasicõari, tudiasujarã ĩna, gãjerã ĩ buerimasare gotirã vana. ĩna gotiboajaquẽna, “Riojo gotiama”, yibesujarã ĩna quẽna.

“Ado bajiro yũ oca masare gotimasiõarãja mũa”, Jesús ĩyire queti

(Mt 28.16-20; Lc 24.36-49; Jn 20.19-23)

14 To yiro bero, cojorũmũ ĩ buerimasa jũããmo cõro, gũbo coja jẽnituarirãcũ ñarã ĩna barujirone, ĩnare ruyuaĩoñuju Jesús quẽna. ĩnare ruyuaĩocõari, ado bajiro ĩnare gotiyuju Jesús:

—Yũ tudicatiro bero, gãjerãre yũ ruyuaĩosere ĩacõari, mũare ĩna gotiboasere, “Riojo gotiama”, yitũoĩabejũ mũa. “Jẽre masiãja” yirãre bajiro tũoĩaboabũ mũa. Tũoĩavasoarũabejũ mũa —ĩnare yigotiyuju Jesús.

15 To bajiro yicõari, quẽna ado bajiro ĩnare rotiyuju Jesús:

—Masa jedirore yũ ocare ĩnare goticudirũarãja mũa, “Ajitirũnũato” yirã.

16 No bojagũre, yũ ocare ajitirũnũcõari, oco rãca bautizarotigũre, “Rojose maja” ĩre yĩãcõari,

rojose tãmuotujabetiriaroju ĩ vaborotire ĩre yirẽtobosarũcũja yũ. To bajiboarine, no bojagũ yũ ocare ajitirũnũbecũrema, rojose ñacõarũaroja ĩre. To bajiri rojose tãmuotujabetiriaroju varũcũmi ĩ ũgũma –ĩnare yigotiyuju Jesũs.

¹⁷ –Yũre ajitirũnũrã, ado bajiro yirũarãma ĩna: Yũre ajitirũnũrã ñari, yũ masise sũorine masa usariju sãñarãre vãtiare burearũarãma. To yicõari, ĩna masibeti oca ñaboaserene ñagõrũarãma.

¹⁸ ãñare ĩna ñiaboajaquẽne, to yicõari, oco jũnise vũore ĩna idiboajaquẽne, no bajibetoja ĩnare. Diore sãnicoari, rijarãre ãmo ñujeorũarãma. To ĩna yirone, caticoarũarãma –ĩnare yiyuju Jesũs.

Dios ĩ ñaroju Jesũs ĩ mũjare queti

(Lc 24.50-53)

¹⁹ To ĩ gotiro bero, Dios ĩ ñaroju mani mũju Jesũre ãmimũja vasuju Dios. ĩre ãmimũja ejacõari, riojojacatũajũare ĩre rojoyuju Dios.

²⁰ To ĩ mũjaro bero, masa ñajedirore Dios oca goticudirã vasujarã ĩna Jesũs ĩ buerimasa yuja. To bajiro ĩna goticudisere ĩacõari, mani mũju Jesũs ĩnare ejarẽmoñuju, “ĩnare quẽnaro ajitirũnũato” yigũ. To bajiri ĩ ejarẽmose rãca ĩaĩaĩnamani masare yĩĩoñujarã ĩna quẽne.

To cõrone ñaja.

**Dios oca gotirituti
New Testament in Barasana-Eduria
(CO:bsn:Barasana-Eduria)**

copyright © 2010 Wycliffe Bible Translators, Inc.

Language: Barasana-Eduria

Translation by: Wycliffe Bible Translators, Inc.

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Barasana-Eduria

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 18 Apr 2025 from source files
dated 29 Jan 2022

b6661d38-f021-5259-8010-5dec5b9ba28d